





5.3.423

PHILOSOPHICA
CHRISTIANI WOLFII
MATHEMATUM AC PHILOSOPHIÆ
IN ACADEMIA MARBURGENSI
PROFESSORIS P.
ALIORUMQUE RECENTIORUM
DU-VIGIERII præsertim, & LEYBNITZII
De origine, & præexistentia animarum
THEOLOGICE
DISCUSSA atque EXCUSSA
SENTENTIA.

*Adversus eos omnibus modis defende, & tuere
Deum fecisse Animas, facere, & facturum esse.*
S. AUGUST. AD OPTATUM MILEV.



VERONÆ MDCCXXXVIII.
Typis Dominici Pajelæ Bibliopolæ apud
Sanctum Thomam.
SUPERIORUM FACULTATE.



Reverendissimo Patri
**D. PETRO PAULO
GOTTARDO**

TOTIUS CONGREGATIONIS

C. R.

DE SOMASCHA

PRÆPOSITO GENERALI

F. Tb. Gundisalvus Carattini O. P.

S. D.



*Xignum sane, & rudi mi-
nerva elaboratum opus Ti-
bi Reverendissime Pater
sisto, voveo, atque inscri-
bo; ut qua erga cunctos benignitate
affulges, illud accipias, foveas, &
* 2 tuea-*

tuearis. At enim cum adversus Philosophos nec infimi subsellii, nec obscuri nominis sed eruditione magnos, & nomine in Republica Literaria maximos confectum illud sit, qui semel atque legerint nedum novitatis, sed violata etiam Fidei, & Religionis a me fuisse incusator, nullus dubito, quin ab hac nota, veluti ab impacta calumnia se se eximere voluerint, mihi-que ceu audaci criminatori, aut saltem male feriato Aristarco vices rependerint: tanta est hac etate quorundam philautia; ut tametsi se turpiter errasse deprehendant, dicta sua revocare, & palinodiam canere nolint, multoque minus miti animo ferre; ut ab aliis corrigantur; & si quis est, ut Wolfius (avis sane alba, cuius prudentia, ac modestia summis semper efferentur laudibus) quem non pudeat mutare sententiam, aut ab aliis corrigi; non deerunt alii, qui plus iusto novitatis amore capti mihi contra

tra novitatem scribenti obstrepant, invidiamque procreent. Si tua propterea sub Umbella me, meamque, qualis qualis ea cumque sit, excipere non dedigneris opellam, nihil est quod verear: tantus namque omnium amor, ac tanta est erga te reverentia; ut sperem fore, ut nemo molestiam mihi illaturus sit, quominus, dum me carpit, Tibi Sequestro, & Patrono iniuriosus appareat, aut illiberalis: & si quis fuerit, qui mihi respondendum duxerit, id acturus sit ea modestia, prudentia atque humanitate; ut in Tui obsequium magis, quam in mei confutationem is scripturus sit. Nec hic palpo aut assentor: merita Tua, quæ nec pauca sunt nec parva, Tuique animi suavitates tantum Tibi amoris, atque auctoritatis intus, forisque apud omnes cuiuscumque ordinis, & dignitatis compararunt; ut nemo sit, qui toto mentis affectu Te non complectatur. Et ut extraneos sileam, domesticos duntaxat

xat

cat tuos ad mea confirmanda verba, seu
Congregationis Tuæ Religiosos Viros ap-
pello, qui tanto amore, tantaque vene-
ratione Te prosequuntur; ut nunquam
quievisse videantur; donec Te in Pa-
trem, & Caput habuerint. Cum enim
hoc anno de eo eligendo, apud quem to-
tius Congregationis regimen foret, solli-
citi Vicentiam Generalia Comitia ce-
lebraturi convenissent, Te inter multos,
eosque omnes dignissimos Candidatos
cunctis suffragiis in supremum Modera-
torem, & Generalem Præpositum sele-
gerunt. Dignitas sane eo amplior quo
altior, & quo amplior atque altior eo
Te dignor: illius namque Congregatio-
nis summa es, quæ licet extra Italiæ
fines se non extendat, tanta tamen est,
ut cum aliis Clericorum Regularium
Congregationibus quantumvis fusioribus
tum Nobilium, qui eam ingrediuntur
numero, tum Prælatorum, quos Eccle-
siæ in diem parit, tum Doctorem, quos
Aca-

*Academiis tradit , tum Præceptorum ,
qui pietate in Deum, & humanis, di-
vinisque disciplinis juventutem instituunt
multitudine , jure contendere possit. Ab-
sit invidia verbo . Hæc enim ex quo
ab Hieronymo e Patritia Æmiliano-
rum Veneta Familia (cuius Apo-
theosis in proximo est) instituta , atque
a Pio V. Ordinis mei Pontifice vere
optimo , vere maximo solemnî consti-
tutione firmata est , tantum profecit tum
pietate , tum sapientia ; ut Civitates ,
& Principes bonori , atque utilitati du-
xerint , ampla & magnifica Collegia
illi extruere , in quibus , quæ necessaria
sunt tum ad civilem & nobilem , tum
ad piam , & sanctam vivendi ratio-
nem a Te , a Clericis tuis traderentur.
Inter ea Romanum eminet Clementinum
dictum , in quo non solum nostræ Ita-
liæ , verum totius fere Europæ nobi-
liores Familiæ , Principes usque &
Dynastæ filios suos in Clericorum Tuo-
rum*

rum, qui magna cum laude omnium-
que plausu in conspectu Summi Pon-
tificis munere hoc sane quam difficili
summa cura ac vigilantia sine aliorum
invidentia funguntur, disciplinam dant,
& committunt. Huic adeo nobili Con-
gregationi Tu præes ut Pater, Rector,
& Præsul amore obsequio, & venera-
tione undequaque dignissimus: in ea di-
gnitate Te Deus sospitet ad ampliora,
quæ Te manent, ut meis in votis est,
promoturus. Interea Tu mihi, meæque
opellæ Patronus sis Sequester & Me-
cænas. Vale

Veronæ ex Sanctanastasio Cænobio O. P.

7 Kal. Septembris anno Æræ Dionysianæ a par-
tu VIRGINIS MDCCXXXVIII.



PRÆFATIO.



Eminem mihi succensurum puto, quod Philosophorum placita Theologicè expendere, atque ad fidei examen revocare ausim, nisi fuerit ex iis, qui hanc potestatem,

humanas dijudicandi disciplinas, Theologiæ eripere moliuntur, garrientes haud licitum esse Theologo infra Sanctuarii gradus descendere, falcemque alienam imponere messem, cum præter ea, quæ fidei sunt, alia versat, & pertractat. Fuerunt siquidem omni ætate (utinam nunquam fuissent) id genus Philosophi, qui a Theologiæ legibus se emancipatos dictitarint, ut ineunte III. Ecclesiæ seculo *Asclepiodotus*, *Theodotus*, & *Natalius* Hæretici, qui in rebus Philosophicis ita rationi, & naturæ inhærendum esse dixerunt; ut fidei nullum locum ibi prorsus liquerint: *ὅτι αἱ θείαι λέγουσι γραφαί, ζητῶντες, ἀλλ' ὅποῖον χῆμα συλλογισμῶ εἰς τὴν τῆς αἰδιότητος εὐρέθην σύστασιν, φιλοπότως ἀσκαῖτες.*

A

In-

Inquit Eusebius lib. V. Hist. Eccle. cap. 27. idest non quid sacrae litterae, sed quanam syllogismi forma ad impietatem confirmandam requireretur, studiose indagantes; & seculo V. quidam Johannes Grammaticus Philoponus dictus, qui, teste Photio in sua Bibliotheca cod. 21. Πολλά τε ἀπεισχύπτως λέγει, ἐπιχλευάζων καὶ τοὺς μακάριους καὶ ἁγίους πατέρας ἡμῶν. h. e. multa inconsiderate jabare, & auctoritates etiam Sanctorum Patrum insectari ausus fuit; aiebatque se alium esse Christianum, alium vero Philosophum: uti & in Gallia nonnulli seculo XIII. ita pro Philosophicis erratis suis responsa palliantes, ut dicerent, nota esse quaedam, & vera secundum Philosophiam, sed non secundum fidem Catholicam (quali essent duæ veritates contrariæ) ut inquit Stephanus tunc Parisiensis Episcopus in Epistola Universitatis in qua eos confutat. Omnium audacissimus fuit seculo XV. Pomponatius in Bononiensi Academia Publicus Professor, qui in his, quæ de animæ mortalitate philosophice scripturavit, oportere, dixit (ex testimonio Thom. Episc. lib. de gym. Patavini) qui veritatem invenire vult, in Philosophiâ hæreticum esse: iis similes, quorum temerarios ausus Patres, & Concilia damnarunt, haud æquo animo me habituros scio: at probi omnes, & vere Christiani Philosophi, qui fidei, & Theologiæ subiici gloriæ atque honori ducunt,

cunt, me impense oppidoque laudabunt, quod aberrantem Philosophiam ad Fidei, Theologiæque criterium exegerim.

Et sanè, ut hic pro hujus Theologici juris defensione aliquid obiter dicamus, quid sodes est Philosophia, quid humanæ disciplinæ omnes cum sacra, & divina doctrina comparatæ; ut eas ab omni Fidei, Theologiæque jugo liberas, & solutas existimemus; silendumque sit propterea Theologo, ubi Philosophum loqui semel contigerit? Doctor Gentium Paulus sapientiam hujus seculi ita parum habuit, ut eam appellare stultitiam veritus non sit: Hinc Corinthios suos, ut ab ea pro virili caverent, serio admonuit; *Nemo vos seducat* (ita cap. 3. I., quam ad eosdem dedit, epistolæ) *si quis sapiens videtur in hoc seculo* (sapientia scilicet seculari, ut exponit D. Thomas, quæ in eo, quod contrariatur fidei sapientia non est; licet videatur esse) *fiat stultus* (abiiciendo sapientiam apparentem) *ut sit sapiens: sapientia enim hujus Mundi stultitia est apud Deum.* Prudentissimum consilium. Noverat Paulus quot, quantosque errores ad illam usque ætatem Mundo invexerat ea sapientia, quæ inter ignorantia caligines unam humanam rationem ducem habet, quot, quantosque deceperat Philosophos acri licet ingenio præditos, quibus si vel exigua Fidei no-

P R Æ F A T I O.

5

Καὶ γὰρ δίδουσι τὴν σοφίαν τῷ Πνεύματι
 Ἀγῶδι ὄσαν, ἐκ Θεοῦ ἀφιγμένην
 Δόξαν εἶναι τῆς κάτω παιδείσεως,
 Ὅσπερ θραπταίνης μὴ μάτην φουσιώμενης.
 Τ' ἡριεῖν δὲ κοσμίως εἰδισμένης.

fi. c. interprete Billio.

Justum est enim

*Ut Sophiæ Sancti Spiritus, quæ cælitè
 Profluxit aula, venit & Summo a Deo;
 Ut domina præstet inferæ Sapientiæ,
 Famulæque ritu discat hæc non turgidum
 Concipere fastum, jussa sed prompte æsequi.
 Servire superæ nam decet certe inferam.*

Ita semper sacra egit. Theologia, nullaque
 ætas fuit, qua errantes Philosophos ad veri-
 tatis semitam, vel per privatos Theologos,
 vel per Academias, vel per summos Ecclesiæ
 Pastores, pravas, falsasque eorum opiniones
 proscribendo, & damnando reducere non ten-
 tarit. Infinitus plane essem, si omnes, & sin-
 gulas Philosophorum opiniones minus sanas,
 seu potius Philosophorum deliramenta ab Ec-
 clesia proscripta recensere vellem: quæ quidem
 tametsi, ut ajunt ij, qui de Schola sunt, ad fi-
 dem *directè* non pertineant, *indirectè* saltem
 spectant, quæque propterea, nisi tempestive a
 Scholis Catholicis profligantur, non parum da-
 mni, & dispendii paritura sunt, hac præsertim
 ætate,

ærate, qua Philosophi nonnulli ex iis, quæ semel statuerint, principiis, sive veris, sive falsis rerum causas, & naturas scrutantur, & metiuntur, rati id solum verum esse, quod mente suis capta præjudiciis percipiunt, seu potius percipere arbitrantur. Præpostera sane, atque inversa hujus temporis philosophandi ratio. Constantissimum apud omnes semper fuit, veritatem primo in Dei mente tanquam in fonte consistere, in rebus deinde, prout hæ archetypis divinæ mentis ideis conformes sunt, denique in humano intellectu res, prout in se ipsis sunt, apprehendente. Ita olim cum Angelico Præceptore Theologi, & Philosophi omnes: contra qui nunc philosophantur, veritatem primo sua in mente collocant, in rebus deinde, in quantum istæ intellectui apprehendenti consonant, postremo, & tandem in Deo, sibi suadentes res ita in se revera esse, quia ipsi ita eas cognoscunt, vel cognoscere somniantur: quo semel posito principio proclive est cuique errorem quemlibet vel crassissimum, *Materialismum*, *Spinosismum*, *Idealismum*, ipsumque etiam *Atbeismum* tueri, ac defendere.

Ecclesia itaque in his, quæ ad fidem utcumque spectant, falli, & fallere nescia sanctitissime Theologis suis mandat, præcipitque ex officio, ut Philosophos, & cujusvis humanæ dis-

sci-

P R Æ F A T I O. 7

disciplinæ sectatores, aut Doctores ad fidei tribunal vocent, eorumque studia mature examinent, & quam diligenter discutiant: ut si quid forte fortuna in iis corrigendum emendandumque offenderint, corrigant extemplo, atque emendent, neque voces illas, quæ cæcipientis ethnici, non vero illuminati Christianique Philosophi sunt: *Philosophi sumus de Fide & Theologia non curamus*, ullo modo pati potest: enimvero impossibile est; ut verum vero opponatur, atque quod Fides, & Theologia uti falsum reicit, id tanquam verum sana admittat Philosophia.

Sic ergo (concludamus cum Angelico Doctore II. contra Gentes cap. 3.) patet falsam esse quorundam sententiam, qui dicebant (quemadmodum nunc non desunt qui hoc ipsum dicant) nihil interesse ad fidei veritatem: dummodo circa Deum recte sentiatur, ut Augustinus narrat de origine animæ: nam error circa Creaturas redundat in falsam de Deo scientiam, & Hominum mentes a Deo abducit, in quem fides dirigere nititur, dum ipsas creaturas aliis quibusdam causis, consequenter Deo supponit. Et idcirco illis, qui circa Creaturas errant, pœnas sicut Infidelibus Scriptura comminatur dicens in Psalm. 27. Quoniam non intellexerunt opera Domini, & opera manuum ejus, destruet illos.

Hæc

Hæc pauca præfari volui, quominus mihi disquirendo in Philosophos plus arrogasse videar, quam debuerim, pessimeque audiam apud eos, qui Fidei & Theologiæ Tribunal parvi pendent, & solum ab humana ratione corrigi patiuntur. Cur vero Provinciam hanc non adeo facilem susceperim ego, idque ipse ausim, quod nemo fortassis erat facturus; si a me percuncteris Lector amice, scias, novam *Wolfianæ* Philosophiæ Editionem, quæ post Lypsiensem sit Veronæ Typis Dionisii Ramanzini, mihi scribendi occasionem præbuisse: atenim cum prior *Theologiæ Naturalis* Tomus, anteaquam prælo subderetur, mihi commissus esset examinandus, ut si quid forte Fidei adversum, & sanæ Doctrinæ contrarium in eo invenirem, his indigiterem, qui hoc mihi ex officio demandaverant. Nonnulla inter legendum offendi, quæ spongia digna, & Catholicis Scholis minime invehenda mihi visa sunt, hanc præsertim de uno omnium hominum ortu, atque origine opinionem.

Ubi hæc accepere nonnulli Wolfio plus iusto addicti, haud æquo tulere animo, meque minus aptum, aut saltem morosum censorem existimarunt, qui ea noluerim approbare, quæ necessario consequuntur ex iis quæ aliis in Tomis Censores Catholici me longe doctiores, &
Ve-

P R Æ F A T I O. 9

Venetis, & Veronæ paulo ante Wolfio approbarunt. Omnia egerunt; quo latum a me iudicium immutarem, atque tam acrem (ut illis videbatur) censuram utcumque temperarem. At frustra & incassum: in dictis perstiti, nec filum a sententia mea motus sum, & tantum quibus de causis ita censuerim, quam primum me ostensurum, & cum illis amice conlaturum, si vellent, significavi: quod etiam præstiti super hac potissimum, de qua in præsentia agimus, opinione. Argumentis, quæ in contrarium attuli, acquievisse visi sunt, nec quod mihi reponerent habuerunt aliud, quam Doctores apprime Catholicos, quos inter Dn. *Rasfels Du-Vigier* natione Gallum in opusculo *de l'esprit de l'Homme* hoc idem cum Wolfio sentire. Sed adeo parum profuit Wolfio *Du-Vigierius* Gallus licet & Catholicus, ut cum una cum Wolfio impugnandum susceperim.

Accessit cujusdam auras ubique captantis, & quærentis jactantia, qui ubi sparsum in Urbe rumorem persensit ob latum a me iudicium, obgannire statim, & Clientum suorum auribus insussurare, sibi in hanc rem disquendi onus impositum fuisse: quasi Censoris iudicium insufficiens fuerit, & solus-ipse quærendus, qui negotium istud nasute discuteret.

B

En

En quàmobrem hanc, qualis ea cumque sit, elucubravi dissertationem, non sponte, ut vides, mea, sed necessitate pene compulsus, in qua si quid ad rem dixerim, impositumque onus pingui licet minerva expleverim, haud dubito, te mihi gavisurum fore, sin minus, saltem Catholicæ Fidei amorem in me Lector amice commendabis.



CA-



CAPUT I.

Exponitur Wolfii systema.



T si variæ, multæque semper fuerunt cum Philosophorum, tum Patrum de Animarum origine opiniones; una omni ætate a primis sæculis ad hæc nostra usque tempora de corporum ortu invaluit apud omnes sententia, affirmantibus cunctis humana corpora in utero Matris ex permixto viri, & mulieris semine quotidie efformari. Ex quo tamen Medici, & Philosophi nonnulli, inter quos *P. Honoratus Fabry*, & *P. Malabranche* suadere conati sunt, Deum rerum omnium Opificem creasse initio temporis omnes, & singulas substantias corporeas, cuncta videlicet Hominum corpora in primo homine, in primis plantis omnes plantas, atque in primis animantibus cuncta animantia; de corporum quoque origine lis, & contentio nata est.

At hic non stetit novitatis amor, & nova exco- gitandi prurigo: illi, quibus *Fabry*, & *Malabranche* conatus arriserat, ulterius progrediendum e-

xistimarunt, præsertim Dn. *Rassius* Dn. *Vigier*, *Leybnitzius*, & *Wolffius*, alique, quos in medium adducere parum, aut nihil refert, uti neque, qui glaciem hanc fregerit.

Du-Vigier cap. 14. sui tractatus de l'esprit de l'Homme modum, quo humanum genus primi Parentis labem contraxerat, explicaturus, atque expositurus pro fundamento ponit, omnes, & singulos Homines & quantum ad corpus, & quantum ad animam creatos fuisse in Adamo.

Leybnitzius in suo *Essais de Theodicée sur la Bonté de Dieu, la Liberté de l'Homme, & l'Origine du Mal* part. 1. n. 91. hoc idem docet, Deum scilicet nedum omnia corpora humana sub temporis initium, sed etiam animas creasse, easque illis in Adamo existentibus infudisse.

Christianus Wolffius hos Auctores sectatus est in sua *Psychologia rationali* sect. 4. cap. 2. de animarum ortu, unione cum corpore, & immortalitate §. 704. adnotationem cuius paragraphi ita claudit: *doctrinam igitur D. Thomæ (de Animæ immortalitate) cum Physica Virorum celeberrimorum [Fabry, & Malabranche] hic connectimus*, cum hoc modo evitentur errores de præexistentia Animarum ante Corpus, de peccato earum extra corpus commissio, & de earundem in corpora detrusione, ut peccati dent penas, consequenter nihil defenditur, quod a Patribus, ac Theologis sit improbatum. Quod verò S. S. Patres tantummodo damnaverint hypotesin de præexistentia Animarum ante corpus, & sine corpore, ex verbis *Gelasii Papæ* clarissime liquet, qui in libro adversus *Eutichetem*, & *Nestorium* de duabus naturis: nec initialiter, inquit, Ani-

Anima alibi potuit exsistere, quam in corpore, nec corpus valet constare sine Anima. Hic tamen rem operosius se acturum in Theologia naturali promittit: & revera 1. p. cap. 5 de Creatione, & Providentia Divina §. 780. cuius titulus est: *Animæ humanæ a Deo creatæ in prima rerum creatione, hæc habet: præexistunt autem in corpulentis organicis præexistentibus, ex quibus fœtus in utero formatur.* (§. 704. Psychol. rat.) & cum iis in uterum matris deferuntur, (§. 705. Psychol. rat.) consequenter non demum creantur quando fœtus in utero formatur. Quamobrem nulla subest ratio, cur non admittamus eas perinde ac elementa rerum materialium in prima statim creatione a Deo fuisse creatas. Cui paragrapho hanc notam apponit. Nobis hic perinde est, sive qui statuat, Animas humanas in prima statim rerum creatione cum eo, quod substantiale est, in omnibus corporibus fuisse creatas, ita ut hodie nihil creetur amplius; sive defendat, eas tum demum creari, quando in utero vivere incipit fœtus; modo agnoscat, eas a Deo creari: & si veritati consentaneum sit prius, non tamen intelligendum; nisi iis, qui principia moderna de generatione plantarum, animalium, Humanumque physica, & de præexistentia Animarum Psychologica habuerint perspecta. Ita in Editione Lypsiensi anno 1736., aliter tamen in Veronensi: quandoquidem enim certior factus Wolfius hanc suam hypothesein haud placuisse Veronensibus Censoribus statim Marburgo Cattorum (ubi etiam num magna cum laude apud suos vivit) rescripsit delenda prorsus esse in nova Ramanziniana Veronensi Editione ea utique verba §. 780.

IN

IN PRIMA CREATIONE *ne videatur defendere, que dominantur* : PRÆEXISTUNT AUTEM *usque ad finem, in nota quoque pro* VERITATI CONSENTANEUM *poni posse* : THEORIÆ PHYSICÆ RECENTIORI CONSENTANEUM. Ex quo clarissimum est opinionem hanc non ex animo Wolfium adoptasse, cum eam hic lubens mutaverit: murasset & alias, si admonitus fuisset Vir plane doctissimus æque ac modestissimus, cui una cum Nestoreis annis veram in Deum fidem adprecor.

Itaque juxta id genus Philosophos creavit Deus in Adamo omnes, & singulos Homines; ita ut Animæ, quas post damnationem Origenianæ Doctrinæ in V. Generali Synodo anno DLIII. quotidie a Deo produci semper creditum est, nunc cum corporibus suis ab initio mundi creatæ inveniuntur. Sic Ego in lumbis tot Hominum fui, quot habui majores ab Adamo usque, Me miserum quot in carceribus fui!

Si quis vero petat quid Animæ Humanæ quandiu tot corporibus inclusæ manent, agant, vel agere possint, Wolfius respondet cap. 2. sect. 4. Psychologiæ rat. de Animæ oriū §. 66. *Et: dum Anima in corpusculo organico præexistente, quod fatus rudimenta continet, si ita videtur, in animalculo spermatico præexistit, in statu perceptionum confusarum est; idest etsi ideas jam ab initio habet, eas nonnisi obscuras habet, & si quid claritatis immixtum perceptionibus obscuris est, adeo exiguum illud est, ut in numerum clararum idearum minime referri mereatur, ubi nec sibi conscia est, caretque operationibus intellectus, & rationis, præteritorumque*
me-

memoria: hæc enim omnia non nisi per ideas claras peragi possunt. Quod vero ideas confusas habeant, ex eo colligit Wolsius, quia nemo unquam mortaliuni tale quid observavit; sed in confesso potius est panes omnes, nos status præexistentiæ neutiquam recordari. Cunque porro Animæ præexistant suis in corporibus, ideasque innatas habeant, nullaque sit in eis memoria: obscuras & confusas habeant oportet.

En celebre inventum quod nullo negotio rei-
ci, atque exsufflari potest: quemadmodum enim sola affirmatione adstruitur; ita sola inficiatione demolitur. Verum ne pari temeritate, qua Philosophus asserit, Theologus inficiavideatur; omnibus Theologiæ locis seu argumentis illud excutere operæ præmium est, Traditione, Ecclesiæ Catholicæ consensu, Conciliorum definitionibus, Romanorum Pontificum decretis, Sanctorum Patrum dictis, Theologorum omnium calculo, Juris Pontificii sententia, Philosophorum autoritate, naturalis Rationis pondere, Humanæque Historiæ suffragio: nec non absurda, quæ sponte sua inde nascuntur, detegere; denique ostendere adeo fictitium illud esse, ut nullo prorsus modo dignum sit, quod vel tanquam pura putaque Hypothesis in Scholis Chatholicis admitteretur.





CAPUT II.

Recentiorum Philosophorum de Hominum ortu opinio scripturis opponi demonstratur.

Theologus, quum rem aliquam suscipit discutiendam, e vestigio ad Scripturam, quod hæc in rebus Theologicis primum obtineat locum, digitum intendit, ita & nos in hac, quam versamus, quæstione, quid Scriptura dicat, primum inquirimus, ipsamque hominis efformationem, quam nobis initio Scripturarum exhibet *Moses*, diligenti examine expendimus; si forte in ea huius novitii systematis vola, aut vestigium aliquod appareat, vel eius contrarium inveniatur.

Post quam Deus Cælum & Terram,¹ omnemque ornatum eorum creaverat, seu ex nihilo fecerat; ita *Moses* hominis efformationem nobis adumbrat: ait *Deus*; *faciamus Hominem ad imaginem, & similitudinem nostram... Et creavit Deus hominem ad imaginem suam; ad imaginem Dei creavit illum, Masculum, & Fæminam creavit eos, benedixitque Deus illis; & ait: crescite, & multipli-*

applicamini, & replete terram. Modus quo homo factus est capite sequenti habetur: Formavit igitur Dominus Deus Hominem de limo terræ, & inspiravit in faciem eius spiraculum vite, & factus est Homo in Animam viventem, ex lutea nempe massa in eam quam gerimus formam, humanum corpus finxit Deus, cui statim, ut viveret, insufflavit Spiritum, seu animam, non suæ substantiæ portionem, ut post nonnullos veteres Philosophos Manichæi putabant, sed alterius naturæ ex nihilo factam. Efformatio Femine aliter contigit: Vident nimirum Deus, quod Adamus esset solus, singula vero animantia bina & bina, non est bonum, dixit, Hominem esse solum, faciamus adiutorium simile sibi; immisitque Dominus Deus soporem in Adam, cumque obdormisset, tulit unam de costis ejus, & replevit carnem pro ea, edificavit Deus costam, quam tulerat de Adam in mulierem, in mulieris scilicet corpus, cui utique spiritum, seu animam ex nihilo factam mox inspirasse certissimum est.

In hac simplici, & nullis rhetorum fucis ornata humanæ geneleos historia, nec vola apparet, nec vestigium plurium Hominum, multo minus omnium, & singulorum, quos tunc effecerit Deus; sed unius tantum maris, & alterius Femine. Enimvero verba hæc creavit Deus Hominem, formavit Deus Hominem, inspiravit in faciem eius, factus est Homo in obvium sentum accepta non multitudinis, sed duorum tantum efformationem præferunt: alioqui Moses non singulari numero sed plurali scripsisset, creavit Deus homines, formavit Deus Homines, inspiravit in facies eorum, facti sunt homines in animas viventes.

C

Nec

Nec reponant adversæ opinionis Patroni, parum aut nihil referre, quod unum tantum Moses posuerit, id imo eleganter factum: Homo namque his in locis non singularem personam, sed ipsum humanum genus sonat, ut sensus sit: formavit Dominus Deus genus humanum, factum est Hominum genus in animam viventem; quod non obscure innuere videtur primigenius Textus verbis illis נָשַׁם חַיִּים בְּאַפִּי וַיִּפַּח *insufflavit in faciem ejus flatum vitarum*; דָּם חַיִּים *vitarum* Deum singulis corporibus in Adamo jam efformatis suas tunc inspirasse animas, significat.

Non inquam id reponant quoniam hæc interpretatio violenta est, sacroque Textui parum amica. Enim vero si ita est, cur etiam non dixit: *Masculum, & Feminam creavit eum, benedixitque illi?* nunquid unus tantum masculus, unaque tantum fæmella plures sunt, quam totum genus humanum, aut plura hi duo significant, quam pene infinita multitudo. Minus quoque apposite dictum est, quod in confirmationem adducitur ex vocē חַיִּים: nemo enim, qui extremis tantum labiis Linguam Sanctam degustaverit, nescius est דָּם חַיִּים, et si plurium vox est, singularem vitam sonare, quod pluribus exemplis ex eodem primigenio Textu comprobari posset; unde optime Vulgatus Interpres vertit: *spiravit in faciem ejus spiraculum vite*, & LXX. πνεύσας εἰς τὸ πρόσωπον αὐτοῦ πνοὴ ζωῆς; quinimo si id, quod contendunt Adversarii, vel tantillum adumbrare voluisset Moses, הֵן potius in singulari posuisset; quod non solum *vitam*, sed etiam teste Bux-

tor-

torfio in suo Lexico *turbam*, & *cateruam* significat. Cur vero vitam in plurali potius *οἶν* quam *νῆν* in singulari efferant Hæbrei, idemmet Buxtorfius docet, quia videlicet vita completitur plura, dies scilicet, & tempora.

At pergamus, quæ sequuntur, exponere; ut quam longe a Scripturis Sacris locuti sint recentiores Philosophi, dum singulos Homines mundo Synchronos volunt, melius percipiamus. Postquam Deus Masculum, & Fæminam creavit, inquit Sacer Textus: *Benedixitque illis, & ait, crescite, & multiplicamini, & replete terram.* Hæc loquendi formula satis aperte innuit tunc omnes homines Deum non creasse! Quid per fidem deinceps multiplicandum, si jam completus erat numerus? multiplicare sonat aliud nihil, quam numerum augere, atque ex minore majorem efficere: quemadmodum videlicet quinque panes, quibus Christus Servator quinque hominum millia in eremo pavit, multiplicati dicuntur; eo quod ex quinque facti sunt mille, aut etiam plures. Ridiculum sane præceptum, ut multiplicentur, qui numero augeri nequaquam possunt. Ita in V. Synodo adversus Origenem, qui omnes Animas una simul creatas ponebat, argumentabatur. *πῶς ἄρα εἰ προὔπῃρχον αἱ ψυχὰς τῶν σωμάτων; ἢ μὲλλε κατὰ τὴν θείαν πρόσταξιν αὐξάνεσθαι, καὶ πληθύνεσθαι τὰ προὔπῃρχοντα κατὰ τὰς ἐκείνου μύθους;* Dicendum fuisset: effunde o Adam, atque exere, quos in lumbis habes, eorumque effusione terram reple, atque

atque cooperi . Atquis est, qui Deum inficitur
in loquendo, atque imperitiæ arguat?

Nec tantum præpostera foret in hac novitia
opinioe Scripturæ locutio, imo & inversa Dei
operatio in Heva efformanda . Enim vero post
cunctos homines, quorum futura erat mater,
Heva creata fuisset, postquam scilicet Adamus
cunctis animantibus nomina imposuerat: in eo-
rum namque recensione se sine socio, & comi-
te invenit: *formatis igitur (en textus) Domi-
nus Deus de humo cunctis animantibus terræ, &
universis volatilibus Cæli, adduxerat ea ad Adam,*
ut videret, quid vocaret ea: omne enim, quod vo-
cavit Adam, animæ viventis, ipsum est nomen ejus,
appellavitque Adam nominibus suis cuncta animan-
tia, & universa volatilia Cæli, & omnes bestias
terræ. Adæ vero non inveniebatur adiutor similis
ejus. Inimisit ergo Dominus Deus soporem in A-
dam; cumque obdormisset, tulit unam de costis
ejus, & replevit carnem pro ea, & edificavit Do-
minus Deus costam, quam tulerat de Adam in
mulierem, atque ita Puella unius tantum dici,
vel horæ, quæ nascetur, cum Heva sui omnium-
que viventium matre jure poterit de antiqui-
tate contendere.

Hæc omnia fiunt clariora ex fine, quem De-
us habuit in Adami, & Hevæ creatione. *Quam-*
obrem relinquet Homo Patrem, & Matrem suam,
& adhærebit Uxori suæ, & erunt duo in carne una,
ita in nostra Vulgata legimus, & in Septuaginta
καὶ ἔσονται οἱ δύο εἰς σάρκα μίαν a quibus ne-
utiquam differt primigenius Textus, et si in

Et vox duo desit אחד והיו & erunt in carne una, Vir scilicet ejusque Uxor, qui sane duo solummodo sunt. Horum verborum obvius apertusque sensus est, ideo Hominem Uxori suæ adhærere, ut ex commixto amborum semine una prolis caro efficiatur: Ita Patres, & Theologi, quorum interpretatio inepta prorsus & inutilis, imo & falsa; si antequam Vir Uxori suæ adhæreat, jam proles efformata est, & usque ab initio mundi in Adamo creata.

Non me fugit alias esse horum verborum & erunt duo in carne una interpretationes: exponuntur enim, & pro mutua potestate, qua unus conjugum in corpus alterius habet, pro negotiorum domesticorum communione, pro reciproco utriusque inter se se amore, & denique pro ipsius matrimonii insolubili, perpetuoque fœdere: At hæ omnes interpretationes tantum abest, ut priorem infirment, ut imo in illa fundentur, exurgantque ex illa. Ideo namque Vir, ejusque Uxor duo esse debent in uno amore, in uno domesticorum negotiorum commercio, in una eademque suorum corporum potestate, in uno denique eodemque matrimonii fœdere; quoniam hi duo unum sunt in una prolis gignendæ carne, atque ex substantia utriusque substantia geniti & nascentis formatur, & efficitur. Et sane si secus contingeret non video, quid Matrem inter & Nutricem intersit, nisi quod Mater infantem intus gerat, intus alat, nutrix vero foris, cætera similes, paresque omnino.

Alterum argumentum a *Sarae*, *Rebecca*, *Rachelis*

lis *Anna* et *Elisabeth* Uxoribus Abrahami, Isaaci, Jacobi, Elcanæ, & Zachariæ sterilitate defumo, quod licet a delicatulis Fæminis veniat, sat tamen virium habet ad profligandum novitium systema. Has SS. Mulieres diu steriles fuisse Scriptura narrat. De *Sara* legimus Geneleos 16, quod Abrahamo viro suo dixerit: *ecce conclusit me Deus; nè parerem: ingredi ad Ancillam meam, si forte saltem ex illa Filios suscipiam.* De *Rebecca* Geneleos 25. dicitur Isaacus vir ejus orasse Dominum pro Uxore sua, eo quod esset sterilis. De *Rachele* habemus cap. 30. cernens autem *Rachel*, quod infæcunda esset, invidit Sorori suæ. Et de *Anna* Elcanæ Uxore 1. Regum cap. 1. quod Deus conclusisset vulvam ejus, eique sterilitatem exprobrasset ejus æmula *Phenenna*; unde illa amare flebat, Deumque enixe deprecabatur; ut & sibi filios concederet. Sterilitatem denique *Elisabeth* exhibet S. Lucas cap. 1. sui Evangelii attestans, quod non erat illis (Zachariæ, & Elisabeth) Filius; eo quod esse *Elisabeth* sterilis: sed etsi harum mulierum sterilitatem siluisset scriptura, id facto satis comprobaretur; eodem quippe tempore, quo *Sara* nec concipere, nec parere poterat, Abrahamus ejus vir ex *Agare* Ismaelem suscepit. Jacob quoque, infæcunda *Rachele*, filios procreabat ex *Lia*, *Bala*, et *Zelpha*; *Elcana* itidem quos ex *Anna* non habebat filios, suscipiebat ex *Phenenna*. Hoc idem contigisset *Isaaco*, & *Zachariæ*; si aliis commixti fuissent mulieribus.

At hæc omnia putida mendacia sunt, nobis illudit Scriptura in Neotericorum de una omnium
Ho-

Hominum creatione Sententia, & illiberalis calumnia est sterilitatis, infœcunditatisque opprobrium obtendere his sanctissimis Fœminis, quæ ideo nec concipere, nec parere potuerunt, quod nullam a viris suis prolem suo in sinu exceperunt: alioqui dicendum Abrahamum per quinquaginta, et amplius annos, quibus cum Sara Uxore sua filiorum procreationi incubuit, infinitorum Hominum jacturam fecisse.

Dicet fortassis non nemo sterilitatis morbo revera laborasse SS. Patriarcharum Uxores, nullamque prorsus, quandiu ea detinebantur infirmitate, edidisse prolem; propterea quia summus omnium rerum Provisor Deus respiciens ad harum mulierum morbum, ita egit, ut fœcundo semine mariti eas non aspergerent, sed per aliarum uxorū uterum illud spargerent; ut ab his susciperent liberos, quos a sterilibus habere non poterant.

Exacta sane, & tempestiva responsio, nisi eadem, qua profertur, rejci posset facilitate: undenam fides hoc didicere viri egregii, ubi expiscati sunt? non in Scripturis; nullibi enim scripturarum vel tantillum apparet, ita Deum humanum genus moderari, ut illuc homines fundi non patiatur, ubi jacturæ periculum est, dispendiumque certissimum. Fuerunt igitur laudatæ mulieres steriles; propterea quia cum semen reciperent, illud non *confovebant* (Hieronymi phrasi utor) *confortum non corporabant, corporatum in membra non distinguebant*; ut inde inter illas secretas ventris angustias Dei manus operaretur, idemque Animæ, & corporis Creator.

Et

Et sane ita Hominum genesim fieri apertis verbis affirmat Scriptura. Jobus cap. 15. initium sui non in Protoparentis lumbis, sed in matris utero dudum habuisse testatur; *nunquid*, inquit, *in utero fecit me Deus, qui & illum operatus est, & formavit in vulva unus?* Non puto hic Jobum vulvæ, & uteri nomine Adami lumbos indicare voluisse. Et supra cap. 3. tempori, quo vivere cæpit imprecatus, *pereat*, inquit, *dies in quo natus sum, & nox in qua dictum est: conceptus est Homo.* Quamobrem tam særo tempori maledicis, o bone Jobe, si ab ipso mundi exordio efformatus es?

Isaias quoque hoc idem asserit cap. 44. verbis illis: *Hæc dicit Dominus Deus formans me ex utero servum sibi.* Ipsemet Deus Jeremiam alloquens manifeste indicat locum, & tempus ubi, & quando Prophetam hunc efformaverit: *Priusquam te formarem in utero novi te, & antequam exires de vulva sanctificavi te.* cap. 1. Quomodo ab initio mundi facti sunt, qui in matris utero formari dicuntur? Quomodo igitur Job, Isaias, Jeremias in utero matris esse, & vivere cæperunt, ita & reliqui Homines, quidquid in contrarium adstruere nitantur recentiores Philotophi.

Quid his omnibus reponi possit, non video nisi quod scriptura quandoque juxta vulgi præjudicia, loquatur. Ita Vallisnerius, qui iccirco P. Albertum Tylkovvski deridet, quasi Deum fecerit Pastorem casei formellas fabricantem: eo quia, ea Jobi verba cap. 10. *Nonne sicut lac mulsisti me, & sicut caseum me coagulasti* cum in sensum usurpat, ut velit in humanæ generationis opere semen
ad

ad instar lactis coagulari; miraturque, quid nati-
etiam cum obstetricem faciat; cum pariter dixe-
rit Jobus: *quare de vulva eduxisti me?*

At hæc responsio purum putumque effugium
est ad declinandam vim argumenti excogitatum:
Atenim si vera esset, eo nos duceret; ut nul-
lam prorsus fidem Scripturæ haberemus, & fa-
cile cuique foret omnia ejus testimonia quan-
tumvis apertissima illudere, illudque Christi Ser-
vatoris argumentum Joh 3. ad revincendam Ju-
deorum incredulitatem: *Si terrena dixi vobis*
& non creditis, quomodo si dixerō vobis cælestia
credetis? nullius esset roboris; in eum imo veluti
in fallacem argutorem hoc ipsum ejus argu-
mentum regereremus: quomodo Tibi cælestia,
quæ captum superant nostrum, loquenti fidem
præstabimus; si terrena ad nostrum intellectum
accomodata, quæ ad conciliandam Tibi fidem
enarras, falsa sunt, & commentitia, tantumque
ab ignavo vulgo veri falsique nescio credita at-
que approbata?

De Vallisnerio autem liceat mihi dicere quod
sentio. Eodem Vallisnerius, Vir cætera doctissi-
mus, majori imo sale fricandus esset, quem, ut
systema suum de *Ovis feminarum Vivipararum*
aliquo Scripturæ Testimonio utcumque confir-
met, Deum ut Gallinam ovis incubantem, pul-
lesque excludentem exhibere non puduit: prop-
terea quia ubi Vulgatus Gen. 1 legit. *Et Spi-
ritus Domini ferebatur super aquas* Hebræus habet:
רוח אלהים מרחפת על פני המים *Spiritus Dei in-*
cubabat super aquas.

D

Val-

Vallisnerio itaque , & cuique Philosopho respondemus cum Ecclesiaste cap. 11. *Quomodo ignoras , quæ sit via spiritus & qua ratione compingantur ossa in ventre pregnantis : sic nescis opera Dei , qui fabricator est omnium .*



CA-



C A P U T III.

*Traditione, qua est alterum
Theologia argumentum re-
cens Philosophorum sen-
tentia refellitur.*

IN ipsa Catholica Ecclesia magnopere curandum est, ut id teneamus, quod ubique, quod semper, quod ab omnibus creditum est. Hoc est enim vere proprieque Catholicum, quæ ipsa vox nominis, ratioque declarat, quod omnia fere universaliter compræhendit. Sed hoc ita demum fiet, si sequamur universitatem, antiquitatem, consensum; sequemur autem Universitatem hoc modo, si hanc fidem veram esse fateamur, quam tota per Orbem Terrarum confitetur Ecclesia: Antiquitatem vero ita, si ab his sensibus nullatenus recedamus, quos sanctissimos majores, & Patres nostros celebrasse manifestum est: Consensum quoque itidem, si in ipsa vetustate omnium, aut certe fere omnium Sacerdotum pariter, & Magistrorum definitiones, sententiasque sectemur. Hæc Lirinenſis senſa 1. p.

common. c. 3. dum sequimur, & Philosophis antiquitatem, universitatem, & consensionem opponere studemus, non est animus ostendere omnes veteres Ecclesiæ Patres unanimi consensu tenuisse, animas quotidie a Deo creari, moxque suis infundi corporibus: scimus namque diu, multumque super animarum ortu, atque origine in Ecclesia disceptatum fuisse, affirmantibus aliis omnes animas in exordiis mundi efformatas fuisse: aliis quotidie efformari ex nihilo, aliis vero ad instar corporis unam ex alia traduci: *audio* (inquit *Rufinus Aquilejensis Præbiter in apologia*, quam pro se ad *Anastasium Romanum Pontificem* scripsit, ut in operibus Sancti Hieronymi to. 2. Veronenfis Editionis legitur) & *de Anima questiones esse commotas: de qua re utrum recipi debeat querimonia, an abiici, Vos probate. Si autem & de me, quid sentiam, queritur, fateor me de hac questione apud quamplures Tractatorum diversa legisse. Legi quosdam dicentes, quod pariter cum corpore per humani seminis traducem etiam anima difundatur: & hoc quibus poterant asserticibus confirmabant; quod puto inter Latinos Tertullianum sensisse, vel Lactantium, fortassis & alios nonnullos: alii asserunt, quod formati in utero corporibus Deus quotidie faciat Animas, & infundat: alii, quod factas olim ex nihilo nunc eas iudicio suo dispenset in corpora. Hoc sentit Origenes, & nonnulli alii Græcorum.*

Quod igitur Traditum esse volumus, illud est, omnes, & singulos homines Adami, & Mundi Synchronos minime esse, sed novos quotidie fieri, & gigni; a qua sententia nec Origenes, nec

Græ-

Græci abhorrent, qui tametsi dicunt Animas prius fuisse Angelos, qui ob patrata in alia vita sine corpore crimina in corpora tanquam in carceres detrusi sint; in hoc cum aliis & ipsi sentiunt, tunc primum homines fieri, quando formati in utero matris, atque ex matris semine corporibus animæ infunduntur, quod a novitio systemate alienum est; itaque quamvis in controversia diu fuerit, utra harum opinionum melior esset, an quæ asserit Animas a Deo e nihilo creari, an vero quæ ex traduce fieri docet; constantissimum tamen semper fuit, novas quotidie Animas fieri, & produci: ita a maioribus suis Ecclesiam accepisse, idque tenuisse omnes duplici facto ostendo, quorum primum est *Synesi* Ptolemaidis Episcopi, quod legitur apud Eminentissimum Annalium Parentem ad annum Christi CCCCX.

Fuit *Synesus* Patria Cyrenensis, atque Alexandria sub Pontificatu *Theophili* Patriarchæ versatus. Hic teste *Evagrio* lib. 1. c. xv. apud Earonium, cum in rebus aliis dissertus, tum in Philosophia egregie excolenda adeo cæteris eximius fuit; ut etiam a Christianis in magna haberetur admiratione; eum propterea, ut ex ethnico Christianus, & Sacerdos, quinimo & Episcopus fieret, adhortabatur præ cæteris Theophilus: pro virili renuit diu, obstititque *Synesus*; quoniam Philosophorum Platoniorum placita, quæ cum Christiana Fide stare neutiquam poterant, mente atque animo abiicere nolebat. *Καλεπὸν εἶναι, εἰ μὴ καὶ λίαν ἀδύνατον εἰς ψυχὴν*

τὰ δὲ ἐπισήμης εἰς ἀπόδειξιν ἐλθόντα δόγματα
σαλευθῆναι· Οἶδα δ' ὅτι πολλὰ φιλοσοφία τοῖς
θρυλλυμένοις τέτοις ἀντιδιατίττεται δόγμασιν .
Λ' μέλει τὴν ψυχὴν ἐκ ἀξιώσω ποτε σώματος
ἕστριγενῇ νομίζειν . Τοῦ κόσμου ὕψισω, καὶ τὰλλα
μέρη σωδισφδεῖσθαι . Τὴν καθωμιλημένην ἀνά-
σασιν ἱερέν τι καὶ ἀπόρρητον ἥγναι , καὶ πόλλα
δέω ταῖς τῷ πλήθους ὑπόληψιν ἐμολογῆσαι .
ita ferme ad Eusebium Fratrem suum epistola:
quæ est 105. scripsit) idest: difficile est, atque adeo
fieri omnino non potest, ut animus, quæ per evul-
sionem, & scientiam in certam, necessariamque per-
suasione evaserint, fluere, & in dubium voca-
re sinat. Nosti porro Philosophiam admodum divul-
gatis istis Christianorum adversari opinionibus. Ita-
que [en Christianorum opiniones, quas, ne com-
plecteretur Synesius, verebatur) haud unquam ad-
ducatur, ut posterius animam, quam corpus gigni
credam: neque mundum ipsum, & partes ejus ali-
quando interituras esse dicam: resurrectionem præ-
dicatam sacrum quiddam, & minime vulgandum
esse dico, neque conceptis vulgi opinionibus assenti-
ri possim. Ita ex veteri versione, a qua non dif-
fert Petaviana. Tanti erat ea tempestate opinio
illa, quæ Animas nonnisi post corporum effor-
mationem assererat, ut qui secus sentiret, a Chri-
stianorum cœtu non minus arceretur, quam ille
qui dogma de mundi interitu, & corporum
Resurrectione non crederet, nec prius factus est
Christianus Synesius, quam id genus Philoso-
phorum placita animo suo excusserit; ut in ea-
dem

CAPUT III.

31

dem epistola spondet se facturum, si ab uno ad aliud vite genus, ab ethnicismo scilicet ad Christi fidem demigrare necesse fuerit. Num hæc omnia ex animo egerit, vel fide Synesius, perinde nobis est; dum constet quid tanquam fidei dogma Synesii tempore firma Patrum Traditione crederent Christiani.

Porro humana corpora non nisi materno in utero, maternoque e sanguine primum fieri, postquam sæmina maris semen suscepit Synesii tempore extra controversiam positum erat, ita quoque fatentibus ipsismet novis Philosophis ideo gloriantibus se primos fuisse, qui hoc Naturæ arcanum novissime referaverint.

Alterum est Ruffini. Latinitate donaverat librum Origenis *ἐπὶ ἀρχῶν*, Ruffinus; at cum nonnulla de suo Origenis sensibus adiecisset, quæ illum Origenianæ doctrinæ addictum haud obscure probabant, multorum invidiam subiit, Hieronymi præsertim, a quo tanquam Origenianus vapulavit. Omnia egit Ruffinus, ut hanc sibi impactam ab Hieronymo notam excuteret, scripsit ad Anastasium Rom. Pontificem pro se apologiam, in qua inter cætera ab errore Origenis de animarum origine sese his verbis expedire arbitratus est: *Ego vero cum hæc singula legerim* (tres nempe superius memoratas de Animarum ortu opiniones) *Deo teste dico, quia usque ad præsens certi, & definiti aliquid de hac questione non teneo, sed Deo velinquo scire, quid sit in vero, & si cui ipse revelare dignabitur. Ego tamen hæc singula & legisse me non nego, & adhuc ignorare confiteor, præter hoc, quod manifeste tradidit Ecclesia, Deum esse Anima-*
ma.

marum, & Corporum Creatorem. At tantum abest, ut Ruffinus confitendo Deum esse auctorem animarum, & corporum se ab impacto errore exemerit, fregeritque Hieronymi impetum; ut imo oleum camino addiderit, adversariumque suum exasperaverit magis: unde factum est, ut totum secundum librum, qui contra Ruffinum inscribitur, adversus hanc apologiam direxerit Hieronymus eum compellens, ut tandem aliquando aperte fateretur tanquam quid revelatum, atque Ecclesiæ Traditum animas a Deo quotidie fieri, quotidie produci; si Origenianus in hac parte audire nollet, & Fidelium scandala vellet evitare: & ne forte non credam imperitiæ tuæ, & arbitrer te callide reticere quod nosti, juras Deo teste, quod usque ad præsens certi, & definiti aliquid de hac questione non teneas, & Deo relinquantur scire quid sit in vero, & si cui ipse revelare dignabitur. Per tanta secula tibi nullus videtur dignus fuisse, cui de hac questione Dominus revelarit? Non Patriarcha, non Propbeta, non Apostolus, non Martyr, ne tibi quidem, quando in carceribus, & exiliis moraberis, hujusmodi sacramenta patuerunt? Dominus in Evangelio Pater, inquit, revelavi nomen tuum hominibus: qui Patrem revelavit, de animarum statu tacuit? & miraris, si contra te fratrum scandala concitentur; cum id nescire te juras, quod Christi Ecclesiæ se nosse fateantur? ubi notandum, duo Doctorem Maximum præstare, unum tanquam certissimum, atque ab omnibus sine dubitatione tenendum, quodque Christi Ecclesiæ nosse fatebantur, novas videlicet animas quotidie a Deo fieri.

C A P U T III.

33

ri: *Hoc enim ubique, hoc semper, hoc ab omnibus, universitate, antiquitate, & consensione creditum est; alterum vero etsi non omnino certum, ut verius tamen, & probabilius, animas nimirum, ex nihilo singillatim creari.*

Ex gemina hac historia in aprico est, quid majorum Traditione de hominum origine veteres crediderint Christiani. Hanc eandem Traditionem sine ulla interruptione ad nos usque integram pervenisse Wolfius non inficias ibit.



E

CA-



CAPUT IV.

*Ecclesiæ Universæ consensus
systema Du-Vigerii, Leybnitzii,
& Wolfii reicit, &
damnat.*

Non aliunde, quid super hac re Ecclesiæ sentiat Universa, facilius potest, aut commodius colligi, quam ex admirabili Dominicæ Incarnationis Mysterio, & singulari SS. Virginis Maternitate. Fides Catholica, cui non assentiri piaculum, docet, & prædicat Divinum Verbum veram carnem, verumque corpus nostro corpori, nostræ carni in omnibus, præter quam in culpa simillimum a Divino Spiritu elaboratum in Virgine atque e Virgine sumfisse, natumque Deum-Hominem Christum æterni Patris quantum ad divinitatem, & quantum ad humanitatem creatæ Matris verum, & consubstantialem Filium. Matthæus sic suum exorditur Evangelium: *Liber generationis Jesu Christi Filii David, Filii Abraham, Abraham genuit..... Joseph virum Mariæ, de qua natus est Jesus, qui vocatur Christus, & Apostolus suam ad Romanos*
Epi-

Epistolam: Paulus servus Iesus Christi, vocatus Apostolus, segregatus in Evangelium, quod antea promiserat per Prophetas suos in Scripturis Sanctis de Filio suo, qui factus est ex semine David secundum Carnem, qui postmodum ad Galatas cap. 4. Cum venit, inquit plenitudo temporis, misit Deus Filium suum factum ex muliere; quod adeo verum est, ut Ven. Beda lib. 4. cap. 49. in II. Lucæ cap. scripserit: Sed si caro Verbi Dei secundum carnem nascentis a carne Virginis Matris pronuntiatur extranea, sine causa Venter, qui eam portasset, & ubera, quæ lactassent, beatificarentur. Dicis enim Apostolus: quia misit Deus Filium suum factum ex muliere, factum sub lege: Neque audiendi sunt, qui legendum putant: natum ex muliere, factum sub lege; quia conceptus ex utero virginali carnem non de nibilo, non aliunde, sed materna traxit ex carne: alioquin nec vere Filius Hominis diceretur, qui originem non haberet ex homine. Hinc nedum Cerdonem, Basilidem, Manichæos, & Priscillianistas impie blasphemantes, teste S. Augustino lib. de hæresibus, Christum purum, putumque phantasma fuisse, & veram sumsisse carnem impudenter negantes, sed Apellem quoque, Valentinum, atque utrumque Apollinarem, qui tametsi in Christo veram carnem, verumque corpus agnoscerent, at illud non ejusdem cum nostra carne substantiæ, nec ex Virgine factum, sed a Verbo aliunde delatum & tantum per Mariam veluti per rimam, & fistulam ductum existimabant, uti & Eutichetem hoc ipsum asserentem, tanquam impios hæreticos anathemate percellit:

Dum hoc orthodoxæ fidei caput Catholica Ecclesia firmiter credit, credendumque proponit, novorum Philosophorum systema de ortu omnium hominum, eorumque una in Adamo creatione continenter damnat, & reicit. Et primo fundamentum illud, basisque præcipua, cui tota innititur imaginaria Recentiorum machina funditus ruat, oportet. Autumant Philosophi a mundi creatione nullos deinceps factos fuisse, aut fieri homines; propterea quod dicitur in Scripturis Deus septima die cessasse ab omni opere, quod fecerat, quasi septima illa dies æternum Sabbathum fuerit; cum Christi humanitas, quam Divinum Verbum assumsit, sibi que univit, post multum temporis ab orbe condito, idest non post lustra solum, aut sæcula, sed & post annorum Chiliades creata sit, atque producta. Et sane si Christi anima, quæ potior humanitatis pars est, & princeps, ab initio creata fuisset, vel statim divino Verbo fuisset unita, vel diu ab eo mansisset sejuncta, neutrum sine errore. Audiat Angelicus Præceptor, cui herbam porrigere, fascesque submittere debent Philosophi omnes, nedum Theologi. 3. part. quæst. 6. art. 3. inquirens: *An anima a Dei Filio prius fuerit assumpta, quam caro*, dubium istud ita Angelice potius de more, quam humane solvit. *Respondeo dicendum, quod Origenes posuit in suo Periarchon lib. 1. cap. 7. & 8. lib. 2. cap. 8. omnes animas a principio fuisse creatas, inter quas etiam posuit animam Christi creatam. Sed hoc quidem est inconveniens, si ponatur quod fuerit tunc creata, sed non statim Verbo unita: quia sequeretur, quod anima illa aliquando*

CAPUT IV.

37

etiam habuisset propriam subsistentiam sine Verbo, & sic cum fuisset a Verbo assumpta, vel non esset facta unio secundum subsistentiam, vel corrupta fuisset subsistentia animæ præexistens. Similiter etiam est inconueniens, si ponatur, quod anima illa fuerit a principio Verbo unita, & postmodum in utero Virginis incarnata; quia sic ejus anima videretur esse non ejusdem naturæ cum nostris, quæ simul creantur, dum corporibus infunduntur. Unde Leo Papa dicit in epist. ad Julianum, quod non alterius naturæ erat caro ejus, quam nostra, nec alio illi, quam cæteris hominibus animæ est principio spirata.

Reponet fortassis non nemo Wolfii causam oraturus, Incarnationem Divini Verbi miraculum fuisse, illudque propterea in exemplum trahi minime posse. Perbelle sane, atque eleganter: miraculum & quidem, excellentissimum miraculum fuisse Divini Verbi Incarnationem & nos credimus, fate-mur, & prædicamus, adeoque ingens miraculum, ut creaturas omnes in sui rapuerit admirationem: at non omni ex parte miraculum esse dicimus: miraculum quod Virgo conceperit sine Viri consortio; miraculum, quod pepererit infracto Virginitatis claustro, miraculum, quod duæ naturæ inter se se prorsus diversæ Divina scilicet & humana in u-ram, eandemque coaluérint hypostasim, Verbum-que factum fuerit caro, & Deus Homo: hinc cum Ecclesia in festo Circumcisionis canimus: *Mirabile Mysterium declaratur hodie, innovantur naturæ, Deus Homo factus est, quod fuit permensit, & quod non erat assumpsit, non commixtionem posuit, neque divisionem.* At quod Christi animam Deus creaverit, eamque corpori qualicumque arte in ute-

ro Virginis elaborato mox infuderit, miraculum fuisse nemo dixerit; nisi miraculum esse voluerit cuiuscumque animæ creationem, eiusque corpori infusionem: Non ea igitur ex parte, qua Incarnatio Divini Verbi miraculum est, in exemplum illam adducimus, sed ex ea tantum, unde æqua est in Homine-Christo, reliquisque hominibus conditio. Quemadmodum igitur Christus Servator, qua homo est, neque quoad corpus, neque quoad animam in mundi exordiis creatus fuerat, sed post quatuor annorum millia in Virginis utero, ita & reliquos homines tum primum & esse, & vivere cepisse asserimus, cum primum inter materna viscera efformantur.

Quo vero pacto ea Geneseos verba: *Complevitque Deus die septimo opus suum, quod fecerat, & requievit die septimo ab omni opere quod patrarat,* debeant intelligi, discant a S. Augustino in Epist. ad Hieronymum, quæ est CXXXI. in primo Tomo operum S. Hieronymi Editionis Vallarsianæ: *Ea vero, quæ dicuntur alia contra hanc opinionem facile puto me posse refellere, sicut est illud, quo eam sibi quidam videntur urgere, quomodo consumaverit Deus omnia opera sua sexto die, & septimo requieverit, si novas adhuc animas creat..... Verum bis, qui hæc ideo dicunt, ne credatur modo Deus sicut illam unam, novas animas, quæ non erant, facere..... facile respondetur, etiam illis sex diebus multa Deum creasse ex his naturis, quas jam creaverat, sicut ex aquis Alites, & Pisces ex terra autem arbores, fenum, animalia; sed quod ea, quæ non erant, tunc fecerit, manifestum est. Nulla enim erat Avis, nullus Piscis, nulla Arbor, nullum Animal,*

&

& bene intelligitur ab his creatis requieviffe, quæ non erant, & creata sunt, idest cessasse, ne ultra, quæ non erant crearentur..... Jam enim sexto die fecerat hominem ad Imaginem suam, quod utique secundum animam rationalem fecisse intelligitur. Hoc & nunc facit, non instituendo quod non erat, sed multiplicando quod erat. Unde & illud verum est, quod a rebus, quæ non erant instituendis requievit, & hoc verum est, quod non solum gubernando, quæ fecit, verum etiam aliquid, non quod nondum, sed quod jam creaverat, numerosius creando usque nunc operatur.

Ergo etsi demus Verbi Incarnationem nihil prorsus officere huic novitio systemati, alia superanda remanet difficultas longe momentosior orta ex Virginis Mariæ Maternitate, quæ Theologis insolubilis plane videtur. Fatentur communiter Catholici, & cum Catholicis Hæretici Lutherani, & Calviniani, & tanquam fidei caput agnoscunt B. Virginem ob conceptum, partumque Servatoris vere proprieque ejus Matrem factam fuisse, & non solum Christi-Hominis sed & Christi-Dei: damnantque propterea, Nestorium, qui eam tantum *Χριστοῦκος* Christi scilicet matrem, & non *Θεοῦκος* Dei Matrem appellandam esse dicebat, ut in III. Oecumenica Synodo anno CCCCXXI. Ephesi definitum, & sancitum est.

Hoc alterum Orthodoxæ fidei dogma nostris Philosophis, e regione opponitur; aut dicendum Mariam eam fæminam fuisse, quæ una veræ matris nomen mereatur, cæteras autem fæminas, & si centies, & millies pariant, Matres tantum in

spe-

speciem esse. Enimvero non aliam ob causam Sanctissima Virgo, ut vera Christi Servatoris Mater, & Genitrix in Ecclesia Catholica colitur, quam ob id, quod Christi Corpori, ut a Spiritu S. suo in utero elaboraretur, materiam, suam scilicet carnem, suumque sanguinem subministravit. Cum vero id minime præsent reliquæ feminæ, ut clarum est in hoc systemate, veræ matris nomen non merentur. At quis est, per fidem, qui feminas filiorum, quos edunt, veras Matres esse inficias iverit, aut minus matres, quam fuerit Virgo Sanctissima, esse contenderit. Non hæc est Ecclesiæ Catholicæ fides, quam ejus Antistes, & Præsul Leo Magnus in epist. 24. ad Flavianum scribit: *An forte ideo putant (Hæretici Eutichiani) Dominum nostrum Jesum Christum non nostræ esse naturæ, quia missus ad B. Virginem Angelus dixit: Spiritus S. superveniet in te, & virtus Altissimi obumbrabit tibi, ideoque quod nascetur ex te Sanctum, vocabitur Filius Dei? ut quia conceptus Virginis divini fuit operis, non de natura concipientis caro fieret concepti? Sed non ita nobis intelligenda est illa generatio singulariter mirabilis, & mirabiliter singularis; ut per novitatem Creatoris proprietas mota sit generis. Facunditatem Virginis Spiritus S. dedit, veritas autem corporis sumpta de corpore est, & edificante sibi sapientia domum Verbum Caro factum est, & habitavit in nobis, hoc est in ea carne, quam assumpsit ex Homine, (B. Virgine) & quam Spiritus vitæ rationalis animavit. Si secus in Christi conceptu se gessit Maria carnem subministrando, ac aliæ feminæ, quæ faciundo fœtui nihil tribuunt, mota pro-*

CAPUT IV.

41

profesto fuisset generis proprietas, nec de natura concipientis caro fieret concepti in aliis parturientibus.

Alterutrum igitur fatendum, aut Mariam duntaxat vere, & proprie Matrem fuisse Christum Servatorem pariendo; aut si pares in maternitate cum Maternitate aliæ fæminæ sunt, non minus istæ, quam illa carnem, & sanguinem filiis suis efformandis tribuunt; *ne generis proprietas moveatur, & ut fiat de carne concipientis caro concepti*. Quod si veræ Matres nihilominus sunt fæminæ omnes, etiamsi ex earum carne filiorum caro non fiat, quorsum, & quamobrem damnantur ab Ecclesia tanquam hæretici quasi Maternitatem Virgini eripuerint, qui dicunt Christi Corpus non ex Virginis carne elaboratum, sed alibi factum, & per Virginem solummodo ductum foras exisse? Non ne hoc ipsum quotidie in omnibus Puerperis contingere Du-Vigierius, Leybnitzius, & Wolfius docent?

Quid plura? Erasmus Scriptor Lutheranis minime suspectus adeo est in asserenda hac Ecclesiæ Universæ Fide, ut S. Hilario hæreseos notam impingat; propterea quia lib. 10. de Trin. num. 15. dixerat, quod *Virgo nonnisi ex suo Sancto Spiritu genuit, quod genuit: & quamvis tantum ad nativitatem carnis ex se daret: quantum ex se fæminæ edendorum susceptis originibus impenderent; non tamen Jesus Christus per humanæ conceptionis coalluit naturam*; ratus his verbis Hilarium veram Virgini Mariæ maternitatem eripuisse: sic enim ait superciliosus Aristarchus in præfatione ad opera ejusdem S. Hilarii: *libro tertio*,

F

sed

sed magis libro decimo sic loquitur de Corpore Christi (Hilarius); ut sentire videatur, Mariam Virginem præter concipiendi, gestandi, & pariendi ministerium nihil addidisse de suo. Calumnia putidissima quidem, tanto Doctore, & Patri ab Erasmo inscite impaſſa, qui cum simplex esset grammaticus, veluti sutor ultra crepidam iudicium de Patribus, & Theologis protulit; at in ea parte, qua fæminas carnem suam, suumque sanguinem filiis, quos edunt, subministrare asserit Erasmus, ejus testimonium utpote id narrantis, quod ab Ecclesia Uniyersa creditur, parvi faciendum non est.





C A P U T V.

*Novitia Philosophorum de Homi-
num ortu opinio cum Conci-
lii Oecumenici auctorita-
te stare neutiquam potest.*

UT positam a Melchiore Cano methodum ex-
acte sequamur, post Ecclesiæ Catholicæ
auctoritatem adferenda est adversus Phi-
losophos, quibuscum in præsentia discep-
ratio est, auctoritas Conciliorum, & ne quam par
est longiores simus multorum Conciliorum fara-
ginem cumulando, unum tantum Oecumenicum
Concilium, Lateran. videlicet V. sub Leone X. ini-
tio seculi XVI. Romæ celebratum adducimus,
in quo hæc eadem Du-Vigerii, Leybnitzii, &
Wolffii opinio adeo aperte præfocata est, ut mi-
rum sit postmodum nasci potuisse.

Die XIV. Kal. Januarii anni MDXIII. in so-
lemni sessione, quæ octava in ordine fuit, ita
definitum est. *Cum itaque diebus nostris zizaniæ
tentator antiquus humani generis hostis nonnullos*

perniciosissimos errores a Fidelibus semper explosos in agro Domini superfeminare, & augere sit ausus, de natura præsertim Animæ rationalis, quod videlicet mortalis sit, aut unica in cunctis hominibus, & nonnulli temere philosophantes, secundum saltem Philosophiam verum id esse asseverent; contra hujusmodi pestem opportuna remedia adhibere cupientes, hoc sacro approbante Concilio damnamus, & reprobamus omnes asserentes animam intellectivam mortalem esse, aut unicam in cunctis hominibus, & hæc in dubium vertentes: cum illa non solum vere per se, & essentialiter humani Corporis forma existat, sicut in Canone fel. rec. Clementis Papæ V. Prædecessoris nostri in Generali Viennensi Concilio edito continetur; verum & immortalis, & pro corporum, quibus infunditur MULTITUDINE SINGULARITER MULTIPLICABILIS, ET MULTIPLICATA, ET MULTIPLICANDA SIT.

Hæc postrema Verba, pro corporum, quibus infunditur, multitudine singulariter multiplicabilis, multiplicata, & multiplicanda nedum eorum jugulum petunt, qui unam tantum in omnibus hominibus esse animam effutierunt, sed eorum etiam, qui omnes, & singulas in mundi exordiis creatas, suisque corporibus continenter infusas fuisse autumant: quo enim pacto multiplicabilis, & multiplicanda Anima foret, si omnes simul & singulæ una creatæ sunt, cum primum Deus mundum condidit? Præfocavit igitur, antequam nasceretur, hanc novorum Philosophorum de ortu hominum opinionem Sacrosancta Lateranensis Synodus, & hanc a se latam damnationem adeo fir-

firmam esse voluit, ut de ea ne leviter quidem dubitare permittat. Unde concludit: *quomobrem nulli omnino hominum liceat hanc paginam nostræ damnationis, reprobationis, definitionis, inhibitionis, decreti, ordinationis, statuti, & mandati infringere, vel ei ausu temerario contraire. Si quis autem* (audiant philosophi illi, qui insuperhabita fide de omnibus opinari sibi licitum putant) *hoc attentare præsumserit, indignationem omnipotentis Dei, & B. B. Apostolorum ejus Petri & Pauli se noverit incursurum.*

Ne dicant verba hæc Leonis potius R. Pontificis, quam Concilii esse: nam etsi hoc demus, certum tamen est, Leonem in solemni sessione *sacro approbante Concilio* locutum fuisse, atque hoc ejus decretum ab Joanne Archiepiscopo Gneznen- si totius Poloniæ Primæ atque Polonorum Regis Oratore, qui inter Patres huius Lateranensis Concilii non infimum subsellium occupabat *exclusis de more de loco Concilii omnibus non habentibus voces definitivas, remanentibus in suis subselliis Prælati post Cardinales mitratis, & sacris vestibus indutis in præsentia Sanctissimi D. N. ex am- bone solemniter promulgatum: quo lecto postulati sunt Patres, num eis placeret, & omnes responderunt simpliciter placere.* Ita legimus in actis ejusdem Lateranensis Concilii apud doctissimum Lab- beum to. 19. Editionis Venetæ anni 1737.

At inquires, etsi definitio hæc non tam Con- cilii, quam Leonis fuerit, quid inde adversus Philosophos nostros, qui cunctos homines initio temporis creatos opinantur? Leo, & Concilium allato decreto in eos tantum animadverterunt, qui

qui animam mortalem, & unicam in omnibus esse contendebant; quandonam vero, & ubinam omnes, & singulos homines creaverit Deus, nec quærunt nec definiunt; imo nec quærendi, aut definiendi locus erat, cum eo tempore nemo unus ex Philosophis fuerit, qui id diceret, quod hæc nostra ætate Philosophi res maturius, atque intimius speculantes invenerunt.

Subtiliter quidem, & ut Philosophum decet, ac minus vere: etsi enim Pontifex, & Concilium id potissimum in animo habuerint; ut animæ immortalitatem, ejusque multiplicationem adversus nonnullos illius ætatis male feriatos Philosophos adsererent, & definirent; in ea nihilo tamen minus definitione quando & ubi hæc multiplicatio animarum fiat, tempestive non minus, ac opportune sanxerunt, & quid in hoc negotio credendum sit, decreto suo firmarunt verbis illis, *& pro corporum, quibus (in utero utique materno) infunditur, multitudine, singulariter multiplicabilis, & multiplicata, & multiplicanda*, quasi dicerent, anima non unica in omnibus est, sed multiplex, quæ quoties corpori in utero materno formato infunditur, multiplicatur, & quoties postmodum nova efformabuntur corpora, quibus infundetur, multiplicabitur.

Nec refert nullum fuisse eo tempore Philosophum, qui id docuerit, quod nunc Recentiores venditant; quis enim nesciat, errorem quemlibet vel in Scripturis, vel in Conciliis, vel in Patribus damnatum esse, priusquam oriatur? omnis error, quo recentior est, eo magis vetustati opponitur, & tunc solum solemniter proscribitur, quan-

Quando fit communior: imo error non esset, nisi ab antiquitate utcumque proscriptus inveniretur. Exemplum ex tempore in hac re nobis exhibet idemmet Concilium Lateranense V. dum Pomponatii, aliorumque Philosophorum de animæ mortalitate, & unitate deliramenta proscribit: nemo ante Pomponatii tempora fuit inter Christianos Philosophos, qui unicam in cunctis hominibus animam diceret, & tamen hunc ejus errorem prædamnatum fuisse in Concilio Viennensi sub Clemente V. Lateranenses Patres ex eo aperte commonstrant, quod Synodus Viennensis adversus id genus Philosophos animam rationalem esse veram, propriamq; Corporis formam definierit. In ea quippe definitione palam est, Concilium multiplicem animam esse juxta corporum numerum definiiss; implicat siquidem ut unica in omnibus corporibus anima sit; si cuiuslibet corporis vera, & propria forma est. Quemadmodum igitur ex canone Concilii Vien. intulit Lateranense Concilium novæ tunc opinionis damnationem; ita & ex canone Lateranensis Concilii per quam legitime inferunt Theologi recens natæ opinionis proscriptionem.





C A P U T VI.

Romani Pontifices Recentiorum Philosophorum opinionationem a- versantur , atque ab- horrent .

Quantæ auctoritatis sit in rebus divinis Apostolica Sedes, seu Romani Pontifices, non minus eleganter, quam sapienter ostendit Melchior Canus *de locis Theologicis* lib. 6. cæterique nostrates Theologi Polemici. Ab hac enim Sede utpote totius unitatis Ecclesiasticæ centro oritur, & diffunditur quidquid in Ecclesia Christi Plebs fidelis tenet, & credit. Hinc S. Irenæus lib. 3. adversus hæreses cap. 3. de hac Sede ita scribit: *sed quoniam omnium Ecclesiarum numerare successores valde longum est, maximæ & antiquissimæ & omnibus cognitæ a gloriosissimis duobus Apostolis Petro, & Paulo Romæ fundatæ Ecclesiæ eam, quæ habet ab Apostolis Traditionem, & annunciatam omnibus fidem pervenientem usque ad nos, indicantes confundimus omnes eos, qui præter quam oportet, colligunt. Ad hanc enim Ecclesiam*

nam propter potentio rem potentialitatem, necesse est omnem convenire Ecclesiam, hoc est omnes, qui sunt undique fideles, in qua est semper conservata ea, quæ est ab Apostolis Traditio. Si quid propterea R. Ecclesia definierit credendum, quod novis Philosophis adversetur, actum esse de eorum placitis Theologus actutum conclamabit. Jure, & merito; quandoquidem R. Pontifex ea Petra est, super quam Christus Ecclesiam suam ædificavit, & adversus quam Petram portæ inferi eodemmete Christo sponfore non prævalebunt.

Agendum videamus, quid in ea re, de qua in præsentia disputationem instituimus, RR. Pontifices dixerint. S. Leo huius nominis Primus sapientia, & sanctitate Magnus, qui Petri Sedem anno a Christi nativitate juxta Æram Vulgarem CCCCXLIV. post Xisti III. mortem conscendit, rogatus a S. Turribio Astoricensi Episcopo, ut Priscillianam hæresim in Hispania serpentem proferberet, prolixam ad eundem epistolam dedit, in qua Priscillianistarum errores ex ordine damnat, & Hispaniæ Episcopos, ut Nationale Concilium cogant, adhortatur, quod & coactum fuit anno CCCCXLVII. in Urbe Lucensi Præsede Balconio Bracarensi Episcopo: Numero itaque 1x. huius Epistolæ hæc ad rem nostram perquam opportune ait Leo: *Nona autem adnotatio manifestat, quod Filios promissionis ex mulieribus quidem natos, sed ex Spiritu Sancto dicant esse conceptos, ne illa soboles, quæ de carnis semine nascitur, ad Dei conditionem pertinere videatur, quod Catholice Fidei repugnans atque contrarium est, QUÆ OMNEM HOMINEM, in corporis, ani-*

naeque substantiam a Conditor universitatis formari, atque animari intra materna viscera confitetur, manente quidem illo peccati, mortalitatisque contagio, quod in prolem a primo Parente transcurrit. Quo testimonio nil clarius contra novos Philosophos. Duo hic praestat Pontifex, Priscillianistarum errorem, quo Filii promissionis a mulieribus quidem nati, concepti vero a Spiritu Sancto dicebantur, damnat; & fidem Catholicam, quae homines intra materna viscera formari, atque animari confitetur, firmat, eamque Priscillianistis opponit. Porro homines qui formantur, & animantur intra materna viscera, olim in Adamo formati, & animati non fuerunt.

Et numero x. postquam Priscillianistarum dogma de Animarum ortu, quod Origenis dogmati affine erat, recensuit, ita illud sugillat; *quam impietatis Fabulam ex multorum sibi erroribus texerunt: sed omnes eos Catholica fides a corpore suae unitatis abscidit, constanter praedicans, atque veraciter, quod Animae Hominum, priusquam suis inspirentur corporibus (intra materna viscera primum formati, ut supra Leo dicerat) non fuerunt.* Itaque si juxta Leonis sententiam, vel ut melius dicam, juxta fidem Catholicam, quam Leo Pontifex haereticis Priscillianistis opposuerat, homines intra materna viscera primo formantur, atque animantur, nec eorum Animae priusquam suis infundantur corporibus in utero Matris utique formati nullibi fuerunt: qui modo asserunt cunctos homines, & quoad corpus, & quoad animam simul una fuisse creatos, manifeste tanto Pontifici, fideique Catholicae per os Leonis praedicatae adversantur.

Al-

CAPUT VI.

51

Alterum Roman. Pontificem nobis exhibet idemmet Wolfius in sua *Psychologia rationali* sectione 4. cap. 2. §. 1c4. Editionis Veronensis, *Gelasium* nimirum, qui sub finem ejusdem seculi V. Christi Ecclesiam rexit. Gelasius itaque in libro, quem adversus Euthichem, & Nestorium de duabus naturis scripsit, *nec initialiter*, inquit, *Anima alibi potuit existere, quam in corpore, nec corpus valet constare sine Anima*. Quæ verba non in eum sensum accipienda sunt, in quem accipit Wolfius, quasi id solum voluerit Gelasius, ut Anima nunquam fuerit sine corpore, & nullibi, quam in corpore, non vero ut humanum corpus intra materna viscera primum elaboretur, ibique ei inspiretur Anima, alioquin a fide orthodoxa, & Catholica, quam paulo ante ejus Prædecessor Leo Magnus prædicaverat, turpiter descivisset: quod nec Wolfium, Lutheranum licet, pro ea, quam in Patres profitetur, reverentia dicturum puto.

1. Tercius Romanus Pontifex, qui hanc eandem novitiam opinionem de hominum ortu tanquam commentum reicit *Gregorius Magnus* est in Epistola ad Secundianum quæ est LIII. in ordine: *Hac de re inquit, dulcissima mihi tua caritas sciat, quia de origine Animæ inter SS. Patres requisitio non parva versata est, sed utrum ab Adamo descendat, an certe singulis detur, incertum remansit, eamque in hac vita insolubilem fassi sunt esse questionem. Gravis enim questio est, nec valet ab homine compræhendi. Quid est vir magne, quod ab homine compræhendi non potest, vel quod insolubile fassi sunt SS. Patres, incertumque reman-*

G 2

sit?

fit? Forſitan tempus, quo Deus Homines facit? poſtquam Leo Antecellor tuus dixit, homines formari, atque animari intra materna viſcera, an vero quod creentur ex nihilo, vel fiant ex traduce, de quo neminem fugit diu in Eccleſia, atque inter Patres diſceptatum fuiſſe? Ita hercle; alioquin ſi vel tantum ſubſcure innotuiſſet omnes, & ſingulos homines una cum mundo exordium habuiſſe, rejecta gemina illa opinione utpote captu difficillima hanc tertiam ſubſtituiſſet, & ita quod a nullo compræhendi poſſe dixerat, nullo negotio compræhendiſſet, eamque prædicaiſſet, & tam diuturnam inter Patres litem, pro ea, qua pollebat, ſupremi in Eccleſia Capituli, & moderatoris auctoritate, quam cito com- poſuiſſet.





C A P U T VII.

Unanimi Patrum sensui *re-*
cens systema e diametro
opponi commo-
stratur.

TAmetsi in his rebus, quæ cum fide nil habent, non plus Patrum, quam Philosophorum valeat auctoritas; nisi ad sint rationum momenta, quæ Patrum testimonia corroborarent; in iis tamen, quæ ad fidem utcumque spectant, majori in prætio Patres habendos esse, quam Philosophos, nemo inter Catholicos est, qui dubitet. Patrum testimonia parvi pendere eximium semper Lutherò fuit, aliisque hæreseum monstris, a quorum impudentia sane quam abhorret Wolfius [utinam & a cæteris Pseudo-Magistri sui deliramentis abhorreat) qui ut supra innuimus, quominus ea, quæ Patres docent, impugnare videatur, hanc eandem opinionem quantumvis systemati suo accommodatiorem, mutare non dubitaverit. Auscultandi igitur sunt Patres, quos Deus in Ecclesia sua tanquam magistros

gistros optimos posuit, a quibus nedum Theologi, verum & Philosophi ea, quæ fidei sunt, & sanæ Theologiæ congruunt, acciperent: fieri enim haud potest, ut Patres omnes erraverint, atque in uno eodemque versati fuerint errore.

Ad rem igitur nostram agmen ducat invictus Christi Martyr, atque hujus amplissimæ Civitatis, antiquissimæque Veronensis Ecclesiæ Antistes Zeno, qui tertio, ut major Scriptorum pars refert, inneunte seculo imperante Gallieno floruit. Hic in Sermone secundo de *Genesi*: loquens de hominis creatione, ejusque Anima ad Dei imaginem creata: *incomprehensibilis est, inquit, Dei imago, invisibilis sit, necesse est, denique oculis non est subiecta carnalibus, nam neque cum ingreditur corpus nostrum, neque cum de corpore egreditur a quoquam depræhendi potest.* Inepa Zenonis locutio, si vel per somnium putasset S. Præsul Animas cum corporibus suis in mundi conditione fuisse creatas. Quomodo enim, queso te, Martyr invictissime depræhendi potest Anima, cum corpus ingreditur, quæ a mundi exordio suo in corpore reperitur?

Zenonem excipiat Hilarius lib. 10. de *Trinitate* ante medium, ubi ait: *Anima hominis opus est Dei, carnis vero generatio semper ex carne est.* Cum itaque Hilarium Origeniana fuligine vel leviter tinctum nemo dixerit, clarumque porro sit carnis generationem ex carne Hilarium admisisse, confectarium evidentissimum est, novas quotidie fieri Animas, cum nova fiat carnis ex carne generatio, tanquam certum Pictavinsem Præfulem admisisset.

Cy-

CAPUT VII.

55

Cyrillus deinde hoc ipsum docet lib. i. in Joan.
 cap. 9. ευκαίρως ἄρα καὶ δικαίως τὸ μὴ ἀμαρτάνειν
 ἀπαιτῶμεθα, μόνον ἔχοντας τῶτον τῷ εἶναι καιρὸν,
 καθ' ὃν μετὰ σώματος εἰς τὸν κόσμον ἐρχόμεθα,
 τὸ μὲν εἶναι πρότερον ὥσπερ τινὰ τόπον κατα-
 λιμπάνοντες, καὶ ἐξ αὐτῶ προϋπάρξαις ἀρχὰν με-
 θιστάμενοι. opportune, inquit, ac julte non peccare in
 hac carne jubemur; quoniam eo capimus tempore,
 quo una cum corpore in hunc mundum venimus, &
 quasi a loco quodam a nibilo ad esse pervenimus.
 Nunquid optime Cyrille in hunc mundum cum
 corpore venimus a prima statim rerum creatio-
 ne, ut in eo corpusculo, in quo hactenus fui-
 mus, non peccare jubere mur?

Theodoretus sermone V. de Curatione Græca-
 rum affectionum. διαμορφῶσθαι πρότερον ἐν τῇ
 μητρὶ λέγει τὸ βρέφος, εἰδ' ἔτι ψυχῶσθαι, ὃ δὲ
 παρ' αὐτὸν ποθεν τῆς ψυχῆς εἰσκαρινομένης, ὃ δὲ γὰρ ἐκ
 τῆς γονῆς φερομένης, ἀλλὰ γὰρ τῷ θεῷ ὁρῶ, κατὰ
 τὸν ἐξ ἀρχῆς ἐντεθέντα ἐν τῇ φύσει νόμον διχομέ-
 νος τὴν γένεσιν: Formari prius in alvo Matris in-
 fantem ait (Moses) ac tum denique jam præfetto
 corpore. Animari, n. n. ita quidem, ut Anima præe-
 xistens aliunde corpori inferatur. Neque ut nascatur
 ex semine, sed divino instituto, sicut ab initio in-
 sita Naturæ Lex fuit, creationem accipiat.

Sanctorum Hieronymi, Optati Milevitani non
 est, quod mentem inquiramus, obvia enim sunt,
 quæ de quotidiana Animarum creatione non o-
 biter, sed fute, & diligenti examine docuerunt.

San-

Sanctus Eucherius Lugdunensis Episcopus, qui sæculo V. floruit in cap. 3. *Geneseos* ad illa verba: & edificavit Dominus Deus, ait: *Utrum sicut caro nascentium ex carne, sic animæ ex animabus procreentur, an novæ semper creentur a Deo ex nihilo; quæ quæstio in definiendo difficilis est, quia nihil a SS. Viris, vel scripturarum auctoritate manifestius pronuntiatur; difficilis quoad modum, quo formatur Anima visa est Eucherio quæstio, at certum omnino, quo tempore Anima creetur. Rursus cum carnem ex carne quotidie fieri tanquam certissimum habeat, & aliunde Animas ante corpora extitisse non credat, planum est Eucherium novos quotidie a Deo fieri homines firmiter tenere.*

Pomerius Africanus ejusdem V. seculi auctor in lib. 4. de Anima eadem sentit, ac Eucherius, adhuc tamen clarius pro re nostra loquitur, dum ait: *Utrum Anima, quæ nascituro Corpori infundenda est, nova fiat sine peccato, an ex substantia Animæ primi hominis, veluti propago a radice producta, etiam peccatum primæ Animæ secum originaliter trahat? Anima quæ nascituro corpori adhuc infundenda est, per Eucherium in Adamo creata non fuit.*

S. Prudentius Episcopus Tricassinus, qui 11. Ecclesiæ seculo vixit lib. de *prædestinatione* adversus Joannem Erigenam cap. 16. eadem sub dubitatione circa modum, quo fiant Animæ, nostram affirmat assertionem, & novitiam opinionem exsufflat: *nascitur, inquit, de carne caro, sed utrum Anima similiter de Anima nascatur, magna quæstio est, & a Patribus diu multumque discussa.*

scissa, sed absque certa definitione relicta.

Hoc idem dubium emerfit Constantinopoli sæculo VI., de cuius solutione Africanæ Episcopi in Sardinia exules consulti ita Bizantinorum petitioni responderunt cap. 10: *questionem vero Animarum aut tacitam debemus relinquere, aut sine contentione tractare, quia scilicet sive ex propagine veniant, sive novæ singulis corporibus fiant, quod Sanctarum Scripturarum auctoritas non manifeste pronunciat, cum cautela debet inquiri: maxime quod sine fidei detrimento potest a Fidelibus ignorari.*

Ad Ugonis a S. Victore usque tempora, idest ad sæculum XII. idem dubium de modo, quo fierent Animæ, fuit inter Theologos: licet Ugonis Victorini ætate minus probabilis evaserit opinio illa, quæ Animas ex traduce propagari asserbat. Ita lib. de Sacramentis parte 7. cap. 30. Ugo scribit: *probabilius constat Animas ex traduce non esse. & postquam id demonstravit, pergit: his igitur, & ejusmodi rationibus probabile factum est, Animas ex traduce non esse, sed novas de nihilo novis quotidie corporibus, de paterno semine, & rursus in vulva formatas ad vivificationem infundi. In quibus tamen omnibus nulla unquam ratio, sive auctoritas intrinseca prævalere poterit; ut dubietatem tolleret questionis: excepto eo solo, quod fides Catholica magis credendum elegit, Animas quotidiano corporibus vivificandis sociandas de nihilo fieri, quam secundum corporis naturam, & carnis humanæ proprietatem de traduce propagari.*

At inquires, nullam prorsus fidem merentur hi Patres, & Theologi, parvique faciendæ est co-

H

rum

rum auctoritas, quod æque doceant Animas e nihilò fieri, ac ex traduce propagari; cum hæc posterior opinio error sit, quo nil perversius dici posse, ait S. Augustinus, eamque Hæresim appellat D. Thomas. 1. p. q. 118. a. 2.

Verum non una, sed duplex fuit de propagatione Animarum ex traduce sententia. Tertullianus ratus Animas corporeas, atque extensas esse, eas sicut corpora traduci dixit, & hæc est illa opinio, quæ cum Catholica Fide Animas esse puros putosque Spiritus docente stare neutiquam potest: nam & illis, qui Animas ex una propagari asserunt, inquit S. Augustinus, quam Deus primo homini dedit, atque eas a parentibus trahi dicunt, si Tertulliani opinionem sequuntur, profecto eas non Spiritus, sed corpora esse contendunt, & corpulentis seminibus oriri, quo perversius quid dici potest? Hanc vocavit hæresim Angelicus Doctor. Alii contra propagationem Animarum ex traduce sic defendebant, ut nihilo tamen secius eas esse Spiritus crederent. Putabant siquidem impossibilem prorsus non esse materiam quandam spiritalem, ex qua Animæ fierent. Angelos ex hac materia spiritali confectos esse docent S. Bonaventura lib. 2. Sententiarum, dist. in p. part. art. 1. quest. 2. Alensis 2. parte, quest. 20. membro 2. S. I. Aureolus 2. dist. 3. quest. 1. art. 3. aliique ex Antiquioribus Theologis; nec desunt ex recentioribus, qui ejusmodi spiritalem materiam ut probabilem defendant, quos inter Arriaga disp. 1. de Anima, sect. 5. Matthæus Vellienfis Patavinæ Academiæ moderator Scotilla tomo 1. de Angelis. Patribus igitur

tur, qui Animarum propagationem ex traduce probabilem putarunt, nulla erroris nota inuri debet, nec parvi eorum auctoritas in hac re facienda est; cum Animas non corpora, sed Spiritus dixerint. *Gulielmus* propterea *Essius* Vir cætera omni laude dignissimus minus recte scripsisse videtur; dum lib. 2. sent. dist. 17. quest. 13. sententiam de traduce Animarum paucissimos Patres olim habuisse, eosque omnes hæreticos fuisse, dicit. At legendus est *Cardinalis Norisius* in *Vindictis Augustinianis*, ubi *S. Augustinum* ab errore, quem ei morosi quidam Censiores obtendebant, quod Animas ex traduce fieri dixerit, egregie defendit.

S. Thomam Doctorem nostrum Angelicum, *S. Bonaventuram*, & quotquot post *Ugonem Victorinum* ad hæc nostra usque tempora fuere Theologi, pro certo habuisse, & docuisse Animas quotidie creari, si quis ut ostendatur, posceret, similis ei foret, qui claro in meridie solem sibi ostendi postulare. Nullus igitur ex Patribus est, qui novitio de hominum origine systemati faveat, & patrocinetur, quilibet imo adversatur. Hoc propterea argumentum confici potest ex Patribus contra Neotericos: Omnes Patres adversus *Origenem*, quod & *Wolfius* fatetur, docuerunt Animas extra corpora & sine corporibus nunquam extitisse: Patres porro tanquam certissimum habuere, hominum corpora tunc solum fieri, quando humanum utriusque conjugis, aut Parentis semen in utero commiscetur; ut ex eorum Testimoniis colligitur. Ergo Patres id docuere quod novis Philosophis e regione oppo-

nitur. Argumentatio adeo obvia est, ut a nemine cludi possit, nisi PP. auctoritatem reiciendo. Patrum vero auctoritatem reicere Wolfii non est, qui summa semper veneratione, parique admiratione prosecutus est PP.; et cuique ejus opera legenti obvium est ac manifestum.





C A P U T VIII.

Ex silentio S. Augustini *haud le-*
ve contra unam omnium ho-
minum in Adamo crea-
tionem conficitur.
Argumentum.

Aquilinum Doctorem firmiter credidisse, & constanter tenuisse novos quotidie fieri homines, etsi dubitaverit, utrum Animæ creentur ex nihilo, an ex traduce fierent, nemo est, qui hujus S. Doctoris scripta vel obiter legens, in dubium vertat. Hinc ipse haud leve argumentum deducere arbitror ad probandum Deum in prima rerum conditione omnes, & singulos homines cum Adamo una, & in Adamo non creasse.

Sanctus Augustinus huius novitiæ opinionis nunquam meminit, ergo vera non est. Argumentum ~~apertius~~ quidem, seu negativum, ex iis vero, quæ aliquando juxta severioris critices leges validissima, & firmissima sunt, quod sic ostendo:
 Nemo

Nemo unus sive ex Patribus, sive ex Philosophis omnibus fuit, qui sagacior ingenio, & subtiliore mentis acie a Deo donatus fuerit quam Augustinus, qui propterea per antonomasiam Aquilinus Doctor, seu *Doctorum Aquila*, & *divinitatis imago*, *sapientiae abyssus*, *Pater Patrum*, *Doctorum Doctor*, *par Angelis fervore*, & *Prophetis Mysteriorum revelatione* a Possidio conclamatus est, cui denique Caelum ipsum sublimitate cogitationum penetrare concessum fuit. Nemo porro Augustino diligentius, aut diutius Animarum originem investigavit, quæsit, rimatus est. Quæstionem hanc nocturna versavit manu, versavitque diurna, nihilque intentatum omisit, ut, si fieri posset, sui cæterorumque hominum originem inveniret: In omnibus suis operibus adeo semper de ea anxius, & sollicitus; ut nihil fere scripserit, sive de libero arbitrio, sive de Spiritu & Anima, sive de Genesi ad litteram, sive de Incarnatione Verbi, cui de animarum origine aliquid non immiscuerit: Integros imo super ea re libros scripsit, ad Renatum, ad Petrum, ad Vincen- tium Victorem, ad Orosium, nec non contra Triscillianistas, & Origenistas, epistolas quoque dedit ad Marcellinum, ad Optatum: & licet esset Doctor, & Episcopus, non erubuit ab aliis ut discipulus addiscere, quod ignorabat, ab Hieronymo præsertim, quid ipse de Animarum ortu sentiret, postulans, & ab Optato anxie quærens quid I piscopi Cæsariensis Provinciæ super eadem re crederent.

Denique non ex levi animi curiositate quæ- rebat Augustinus: sed onus incumbabat urgenti-
ssimum

num id tandem aliquando inveniendi: agebat enim contra Pelagianos divinæ gratiæ hostes infensissimos, quibus nec eruditio deerat, nec disputandi vigor. Peccatum originale negabant pervicaciter Pelagiani, admittebat, & pro viribus tuebatur Augustinus: Utrinque pugnabatur perquam fortiter. Pressi Pelagiani vi argumentorum, quæ ex Scripturis, & Traditione, necnon ex ratione adducebat Augustinus, tandem devenere ad Triarios querentes, quomodo peccatum illud, cui nulla patebat via, ex Adamo ad posteros fuisset ingressum? *Non peccat iste*, (ita philosophabatur adversus S. Doctorem Julianus Pelagii discipulus) *qui nascitur, non peccat ille, qui genuit, non peccat ille, qui condidit, per quas ergo rimas inter tot præsidia innocentiae peccatum fingi ingressum?* Hæc erat difficultas Augustino per quam difficilis solutionis. Omnia egit; ut eam enodaret, at incassum: etenim si Animas ex nihilo quotidie fieri assererat, integra manebat difficultas solvenda: si ex traduce, videbatur utcumque Pelagianis se facere satis. Non admodum enim difficile erat intelligere, quomodo peccatum originale ex Adamo in Filios transfundatur; at obstabat Hieronymus, & potior pars Catholicorum, qui singulas Animas seorsum ex nihilo fieri credebant: oportuna, ac tempestiva solutio, si dixisset, homines cum Adamo, & in Adamo fuisse creatos, qui una cum eo propria voluntate peccarint, Deique legem, & præceptum de non comedendo fructu violarint, atque ita ex Filiis Dei eodem tempore & ipsi filii iræ evaserint. Ita in hoc systemate transfusionem peccati originalis explicat Du-Vigierius. At

At tantum abest, ut ita Juliano reposuerit Augustinus, & argutantem adversarium adeo facili responsione compescuerit; ut imo desperato modo, quo originalis culpa diffunderetur, totus incubuerit; ut hujus dogmatis veritatem ex Scripturis commonstraret: *Quid quæris* (ita respondebat lib. 2. de Nup. & concup. cap. 28.) *latentem vinam, cum habeas apertissimam januam: per unum hominem, ait Apostolus, peccatum in hunc mundum intravit.* Non est igitur verum, quod jactitant novi Philosophi, Deum scilicet creasse in mundi exordiis cunctos homines: alioquin Augustinus pro diligentius nemo, ut ait Prudentius, *scripturarem obstrusa inquisivit, verius invenit, veratius protulit, luculentius erodavit, fidelius tenuit, robustius defendit, fusius disseminavit, hoc perspectum habuisset, illudque adversus Pelagianos, quorum frangeret audaciam, usurpasset.*

Si animarum originem Aquilinum Doctorem siluisse ais, earumque inventionem reservatam fuisse novorum Philosophorum industriæ; caveas quæso, ne adversus fulgentissimum Ecclesiæ Lumen, Patrem & Doctorem, quem ut observat Hieronymus *tanquam fidei conditorem universi Catholici venerantur, detestantur Heretici, Molinæ temeritatem imiteris, quem in venditando suo scientiæ mediæ commento ita scribere non pudit in concordia q. 21. art. 4. & 5. Quæ* (scientiæ mediæ principia) *si data, explicataque semper fuissent; forte neque Pelagiana hæresis fuisset exorta, neque ex Augustini opinione, concertationibusque cum Pelagianis tot fideles fuissent turbati, & ad Pelagianos defecissent; facileque reliquæ Pelagianorum*
in

in Gallia fuissent extinctæ.... concertationes demique inter Catholicos fuissent compositæ. Numquid per Deum Immortalem dicere possumus Animarum originem, atque hominum formationem invenire non potuisse Augustinum, qui diu in ea rimanda, atque investiganda totis desudavit lacertis eam inveniendi necessitate pressus, id exigente Catholicæ fidei defensione: invenisse e contrario novos Philosophos, quos non fidei ardor, aut defensio ad eam scrutandam impulit, sed novitatis amor, & nova excogitandi prurigo? Credat hoc Judæus Apella.

Ergo unde nam hoc secundis avibus nati sunt novi Philosophi, nisi hercle ex eo, quod omnia corpora fuisse a Deo initio temporis creata invenerunt: at nonne & hoc Augustinum invenisse P. Tonti in suo opusculo de *veram creatione*, & Vallisnerius cap. 14. de *ovis fam. Vivip.* contendunt? (num vero Augustini mentem assecuti sint Reverendissimus Tonti, Illustrissimusque Vallisnerius, hic non expendimus: hoc unum nobis satis est, animadvertere Aquilinum Doctorem pro certo habuisse humana corpora fieri ex traduce: porro tradux, ut docet S. Thomas, quo nemo Augustini mentem melius comprehendit, duo importat, seminis nempe decisionem, & originem, quorum neutrum in corporum evolutione reperire est): itaque si S. Augustinus mente vidit, quod alii post tot secula Microscopiis detexerunt, in semine scilicet efformatum corpus, cur illud sua non donavit Anima, ut originalis culpæ transfusionem explicaret?

At inquit: quin tanti Doctoris nomini aliquid

detrahamus, fas est dicere, ideo Augustinum ignorasse hanc veritatem, quia in investiganda Animarum origine ad Scripturas solum, & Patres animum habuit, egitque ut Theologum, & Episcopum decet, parum aut nihil de Philosophia sollicitus, quemadmodum dari homines e regione, & in contraria parte Terræ, qui adversis vestigiis stent contra nostra vestigia (*Antipodas* dicunt) inficias ivit, & non minus fictitios, atque imaginarios censuit, quam Centauros, & Sirenes Poetarum. Origo Animarum ex iis quæstionibus est, quæ melius a Philosophis versantur, quam a Theologis, & felicius ratione, quam fide enodantur.

Pape quam belle, quasi Augustinus quo doctior in rebus Divinis, eo indoctior fuerit in humanis, qui in utroque genere excellentissimus fuit. Satis obvia sunt ejus opera, omnibusque prostant, in quibus quidquid Philosophi omnes invenire potuerunt, quidquid Socrates, Plato, Aristoteles, Zeno, Pythagoras, Democritus, quidquid denique Geometræ, Geographi, Poetæ, Rhetores, Grammatici usque, uno verbo quidquid sapientiæ, atque eruditionis Græcia protulit, & Latium, mirum in modum elucet, ut non temeritatis, sed insanix sit, S. Augustinum in rebus Philosophicis parum versatum fuisse imaginari, aut minus diligentem in solvendis rebus difficilimis, quæ a ratione, atque ingenii acumine unice pendent, & quarum solutio magno emolumento fidei Catholicæ esset, & non solutio detrimento non exiguo.

Nec jurat *Antipodum* inficiatio, cum nec in
fa-

CAPUT VIII. 67

facris, nec in profanis litteris aliquid certi ea de re tunc haberetur, sed conjecturis dumtaxat Antipodas esse quidem ex Veteribus adstruxerint, repugnantibus aliis, & fortassis doctioribus.





CAPUT IX.

*Reprobatur amplius recens systema
auctoritate Doctorum Scho-
lasticorum, & Juris Pon-
tificii peritorum.*

BEne habet, sex locis, qui proprii Theolo-
giæ sunt, novum systema discussimus: su-
perest, ut reliquis quatuor, quos extra-
neos vocant, illud exagitemus, auctoritate vide-
licet Doctorum Scholasticorum, quibus adiungi
solent Juris Pontificii periti, ratione naturali,
Philosophorum, qui naturam ducem sequuntur,
testimoniis, & Cæsarei Juris Consultorum, au-
thoritate denique humanæ Historiæ per Aucto-
res fide dignos scriptæ: non quod his Theologia
indigeat, abunde enim ex suis principiis com-
monstravit hanc Philosophorum opinionem com-
mentum esse Poeta dignius, quam Philosopho;
sed ut plæna undequaque sit argumentis tum in-
trinsecis, tum extrinsecis Theologica hæc disser-
tatio.

A Doctorum Scholasticorum auctoritate paucis nos expediemus; lippis quippe, & tonforibus notum est, Scholasticos omnes hujus semper fuisse sententiæ, ut crederent, Deum post septimam diem, qua a mundi opificio requievit, novas semper res producere, nedum olim factas regere juxta illud Joannis 6. *Pater meus usque modo operatur, & ego operor*: enim vero nemo est, qui vel per somnium putet, Scholasticos Doctores secutos fuisse errorem Origenis de præexistentia Animarum, cum eorum munus sit positæ fidei veritatibus argumentari, nihilque novi adferre, quod Orthodoxæ fidei repugnet: certissimum quoque est, neminem ex Doctoribus Scholasticis fuisse, qui novas quotidie fieri substantias, & Animas sive ex trahere, sive ex nihilo veniant, corporibus suis in utero matris efformatis mox infundi non dixerit; ut si quis per otium eorum opera, quæ nec exigua, nec pauca sunt, evolvere voluerit, compertum habebit.

Quanti vero facienda sit hæc Scholasticorum Doctorum auctoritas, docet Melchior Canus lib. 8. de *locis Theologicis* cap. 4. ubi ex Auctorum omnium Scholasticorum sententia in re quidem gravi usque adeo probabilia sumi argumenta affirmat, ut illis refragari temerarium sit, quod postquam egregio exemplo Concilii Viennensis comprobavit, subiungit: *cum inter ipsos Theologos Scholasticos magna fere ubique dissensione certetur, ita ut in hac parte jure forsitan repræbendantur, certe non idem omnes assererent, nisi eodem divino Spiritu permoverentur; nec minus mirandum est varias Scholæ factiones, doctoresque tam inter se discre-*
pan-

*pantes in unam eandemque sententiam convenisse 3 quam LXX. interpretes diversis, ut ferunt, cellulis inclusos in unam eandemque convenisse interpretationem. Non igitur poterit esse verum illud, quod Scholasticorum Theologorum Cboro idem con-
cinenti fuerit contrarium. Præsertim si inter Scholasticos, post duos Ecclesiæ Doctores Angelicum, & Seraphicum, Thomam, & Bonaventuram enumeres Petrum Lombardum, Albertum Magnum, Agidium Columnam Joannem Scotum, & alios Sacræ Theologiæ lumina præclarissima.*

Scholasticis Doctoribus juris Pontificii peritos adiungere jubet Melchior, quia ut ipsemet animadvertit, hujus doctrina quasi ex altera parte Scholasticæ Theologiæ respondet. Quod ut præstemus non privatos aliquos Juris Pontificii peritos contra Philosophos, sed ipsummet Jus Canonicum adducemus:

Quæritur in Decreto lib. 5. tit. 10. de homicidio rub. 8. de procurantibus abortum, juxta novam Cardinalis a Thurecremata ordinationem, & xxxii. quæst. 11. c. 3. juxta veterem Gratiani, utrum hi, qui abortum procurant, homicidae sint? Juris solutio est, homicidas non esse; si abortus contingat, antequam Anima infusa sit corpori, quæ infusio fieri solet post dies 40. a seminis susceptione. Hæc Juris solutio falsa omnino foret, & ridicula, si humanum semen a mare in fœminam corpus animatum, ipsumque efformatum hominem defferret, ut novi Philosophi suadere student: en Juris verba:

Quod vero non formatum puerperium, noluit ad homicidium pertinere, profecto nec hominem de-
pu-

CAPUT IX.

71

putavit, quod tale in utero geritur. Hic de Anima solet agitari, utrum quod efformatum non est, nec animatum quidem possit intelligi? & ideo non sit homicidium, quia nec exanimatum dici potest, si adhuc Animam non habebat. Item. Si ergo illud informe puerperium jam quidem fuerat, sed adhuc quodammodo informiter animatum, quoniam magna de Anima est questio, non est precipitanda indiscussa temeritate sententiae; ideo lex voluit ad homicidium pertinere, quia nondum dici potest Anima viva in eo corpore, quod sensu caret.

Hæc Verba, quæ ex Augustino desumpta sunt si paullulum expendantur, manifeste significant, omnis falsitatis plenam esse, & ad aniles fabulas amandandam Du-Vigerii, Leybnitzii, & Wolfii opinionem. Magna hic agitur de Anima questio indiscussa temeritate sententiae non precipitanda, & tamen lex non vult ad homicidium pertinere ea ratione, quod nondum dici potest Anima viva in eo corpore, quod sensu caret.

Moses tradidit (pergit Jus): si quis percusserit mulierem in utero habentem, & abortiverit. Si formatum fuerit, det Animam pro Anima, si autem informatum fuerit, mulctetur pecunia; ut probaret non esse Animam ante formatam: itaque si jam formato corpori datur, jam in conceptu corporis nascitur cum semine derivata: nam si cum semine & Anima existit de Anima, multe Animæ quotidie pereunt, cum semen fluxu quodam non proficit Nativitati: sed si propius respiciamus, videbimus, quid sequi debeamus. Contemplemur facturam Adæ. In Adæ enim exemplum datum est, ut ex eo intelligatur, quia formatum corpus accipit Animam: Nam
pote.

poterat Animam limo terræ admiscere, & sic formare corpus, sed ratione infirmabatur; quia primum oportebat donum compaginari, & sic habitationem induci. Anima certe, quia Spiritus est, in sicco habitare non potest, ideo in Sanguine fertur habitare. Cum ergo visus delineamenta compata non fuerint, ubi erat Anima? Ita Hieronymus ad Algasiam.

Sicuti semina paulatim formantur in utero, & tandem non reputatur homo, donec elementa confecta suas imagines, membraque suscipiant, ita sensus ratione conceptus, nisi in opera proruperit, adhuc in Ventre retinetur, & cito perit ab esie. Idem habetur in Decretalibus de homicidio voluntario, vel casuali cap. 20. sicut ex litterarum vestrarum tenore.

Innocentius Papa III. consultus, & interrogatus a Priore, & Monachis Carthusiensibus, num permittere possent cuidam ex suis, qui in causa fuit, per jocos licet, & non ex animo, quod fœmina abortiverit, Altari ministrare, vel celebrare? respondet: nos vero devotioni vestrae insinuatione presentium respondemus; quod si nondum erat vivificatus conceptus, ministrare poterit, alioquin debet ab Altaris officio abstinere. Clarum est itaque Jus Canonicum pro certo habere homines non fuisse in Adamo creatos, sed quotidie creari.

Nec dicas aliter legi in Scriptura cap. 21. v. 22. & 23. videlicet: Si rixati fuerint Viri, & percussisset quis mulierem pregnantem, & abortivum quidem fecerit, sed ipsa vixerit, subiacebit damno, quantum maritus mulieris expetierit, & Arbitrio
ju.

CAPUT IX.

73


judicaverint : Sin autem mors eius fuerit subsecuta reddet Animam pro Anima . Ita Vulgatus interpres , qui a primigenio textu dissonare non videtur וכי ינצו אנשים ונגפו ישה הרה ויצו ילדיה ולא יהיה מסון ענוש יענש כאשר ישית עליו בעל האשה ונתן בפללים: ואם מסון יהיה ונתתה נפש תחת נפש: idest: *Et cum percusserint Viri mulierem pregnantem, & egressi fuerint Filii ejus, & non erit mors, mulierando multabitur, sicut imposuerit super id Vir mulieris & dabit in judicio, & si mors fuerit, dabitur Anima pro Anima.* Hic profecto nec verbum quidem de factu animato, atque inanimato est, sed tantum de morte, & vita mulieris prægnantis, aut filiorum ejus, qui ex ea percussione immature nascuntur.

Nam etsi ea primigenii textus verba aliter vertisse videatur Vulgatus interpres; LXX. tamen vocem illam מסון pro factu perfecto, atque animato intellexerunt, & ex æte juxta id, quod in capite Moyses legimus, Hebraicum textum interpretati sunt: *εὰν δὲ μάχωνται δύο ἄνδρες, καὶ πατάξωσι γυναῖκα ἐν γαστρὶ ἔχουσαν, καὶ ἐξέλθῃ τὸ παιδίον αὐτῆς μὴ ἐξεικονισμένον, ἐπιζήμιον ζημιωθήσεται. καθότι αὐτὸ ἐπιβάλλῃ ὁ ἀνὴρ τῆς γυναικὸς, δώσει μετὰ ἀξιώματος. Εὰν δὲ ἐξεικονισμένον ᾖ, δώσει ψυχὴν ἀντὶ ψυχῆς.* videlicet: si puer formatus non fuerit μὴ ἐξεικονισμένον idest sine Anima; solvet ad arbitrium mariti: sin autem fuerit ἐξεικονισμένον idest formatus atque Anima rationali donatus; ut reus homicidii mor-

K

tc

te moriatur. Utra ex his interpretationibus primigenio textui conformior sit, prior, an posterior, Vulgati interpretis, an \mathfrak{A} LXX. perinde de nobis est, qui non ex Scripturis hoc in loco argumentamur, sed ex Jure Canonico quod dum ita intelligat, satis superque nobis est, quin contentionis funem cum Theologis Biblicis, & Sacrarum litterarum interpretibus super Mosis sensum ducamus. Possumus itaque & ex hoc loco concludere, & definire, omnes, & singulos homines non fuisse in Adamo una creatos, sed singulis ferme diebus eorum corpora intra materna viscera efformari, moxque Animas recens creatas eis infundi.





C A P U T X.

Nulla ratio naturalis *novo* *systemati suffragatur.*

AD id tandem ventum est, ubi conlato pede cum Philosophis certandum est, atque pugnandum propriis eorum armis, evidentia videlicet naturali, cui dogmata sua immota consistere venditant. Hæc in præsentia examinanda est atque utcumque expendenda, ut si forte fortuna nobis potius, quam Philosophis super hominum origine, vel tantillum favere deprehendatur, triumphum de illis reportasse merito gloriemur.

Duo sunt, quæ potissimum Philosophi animum occupant, atque in eo evidentiam generant, ratio scilicet, & experientia: quando nimirum ex principiis obviis, & claris vi discursus, atque argumentationis id evidenter colligit Philosophus, quod prius dubitanter solummodo novebat, aut pænitus ignorabat: vel quando principia, & causæ non admodum claræ sunt; ut certo inferri possit, atque evidenter, quod quæritur.

tur; præsto tamen adest experimentum aliquod, in quo veritas effectus splendeat. Alterutrum ex his duobus satis est Philosopho, ut veritatem se invenisse arbitretur. Nos utrumque nostris Philosophis deesse commonstrabimus; ut inde appareat inconditas fabulas narrare, qui dicunt, Deum, cum primum mundum creavit, cunctos etiam homines animabus, corporibusque suis donatos in Adamo efformasse.

Principium illud (ad rationem primo veniamus), cui Philosophi recentiores Poliporum adinstar super hac quæstione adhærescunt, est *generationis substantialis impossibilitas*. Quod principium adeo verum putant, ut ejus probationem otiosi hominis esse velint, & in oppositum musitare Peripateticorum delirium: ex hoc principio ipsis inconcusso inferunt statim, sapientissimum Numen, cunctarumque rerum Opificem Deum creasse in mundi exordiis quotquot sunt, fuerunt olim, & erunt deinceps homines. Quæ argumentatio utroque pede claudicat. Primo enim quamvis demus impossibilem prorsus esse novarum substantiarum genesis, quod hætenus probatum non est, quid inde? ergone Deus initio mundi omnia, & singula corpora efformavit, omnes, & singulas Animas creavit? Hanc consecutionem centum juga bovum, si ducerentur, non traherent; nam & Cartesiani, & Gassendistæ æque novas gigni substantias inficiantur, & tamen nec somniantur quidem id inferre: ex particularum triplicis elementi, aut ex diversa corpusculorum positione quotidie fieri corpora subsistent, & juxta ea, quæ semel posuerunt principia, non in-

Invenuste explicant. Deinde cur nova corpora fieri non possunt?

At inquiunt: qui fieri potest, ut a vi plastica, quæ cæca facultas est, omnisque cognitio- nis expert, opus adeo elegans, quale est huma- num corpus, quod est infinitæ sapientiæ opus, tam facile elaboretur? Undenam didicit vis Plasti- ca artem hanc excellentissimam tam exacte dis- ponendi rudem materiam, ut eam neat in fibras extenuet in membranas, nectat in nervos, exca- vet in venas, extendat in pelles, distillet in hu- mores, animet in spiritus, compingat in carnem, atque in ossa consolidet? & postquam hæc om- nia egerit, suis quæque ita aptet locis, ut tan- ta talisque exurgat machina, cuius partium or- dinem, simetriad, atque officium nec doctus Anatomicus exponere, nec disertissimus Rhetor dicere, nec sapientissimus Philosophus agnoscere valeat: uno verbo quomodo a cæca facultate i- gnavissimi homuncionis id sit, quod mortalium nemo, quantumvis ingenio præstantissimus im- probo labore summaque industria vel horride adumbrare, aut pingui, ut aiunt minerva, infor- mare potest.

Omnia bene, at quis est per fidem Numinum, qui tantum tribuat cæcæ facultati, ut ea sit in efformando humano corpore lex, norma, & prin- ceptus causa? Quum dicunt veteres Philosophi, et recentiores mechanistæ ex vario particularum motu corpus naturaliter fieri, sapientissimi Arti- ficis manum agnoscunt, & plasticam illam vim, aut particularum motum omnipotentis Dei in qualibet re sapientissime operantis instrumentum esse

esse volunt, ita ut dum femina semen recipiunt, receptum suent, consotum corporant, corporatum in membra distinguunt intra illas secretas Ventris angustias Dei manus operetur, idemque corporis & Animæ creator, ut inquit Hieronymus.

Nec video cur Deo negare possint novi Philosophi, quod eam vim semini immittat, aut immittere possit, quam deinde ea actione, qua cuncta operatur, ita excitet, atque adiuvet, ut iuxta leges ab ipso statutas in talibus temporis, & loci circumstantiis sensim, & gradatim humanum corpus elaboretur. Cur hoc Deo impossibile? D. Thomas, cuius mens Angelica fuit, atque in his penetrandis cæteris acutior, non solum id impossibile Deo non esse, sed id exigere divinam sapientiam docet: finis quippe sapientiæ Divinæ, ut ipse philosophatur, est in rerum productione manifestare, & communicare suas perfectiones: unde non solum dat creaturis, ut sint, verum etiam ut operari possint, sicut ipse est, & operatur. In Deo porro duplex est operatio una scilicet, qua intus se cognoscit, & diligit, alia, qua extra res sibi aliquatenus similes producit; priorem dat substantiis spiritalibus, quo & se agnoscant, & diligant; posteriorem substantiis corporeis, quo sibi similes substantias generent. Qued adeo verum est, ut nisi, vim hanc producendi sibi simile posset Deus communicare rebus creatis, jam subtraheretur ordo causæ, & causati in rebus, quod pertinet ad impotentiam creantis.

Sed pressius novos Philosophos urgent substantialis geneleos assertores, & Patroni exemplo nutriti-

tritionis. Animantium corpora, inquirunt, quotidie ali, & nutriri nemo nescit: nutritionem porro æque infinitæ sapientiæ opus esse conspiciendum est. Etenim animalium corpora, quæ ob exiguitatem visum fugiunt, ad tantam, talemque molem, corporisque magnitudinem ducere, quanta necessaria est, ut congruenter vivant, cæcæ facultati, ignavæque virtuti adscribi nequit, quæ cibam primum ore sumtum, ibique dentibus contritum, & comminutum in stomachum communem officinam deferat, hic veluti in lebetæ, cui ignis sunt cor, jecur, lien, aliæque partes vicinæ alterno ipsius stomachi, diaphragmatis; & abdominis motu mirum in modum concoquat, atque in massam quandam fluidam albicantem (chylum) convertat; eductum deinde e stomacho chylum per fluctuosos intestinorum flexus lento motu deferat, atque interim quod crassius est, atque excrementitium deorsum ad crassiora devolvat intestina, forasque ut inutile per anum emittat; ut interim quod purius, & defecatius est, a venis lacteis exugatur, hisque impellentibus per venam majorem, quæ porta dicitur, ad Jecur deferat, ubi filtretur, & colorem rubrum induens fiat sanguis; unde & hæmatosis hæc in Jecore commutatio dicta est, ut in variis deinde receptaculis expurgatus, ac percolatus cavam magnam ingrediatur, quæ pergrandis vena est diversis ramulis toto corpore diffusa, per quos sanguis excurrat, & postquam minutissimas venas, capillares dictas subiecit, atque ex eis excedens, aut per ipsarum poros affluens se se per quaslibet viventis partes infusa.

nuaverit, ipsum alat, & nutriet; hæc omnia quantum studii, atque industriæ opus habeant vix intelligi potest. Porro in hac nutritione fieri substantiæ conversionem, seu alimentum in substantiam, & naturam corporis, quod alitur, converti, nonnisi ad arbitrium potest quis inficiari ipso communi sensu repugnante.

Fuerunt olim, ut Magister sententiarum, Petrus Comestor, Ugo Victorinus, alique, qui id suadere conati sunt, rati quidquid pertinet ad veritatem humanæ substantiæ, totum fuisse in Adamo, a quo postea derivatum sit in genus humanum, & in singulos homines longa generationum serie minutim distributum; nec ad aliud propterea inservire alimentum, quam ad fovendum, nutriendumque calorem naturalem. At horum opinio experientia, qua quotidie videmus humana corpora, uti & cæterorum animantium, nutritionis beneficio fieri vegetiora, & corpulentiora, subtracto vero alimento sensim extenuari, & paulatim perire, erroris, & falsitatis evincitur. Profecto nisi ex alimento nutritionis arte converso subrogarentur novæ partes, humanum corpus non solum non augetur, sed quam cito corrueret: præterquamquod si totum id, quod de substantia in hominibus est, ex Adami substantia singulis minutim distributa haberetur, hætenus jam substantia humana evanisset in tot tantosque homines divisa, & partita: nisi dicere velimus substantiam nostram corpoream quotidie tenuiorem, ac subtiliorem fieri; sicque corpora hominum, quo provectioris sunt ætatis, eo sunt imperfectiora, ut animadvertit Angelicus 3. p. quæst.

quæst. 119. art. 1. & majus corpus minus substantiæ habet.

His constitutis ita philosophantur, qui substantialem genesis propugnant: nutritio non minus, ac generatio infinitæ sapientiæ opus est: in nutritione porro fit quotidie unjus substantiæ in aliam conversio, quidni ergo etiam fiet & corporum generatio: ut quamadmodum licet cæca sit vegetandi facultas, adeo tamen eleganter corpus nutrit, atque alit, ita quoque quamvis cæca sit, & rationis expers vis plastica, gignere poterit novas substantias.

Hæc perbelle, inquiunt, ac contrarium suadet experientia, qua in semine animalis ipsum animal conspicitur. Viri namque gravissimi, omnique fide dignissimi, atque in Philosophicis disciplinis, Anatomicisque observationibus exercitissimi, ut Leevvenoeckius, Dalempatius, & alii quamplurimi in seminis guttula arenæ granulum non excedente narrant, se deprehendisse ope microscopii tot animalia, quæ vix imaginatione fingi possunt, quorum qualibet totam corporis substantiam in se contineret.

Bona verba sane, quibus respondere facillimum esset: horum experimentorum fides sit apud auctores suos, cum Viri æque gravissimi, omnique fide dignissimi, atque in Philosophicis disciplinis, anatomicisque observationibus exercitissimi ea in dubium vertant. Dn. Lambzyverde in præf. Historiæ naturalis molarum uteri ita microscopiorum fallacias insinuat: *in illis, inquit, plura agnoscimus, quam sensus determinat: nam etiam visus microscopio armatus fallit, adeoque non condescen-*

L

di-

dimis cum istis, quorum curiosa cecitas rerum substantias adeo penetravit, ut in Vino serpentes, quomeliore, eo plures videant, quorum impia experientia in secundo humano semine caput Ursi describit, aliaque absurda vitreis intuentur oculis, quæ tanta Animi contentione tuentur adeo pertinaciter, ut si non amplectiaris Jovi Cælum eripere videaris, ubi minimarum particularum figuræ magis ratione, quam sensu determinandæ sunt, verum in illa materia non plus est sapiendum, quam a Deo datum est: nam hæc vox nature, quod intellectus finitus infinitas infiniti Entis potentias capere nequeat, ultra quam regulam qui volet, præstaret mutum esse.

Verum enim vero si juxta monitum Viri eruditissimi, totique literariæ Reipublicæ notissimi Francisci Redi apud Vallisnerium non unum, vel alterum, sed duodecim ad minus necessaria sunt experimenta, eaque omnia clarissima, evidentissima, semperque uniformia; ut quid ex illis tamquam verum concludatur: quis non videat facile quæcumque experimenta reici posse, quæ vix semel, bis, aut ter, nunquam tamen uniformiter confecta sunt?

Quoniam vero cum Medicis, qui vitæ, & mortis nostræ arbitri sunt, contendere nolumus, quæcumque propterea hi se vidisse narrant, pro visis habemus. At quid inde, num Animalcula, quæ observarunt, ab initio mundi creata sunt? num adeo gnari archeismi sunt; ut omnes antiquitatis characteres, canos crines, corrugatamque frontem depræhenderint, aut quæcumque deniceps nascitura sunt ipsis inclusa observarunt? nime

nime gentium; etiam si centum, aut mille conspicilla naso imponant.

Leevvenoeckius, qui nulli in his observationibus secundus fuit, in epistola ad Regiam Societatem die decimatertia Junii MDCLXXXVI. scripta in uno tritici grano tres tantum plantas cum foliis, & radicibus suis distincte se vidisse narrat, & singulum secalis granum quatuor principiis recentium plantarum instructum esse: atque in alia epistola die 11. Julii ejusdem anni data, in præcedenti mea, inquit, epistola dixi, me in uno bordei grano quinque distincta plantarum principia observasse: notum vobis facere omittere nequeo, me post illud tempus bordei observasse grana, in quibus septem plantarum principia observabam, ac inter multa unum habebam bordei granum, in quo octo distincta plantarum principia observabam. En quid videre possunt ope microscopii, scilicet tria, vel quatuor, & ad summum septem; vel octo, non plantas sed plantarum principia, an vero alia his includantur, microscopium non exhibet. Ita similiter loquendum est de Animalculis, quæ in semine visuntur, intra quæ nihil depræhendi potest. Ut vero ex hoc experimento concludi possit aliquid in favorem novi systematis, adhuc probandum manet ea Animacula, aut plantas, quæ microscopio in seminibus visuntur, recens effecta non fuisse, aut genita, quod probabunt, quando pascuntur in æthere cervi.

Adferam ego unum tantum missis cæteris apud nostrates Philosophos videndis experimentum in contrarium, quod ut quis videat, nec microscopio opus habet, nec conspicillis, Asinum vi-

delicet ex equa mulum generantem, cujus experimenti fertur a Rabinis primus inventor fuisse quidam Ana Filius Sebeon & Pater Oolebima Uxoris Esau, qui equarum greges, ut refert S. Hieronymus, fecit primus ascendere ab Asinis; ut mulorum inde nova contra naturam animalia nascerentur: sic vocem illam חֵסִים *Haie-min*, quam Vulgatus *aquas calidas* vertit, mulos interpretantur Rabini. Si in primo Asino Deus posuit omnes Asinos, qui fœminarum utero excepti in ea postea, quam a Deo habuerunt, forma nascerentur, quin fœminæ aliquid tribuant ex sui substantia ad eorum corpora efformanda; profecto ex Asino nonnisi Asinus nasci debet, sive asina, sive equa sit fœmina, quæ parit: cur mulus equæ similior, quam asino? muli, cui non est intellectus, quotidianum, semperque uniforme experimentum satis docet, Deum non posuisse in primis Animantibus cuncta Animantia, nec proinde in primo homine omnes, & singulos homines, sed quemadmodum ex substantia asini, & equæ tertium genus nascitur, mulus; ita (paritatem non dedignentur; in oc enim Animalia cuncta, sive rationis expertia, sive ratione prædita conveniunt) ex substantia Viri & mulieris humanum quotidie elaboratur corpus.



CAPUT XI.

Philosophi *tum veteres, tum novi* stant ex adverso *Du-Vigerio Leybnitzio, & Wolfio.*

DIes; viresque me deficerent, si omnes, & singulos Philosophos, qui super hominum creatione contra *Du-Vigerium, Leybnitzium, & Wolfium* adversis stant vestigiis, in medium adferre vellem: missis igitur omnibus Veteribus, de quorum mente nec suspicari quidem fas est, Recentiores fere omnes in ea invenio sententia; ut homines quotidie præsertim quoad Animam a Deo produci, & creari credant. *Sbaralleas, Venettus, Bonanus, Lamy, Mery*, &c. non solum Animas, verum & corpora ipsa, quibus infundantur, quotidie fieri substinent; illivero qui nihil de novo fieri, sed omnia olim facta fuisse, & tantum nunc exsolvi, suisque involucris extricari putant, Animas tamen non olim factas, sed in diem fieri, postquam corpora,

ra, quibus infundi debent, satis evoluta sunt; ut vitæ functiones peragere valeant, pro certo habent.

Qui spermaticos Vermes existimant esse humanæ generationis exordium, & si eos revera vivere asserant, Anima tamen intellectuali; seu humano spiritu præditos esse, nolunt; ac vix unus, vel alter est, qui affirmare audeat: ad summum vitam sentientem, quæ Vermes deceat, in ejusmodi Vermibus agnoscunt: neque Dalempati-
tius, quo nemo fidentius Vermibus illis Animam rationallem adjudicare potuisset; propterea quia non Vermes, sed Homunculos omnibus suis instructos membris sub Vermium velamine ipsemec vidit, eo devenit, ut eis Animam rationalem inesse putaverit.

Qui vero ex ovo hominem nasci auctumant, tantum abest, ut in involutis corporibus vitam a mundi exordiis inesse putent, ut imo tempus ipsum, quo fatus in ovo reconditus primum vivere incipit exacte designent, punctumque saliens, quæ motus, vitæque in fœtu initium est, nonnisi post susceptum maris semen fieri, conceptis verbis docent, nimirum postquam Viri semen, qua parte datum est, ovum intravit, & sese inter partes moleculæ insinuarit, eas vellicarit, & titillarit, humoresque exagitarit, tunc systolis, & diastolis motus, punctum Saliens dictus, exorditur, qui semel inceptus haud amplius cessat, quando homo aut Animal vivit.

Verum si alcuius Philosophi, qui hoc manifeste dicat, testimonium quærat, unum præsto mihi est ex Vallisnerio depromptum, quo majus an-

Aveneri possit, prorsus ignoro. Vallisnerius Academiæ Patavinæ lumen, & decus, cuius opera cum naturalis Philosophiæ tum medicinæ pari voluptate, ac admiratione legunt Eruditi, aperta fronte Leybnitzio, cujus nihilominus impense laudat ingenium, in hac omnium hominum una simul in Adamo creatione se se opponit, adversaturque: ita namque cap. 14. secundæ partis de ovis femin. Vivip. scribit.

Credè Iddio tutta l'umana stirpe in quel primo punto ne'primi nostri Padri, ma in maniera tale che il corpo solo dell' uomo dall' uomo, come il seme dall' altro seme si propagasse, avendo inserito l' uno nell' altro, e l' altro nell' altro, come grana ne' suoi alveoli rincebinse, da svilupparsi nel lungo giro de' secoli, dentro il quale a suo luogo, e tempo, così portando le disposizioni dell' organo, l' Anima creata da Dio, fosse ispirata, e ciò non per forza d' alcuna naturale disposizione, ma per imperio della volontà Divina, che decretò sin dall' ora d' introdurre tante anime in tanti corpi intali circostanze di tempo, e di luogo. Pertanto la temporanea creazione dell' Anima quantunque sia opera di Dio creatore, si debbe dire anche opera di Dio Amministratore: imperocchè crea quella con la sua volontà, non a capriccio d' alcuno, con la quale sino dal principio del Mondo di crearla dispose.

Ma queste sono cose (pergit illustris Vallisnerius) che troppo avvanzano l' intendimento mio, e nelle quali, come in uno Scoglio ruinoso facilmente s' urta, e si rompe, ne per quanto il Chiaro Leibnizio mi pregasse, e mi facesse pregare per l' amico mio dottissimo Sig. Bougnet, a scrivere dell' Anima,

non

non ho mai avuto coraggio, nè voluto prender pena per farlo, contentandomi di sapere quel poco che palpo, e veggio, nè avendo l'animo sì ardito, che voglia alzarsi a volo in quegli oscuri impetrabili abissi, nè così vasso che abbracciar voglia le cognizioni del primo tempo, giudicando meglio, e più sicuro, con la fronte sommessà, e riverente di cose sì alte, e tenebrose tacere che troppo curioso cercare, e col S. Dottore (Agostino) meco stesso dicendo: Capiat, quod potest in quantum potest; & qui non potest, nutriet cor, ut possit.

Et quasi hæc satis non essent, nisi Leybnit-zii opinionationem utcumque exagitaret, subiungit: In quanti laccivoli, e trappole, per voler saper troppo, sono cadute anime illustri, elette per altro a magnanime imprese, e a dar gloria e fama alle Lettere, ed ai Filosofici Studi? Quanto bella, quanto ingegnosa la Nobil Teodicea del suddetto valente Scrittore sarebbe, se non avesse voluto pensar troppo libero, e tentato penetrar troppo addentro negli arcani profondissimi della Creazione? Quel volere che il nascere delle anime nostre fosse anch'esso uno sviluppo, e che tutte create fossero in un colpo, e ne' suoi organetti rinchiusse, i quali strigandosi col tempo, dassero campo anche all'anima di strigarli, anzi che i pensieri stessi che facciamo, o tante nobili produzioni di mente fossero anch'esse tutte involuppate, e che di giorno in giorno, conforme le occasioni, e i modi pian piano sviluppando si vadano, di maniera che nulla in questo Mondo, nè meno immateriale, si crei di nuovo; ma tutto solo col tempo si manifesti, e sensibile si renda, è un voler troppo sapere, dove poco, o nulla saper

saper possiamo. Ma di così arduo, e lubrico argomento abbiamo parlato assai. Quæ verba latinis auribus ita sonant:

Creavit Deus totum humanum genus eo primo temporis instante in nostris Proto-parentibus; ita tamen, ut solum hominis corpus ex homine, sicut unum semen ex alio semine propagaretur: eo quod unum infernerit in alio granorum adinstar, quæ suis inciuntur alveolis longo postea temporis tractu evolvenda, intra quod prout exegerit corporis dispositio, Anima a Deo tunc creata inspiraretur, & hoc non vi alicuius materialis dispositionis, sed divinæ Voluntatis imperio, quæ ex tunc tot Animas, in tot corpora, atque in talibus loci, & temporis circumstantiis introducere decrevit. Quapropter diurna Animæ creatio licet Dei Creatoris opus sit, dici quoque debet opus Dei administratoris, propterea quod non eam arbitrato alterius creat, sed pro sua voluntate atque arbitrio, prout a mundi exordiis decreverat.

At hæc ex iis sunt, quæ captum meum superant, & in quæ velut in syrtim impingit, frangiturque intellectus meus: nec ullis Viri Clariss. Leybnitzi, neque Amici mei doctissimi Dn. Bourguet pro Leybnitzio precibus ut de Anima scriberem, ausus sum, nec manum calamo admoveere volui cum satis mihi sit, ea tantum scire, quæ attrecto, & video, nec adeo audax animus mihi est, ut convolare velim ad illas obscuras abyssus, quæ penetrari nequam possunt: neque tantæ extensionis; ut primi temporis notitias amplecti velim: melius ac tutius judicans submisso capite res adeo altas, & reconditas silentio humiliter litare; quam imprudenti cu-

riofitate investigare, atque nna cum S. Doctore tacite dicens: capiat, quod potest, inquantum potest, & qui non potest nutriet Cor, ut possit.

In quot casses, atque insidias, ex pruritu, & libidine, plus quam decet, sciendi inciderunt nobiles Animi, ad res maximas literarum, & philosophicorum studiorum gloriam nati: o quam pulcra, atque industriosa esset; laudati Scriptoris (Leybnitzi) Theodicea nisi fidenter nimis profundissima creationis mysteria penetrare tentasset. Opinari enim Animarum nostrarum nativitatem puram putantque extricationem atque evolutionem esse, omnesque simul creatas suisque infusas fuisse organis; quæ tempore se se expedientia Anime quoque se se extricandi locum darent. Ipsæ imo cogitationes, quas nunc elicimus, totque nobiles mentis conceptus usque involutos fuisse, atque de die in diem evolvantur; ut nihil prorsus in hoc mundo nec inmateriali quidem de novo creetur, sed omnia duntaxat temporis spatio manifestentur, fiantque sensibilia, imprudens sciendi ardor est, ubi modica scire possumus, &c. Hæc Vallisnerius.

Nec mihi quis dicat Vallisnerii auctoritatem in hac re nutare, & suspectam esse; quod Leybnitzius vermes masculino semine innatantes, ut humanæ generationis principia defenderet, Vallisnerius econtrario pro hominis initio ova fœminarum posuerit: unde ille in Adamo, hic in Heva homines creatos fuisse dicebat. Nam licet in hoc a Leybnitzio discrepet Vallisnerius; perinde tamen erat pro statuendis Animabus simul creatis, sive illarum creatio facta fuerit in Adamo, sive in Heva: unde ex hoc capite Vallisnerii

nerii auctoritatem, atque testimonium infirmare puerile est.

Juris prudentum auctoritatem adducere supervacaneum puto. Atenim, ut Cæsarium Jus omnesque Juris-prudentes nobiscum esse dicamus, satis est lex illa sub numero XXVI. digesti lib. XLVIII. tit. XIX. de penis, qua cautum est ne filius ob Patris crimen puniatur: *Crimen, vel pena paterna nullam maculam filio inflingere potest. Nam unisquisque ex suo admisso sorti subiicitur: nec alieni criminis successor constituitur.* Hæc lex undequaque æquissima mirum quam sæpe violaretur: quotiescumque enim reus aliquis morte plectitur, una cum eo filii omnes, ejus lumbis inclusi morte afficerentur, ut patentissimum est: cundique Judices, qui mortis sententiam ferunt, non unum tantum reum supplicio damnant, sed multitudinem fere infinitam innocentum, qui necdum lucem aspexerunt.





CAPUT XII.

Ex Antilogiis humanæ Historiæ novi systematis falsitas evincitur.

QUandoquidem veterum testimonia adeo sublestæ fidei sunt in hac re, ut ea fabularum loco habeant Recentiores, rati ordinem illum:.... *aurea*

*Prima fata est ætas, subiitque argentea proles
Auro deterior fulvo præstantior ære.*

*Tertia post illam successit abenea proles.
de duro est ultima ferro.*

In scientiis invertum esse, ut prima ætas ferrea fuerit; postrema aurea. Ita Abbas *Masilius* in præfatione suæ epistolæ ad *Marcellum Malpighium de ovis Coclearum*: insuperhabitis propterea Veteribus omnibus tum medicis, tum Philosophis, qui ante medietatem sæculi *xviii.* proxime elapsi de hominum generatione scripserunt, nostram concinnabimus Historiam ex *Levvenhoekio, Hartsoekero, Regis, Lister, Dalenpatio, Hombergio, Goeffroy, Andry, Elia Camerario; Leybnitzio,*

nitzio, Falchio, Morgagno, Nivisolio, Gimma, Bono, Harvæo, Graaf, Malpighio, aliisque hujus Auræ ætatis splendidissimis luminibus, quorum alii in Academiis, alii in Principum Aulis jugibus meditationibus clarissimisque experimentis Animalium generationem scrutati sunt, & contemplati. Horum doctissimorum Virorum antilogias in medium adferemus, Medicos Medicis Philosophos Philosophis, experimenta experimentis, microscopia microscopiis, oculos oculis autopsiam autopsiæ opponendo; ut intelligat quilibet cordatus, quam parum firmum sit systema illud, quod super fundamentum adeo lubricum constructum est.

Qui novas fieri substantias, novumque gigni hominem inter febricitantium deliria numerant, & cuncta in ipsis mundi exordiis a Deo creata fuisse auctumant in duas partiuntur classes: alii putant, primam Animalium creationem factam fuisse in mare, omnium scilicet hominum in primo homine, omnium equorum in primo equo, omnium leonum in primo leone, adeo ut fœmina in horum generatione hospitium solummodo præstet, ubi alimentum sumant, augeanturque, congruo tempore in lucem egressuri. Alii vero in fœmina, ut omnes homines in Hæva, omnes equi in prima equa, omnes leones in prima leæna suis inclusi fuerint ovis, maris semine ad id solum inserviente, ut ea Animalcula excitet, excitata suis excludat folliculis, & per tubas, quas vocant Fallopianas in uterum nutritionis domicilium deportentur; ut inde in lucem progrediantur.

Prio-

Prioris opinionis fertur juxta Dominum Regis auctor extitisse *Hartsoeker* Batarus, qui anno MDCLXXIV. in semine maris quamplurimos vermes microscopio deprehendit: Lister vero gloriam hanc tribuit *Levvénobekio* e Regio Philosophorum Londinensium Collegio, qui Phenomenum hoc antea observavit, & postea scripserit, anno scilicet MDCLXXVII. ad Regiam Londinensem Societatem, cui, & Vermium schemata in tabula a se delineata misit: ut legitur in actis Philosophicis num. CXL. pag. 1150.

Levvénobekius igitur primo in semine quorundam insectorum, (quod Itali *cervettoni* dicunt) innumeram vermium multitudinem deprehendit, sed *vitant*, inquit, in *eis* animadvertere nequivi; quapropter statui in observationibus pergere; quoniam semen nondum maturum judicarem. Die autem quadam *Animaacula* in semine masculino apertissime sine ullo labore magna copia viventia vidi: unde & facile fuit eos in tabula depingere. Hoc idem observavit in semine Locustarum, Culicum, & Muscarum, & quod amplius est in ipsismet pulicis testiculis magnam Animalculorum copiam magnitudinis granuli arenæ summa cum delectatione detexit: atque in ranino semine tantam horum Animalculorum copiam vidit; ut respectu unius ovi fæminæ ranarum decem millia Animalculorum essent in semine masculo. In epistola ad Dn. *Wren* contestatur in semine quadrupedum, avium, & insectorum eosdem vermes se vidisse, præsertim in semine humano, & canino, in quo ait, se clare distinxisse duorum generum Animalcula, masculina, & fæminina; &
ia

in mole seminis galli gallinacii non majore arenæ grano 5000. vermes, quem numerum in semine aselli, aliorumque pilcium asello longe minorum deprehendisse affirmat in epist. 64. ad Regiam Londinensium Societatem; similiter in semine quarundam Concharum adeo ingentem copiam deprehendit; ut post diligens studium dixerit. 100. *horum Animalculorum myriades Vulgaris arenula molem non æquare*. In ostris quoque tot animalcula conspexit, ut nullum in Europa Regnum tot contineat incolas, quot animalcula in semine masculino unius ostrei, neque tota Europa tot habeat homines, quot animalia in tribus ostris visa sunt a Leevvenohekio. Hæc omnia microscopii beneficio usque ad annum MDCLXXVII. vidisse laudatum Leevvenohekium, & de iis certiore fecisse Londinensem Societatem, auctor mihi est Vallisnerius.

Paria experimenta protulit *Hartzoeker*. Hi duo non minus ac Columbus, & Vespasius novi orbis repertoires quamplurimos ad hoc spectaculum traxerunt, ex Transalpinis quidem Gallos, Germanos, Batavos, atque Anglos, ut Hombergum, Gardeum, Dalempatium, Leibnitzium, &c. ex Cisalpinis vero, & nostratibus Italis Lancisium summi Pontificis medicum, Petram Antonium Falchi Taurinensem celeberrimum Philosophum, atque microscopiorum ingeniosum fabricatorem, Bonam medicum Brixensem, qui & microscopiorum effector egregius fuit, atque ex sola Patavina Universitate, ut cæteros mittam, quatuor viros in arte anatomica, & in microscopii usu peritissimos, scilicet Pighium, Viscardum,

dum, Morgagnum, & Vallisnerium, quorum tamen postremus non tantam ac ceteri animalium copiam, & multitudinem se deprehendisse testatur.

Firmata tot experimentis animalium seminalium existentia, en inter novos Philosophos, peritissimisque medicos lis, & dissidium super horum Vermium natura, num id genus animalcula veri vermes sint, quoad vivant, & ut vermes moriantur, vel talis naturæ, ut in aliud animal transmutentur. *Leeuwenhoekius*, *Andry*, aliique plurimi subtrinent id genus animalcula, quandiu in semine manent, eoque innatant, veros Vermes esse, postquam vero in fœminæ uterum projecti sunt, alterius animalis formam, & naturam sumere. *Quemadmodum*, inquit *Andry*, *Vermes*, quos in aqua nare, & undas verberare videmus, dici nequeunt muscæ, aut papiliones, tamen si & muscæ, & papiliones fiant, ita & vermes seminales (humani seminis) infantuli dici nequitiam possunt; quamvis in infantes sint transmutandi, cum maternum in uterum fuerint ingressi.

Dalempatius vero, etsi animalcula in semine sine dubio agnoscat, illa tamen vermes in speciem tantum esse contendit, at re ipsa perfecta illius generis animalia suis membris, & partibus instructa, cujus est semen: ut c. c. vermes, qui humano semine innatare conspiciuntur, homunculi sint sub vermis velamine: ita in epist. quadam apud *Dn. Bernard*, pag. 52. scribit: *in super animalcula quædam deteximus eadem fere forma, qua mense mayo in rivulis, limosisque paludibus ranarum fetus videntur; horum corpus vix gra-*

frum frumenti superat. Quædam grandiuscula: cauda autem quater, aut quinquies corpus adæquat: mira agilitate se se agitant, caudæque verberibus undulas, quibus innatant, cient, pulsanque. Corpus humanum in istis (quis crederet?) attamen illud ipsismet nostris oculis vidimus; nam dum omnia curiose lustrabamus, unum grandius exuto jam senio, quo involvebatur, se se aperuit, nudatasque clare ostendit ambas tibias, crura, pectus, gemina brachia, & exuvium altius protractum caput adinstar cucullæ obnubebat jucundissimo sane, & incredibili spectaculo. Sexuum discrimina præ exiguitate nosci non quita sunt, & moritur dum se se exuit. At Dalempatii microscopio, ejusque oculis invident omnes: nemo siquidem ex tot tantisque, qui vermes illos diligenter postmodum observarunt, haud unquam potuit huiusmodi homunculos deprehendere; cum propterea hallucinatum fuisse verius putant.

Homunculi isti, quanti sint cum conito,

Hæc res agatur aliis, mihi certe fabula.

& sane qui tam bonus est; ut credat sub vermis exilissimi cortice hominem integre efformatum latere, cum embrio, qui non exiguæ est molis, rudem tantum humani corporis formam, informemque effigiem habeat?

Qui vero ea animalcula pro veris vermibus habent, dissident in assignando fine, ob quem creaverit ea Deus. Leevenohekius, Andry, & alii constanter sustinent non alium ob finem Deum creasse huiusmodi vermes, quam ut forent humanæ generationis principium, atque in hac adornanda sparta totis defudat lacertis Dn. An-

N

dry,

dry, qui ad id probandum rationes adhibet, analogias, atque experimenta. Summus, inquit, omnium opifex Deus, quo altior, & sapientior, eo simplicior, atque uniformior suis in legibus est: alias propterea pro plantis, alias pro insectis, alias pro hominibus, cæterisque animantibus gignendis ponere non debuit leges; sed quemadmodum plantæ, atque insecta ex verme pullulant, ita & cætera animantia bruta, hominesque: & hanc legum uniformitatem conatur eleganter describere excurrendo per generationes plantarum, muscarum, viperarum, pullorum gallinaceorum, bomicis, & formicæ ingeniosum parallelum inter hominis, & horum animantium generationem instituens; ut nihil plus minusve in uno genere efformando, quam in efformando alio natura laboret, sed in omnibus par semper similisque sit.

Vult porro laudatus *Andry* non aliter fieri potuisse: etenim si, ut doctioribus hujus auri seculi persuasum est, homines antequam in lucem prodeant, jamdiu integri, omnibusque suis constant partibus, licet involuti atque obtecti, neque aliud efficiunt, quam apparere, quam se se extricare, atque exsolvere, quis non videat Deum tanto temporis intervallo eos conservare non potuisse, nisi sub specie & forma vermis: tot namque involuti tunicis, & membranis, & diu vivere in fluido, & commode moveri possunt.

Ad hæc, nullum, inquit, in generatione phenomenon est, quod clare, & facile in hoc systemate non explicetur, puta quo pacto animalia duplicis generis masculini, & fæminini nascan-

scantur, cur ab una fœmina frequentius, quam ab alia pariantur mares: quàmobrem, ut in plurimum unum tantum, quandoque geminos, & plures aliquando nasci homines contingat: quam ob causam ultra consuetum novem mensium spatium nonnunquam prœgnantes fœminæ tumidum uterum portent, denique, utiniam, qua de causa fiant monstra adeo diversa &c.

Verum qui *Leeuwenhoekio* ex adverso stant volentes id genus vermes, quos humano semine innatare conspiciunt, nullo modo esse humanæ generationis principium, modo adducta Andry momenta flocci faciunt, ut nobilissimus Eques *Vallisnerius*, qui ab Andry petit, qui fieri possit; ut hi vermes in homines transmutentur, cum nec in instante, nec congruo temporis spatio id fieri possit; non quidem improvisa metamorphosi: cum enim ejusmodi vermes utpote veri, & non fœcati vermes omnia sua organa, & membra a membris, & organis humanis tot cœlo diversa habeant, qui fieri potest; ut in instante adeo sensibilem mutationem subeant, fiantque de repente ex vermibus homines: jam dudum experientia docuit, vermes non statim, atque *apertus* in animal perfectum transire, sed sensim, & paulatim. E. C ante quam vermis fiat musca, aut papillio in chrysalidem, seu aureliam, quæ nec musca est, aut papillio, nec vermis, sed utriusque aliquid, prius deposito senio mutari debet, diuque sub ea forma sine cibo, & motu maneat oportet, donec intus reformetur, perfectamque muscæ, aut papillionis formam induat; ut inde depositis rursus exuviis factus musca, aut pa-

pillio per aerem volitet. Transitum hunc non modicum hercle temporis spatium insumere, perspicuum est.

Neque apparet quo modo adeo elegans metamorphosis e verme in hominem media chrysalide sensim, suoque tempore fiat. Enim vero Aurelia, seu Chrysalis non nisi in arido, siccoque loco fieri potest: porro fœminæ uterus ob tot in eum undequaque defluentes lymphas. per quam udus, atque umidus est: præterquamquod si ita humana generatio contingeret, aliquando deprehensum hoc, ac detectum fuisset; at nemo est, qui, etsi diu multumque quæsierit, Chrysalidem in utero fœmineo deprehenderit.

Ad hæc inquirunt, qui Leevvenohekio adversantur, si vermes semine innatantes humanæ generationis principium sunt, quare semen fœcundum quandoque vermibus caret, infœcundum vero abundat, & cur ejusmodi vermes non solum in semine maris, verum, & in semine fœminæ deprehendantur, imo in aqua in sanguine, &c. Dn. Boni medicus Brixienfis vir, cui credatur dignissimus. sæpe Vallisnerio per litteras significavit se pluries suum semen (experientia Christiano medico indigna prorsus) cum adhuc fœcundum erat, observasse, & tamen in eo vermes non invenisse, invenisse e contrario post quatuor ab ultima sobole annos, cum jam infœcundus ipse evaserat, ut scribit in epistola die 30. Aprilis anni 1716. ad laudatum Vallisnerium data. Hinc in fumum abeant, necesse est, experimenta, analogiæ, & phenomenam explicatio adeo ab Andry magnificata.

Simplicitatem divinarum legum adducere puerile

rile est. Enim vero si in animalium generatione attendenda est ejusmodi legum simplicitas; sup-
 pari jure & in reliquis attendi debet. Cur er-
 go Deus duo tantum crura cunctis animantibus
 non dedit, quæ abunde sufficiunt ad progredien-
 dum; quin aliis quatuor, sex aliis, aliisque cen-
 tum daret? Cur non omnibus singulisque volu-
 cribus duas tantum alas, ut quid aliis plures?
 nonne satis sunt ad volandum duæ? cur rostrum
 avibus, reliquis animantibus rictum, & dentes,
 cum alterutrum æque in omnibus satis superque
 sit ad capiendum cibum potumque sorbendum?
 An in sola generatione simplicitas legum specta-
 da est, in reliquis vero minime? ut si forte alia ge-
 nerentur & ovo, ex semine alia, horum auctor
 simplex non sit? si rationis micam haberet ejus-
 modi argumentatio, nulla in rebus diversitas,
 nulla varietas, discrimen nullum ponendum esset.
 Sane qui ita philosophantur nesciunt, quantum
 distent æra lupinis. Sapientia divina, etsi mul-
 tifarum multisque modis se se nobis in creaturis
 exhibeat, nihil deperdit de sua simplicitate, cum
 sit ipsemet Deus, Ens nimirum simplicissimum,
 actusque purissimus: *nec nos cum simus Genus Dei,*
debemus æstimare auro, aut argento, aut lapidi
sculpturæ artis, & cogitationis hominis Divinum
esse simile, ut Apostolus Atheniensibus in Arzo-
 pago prædicabat. Variæ sunt artes, cogitationes-
 que hominum, si varia sint hominum opera; De-
 us tamen simplicissimus & sapientissimus est,
 quamvis alius sit gignendi modus in insectis, a-
 bus in volatilibus, in cæteris animalibus aliis.

Denique etsi hæc omnia utcumque admitteremus,

ar-

arduum adhuc, intellectuque difficile est, quem in finem tot sint millia animalium in una guttula seminis? videlicet si vermes illi ad humanam generationem destinati sunt, cur tot tantaque Deus creavit, cum pauci sufficiant ad generationem; unde potior pars pereat necesse sit?

Pressus hac difficultate Leevvenohekus, respondeo, inquit, nonne videmus malum, licet ad centum annos, imo ulterius queat pervenire, singulis annis multa florum millia posse proferre, singulos autem flores malum, & singula mala sex, aut octo semina, & singula semina arbores fieri posse? fingamus autem jam sub tali arbore gramina, & zizania abunde progerminare, & omnia mala, quæ malus profert, in gramen dilabi: num ex omnibus illis seminibus, quæ arbor illa protulit, una quidem creatur arbor? non certe, nam non solum umbra arboris, sed gramen quoque, & zizania omnia semina, quæ forte orirentur, oppriment, ac alimentum suo privabunt; sed si e contrario unicum bonum semen sumserimus, idque diligenter a zizania oppressionem servemus, arbor id fieri poterit: sed vident adversarii ad hanc Leevvenohekii responsionem probe scientes, quale sit inter homines, & stipites discrimen.

Qui vero omnia animantia in primis fæminis creata auctumant, subindeque omnes homines in Hæva, id principii loco habent: fæminas omnes, etiam quæ viviparæ sunt, duplici Ovario instructas esse, ovisque non minus ac volucres abundare. Senon Italus primus fuit qui in Canemarina Ovaria detexit, fæminæque testiculos esse ovorum receptacula deprehendit, ovaque ipsa per
uteri

uteri cornua, quæ iccirco oviducti dicuntur, ad uterum deferri. Hoc ipsum detexerunt postmodum alii *Graaf* videlicet, *Van-Horne*, *Svammordamius*, *Kerebringius*, *Redi*, *Malpighius*, *Vallisnerius*, *Morgagnus*, &c. Verum & si omnes periti Zootomici, & in microscopiorum usu excellentes fuerint, non eadem tamen viderunt, nec eodem modo: unde, & ipsis facile fuit super eadem re varias, oppositasque opiniones induere.

Stenon ovorum nomine vesiculas quasdam globulosas, quibus potior ovariorum pars constat, post multas in vaccis, ovibus, canibus, echinis, salamandris, testudinibus, atque etiam mulieribus observationes intellexit, quæ maturæ factæ suis in calicibus per tubas in uteri cavitatem dilabantur. Hæ quippe vesiculæ, si igne coquantur, indurescunt, non minus ac cætera ova, eundemque saporem atque odorem reddunt, ut præter *Stenonem* observavit etiam *Dn. Redi* in leænarum, ursarum, vaccarum, bubularum, asinarum, dumarum, & cervarum ovis, sicut etiam *Graaf*, *Kerebringius*, aliique plurimi.

Malpighius vero ejusmodi vesiculas ova esse, quæ postmodum sæcundentur, non putat, his ductus momentis, quod nempe in magna copia sint, atque inæqualis molis, quod semper luxuriantes appareant, & cujusdam liquoris coagulatu facilis plenæ, unde existimat eas potius esse materiam quandam, qua corpus flavum, & glandulosum ovariis inclusum excitetur; ova vero collocat hæc in corpusculis flavis, & glandulosis suis alligata appendicibus centrum versus. Fatetur nihilo tamē

men minus ova his corporibus inclusa se nunquam vidisse.

Vallisnerius nobilis Malpighii discipulus Præceptoris sui opinionem secutus ova in illis corporibus flavis contineri & ipse putat, quamvis tamen totam adhibuerit industriam, & oculorum aciem, quoad potuit, acuerit, Malpighio felicior non fuit, expertusque est, non esse discipulum super magistrum: uterque propterea ariolando potius, quam definiendo loqui visi sunt.

Herveus, cujus fortunæ in exercenda Zootomia ob ingentem animalium copiam invidit Malpighius postquam animadvertisset, quod tempore coitus in cervis, damis, cæterisque omnibus viviperis cornua uteri immutentur, testiculi autem quasi generationi neutiquam inserviant, nec turgescant, nec quidquam a solita constitutione sive ante sive post coitum varientur, humanæ generationis principium neque in vesiculis, neque in flavis, & glandulosis corporibus esse voluit, sed in quibusdam mucosis filamentis, ut sunt araneorum telæ, certo post coitum tempore in utero efformatis, quæ cum in quodam sacculo coadunata sint, veluti ovum exhibent sua membrana obtectum, cui putamen detractum sit.

Herveo se se statim opponit *Conradus Peyerius* qui & parem animalium copiam pro Zootomia habens una cum *Vernyo* in disectis damis, & scrophis tantam fieri in ovariis mutationem deprehendit, quanta opus est ad ova excludenda.

Graaf qui summa diligentia, parique patientia tot cuniculas dissecuit, quot a primis post coitum horis, primoque conceptu ad partum usque

quæ sufficiunt cum Stenone ovariorum vesiculas pro ovis posuit contra Malpighium, & Vallisnerium.

In Academia Parisiensi duo ejus insignes Professores *Verney junior*, & *Litre* scrutati sunt ovaria ovium, vaccarum, & mulierum; ova vero, quæ in votis erant, non invenerunt: hoc ipsum contigit *Verbum*, *Morgagno*, aliisque ovorum quæstitoribus diligentissimis; unde apparet haud satis demonstratum, fæminas ovariis instructas esse ovisque abundare, quod & ipsemet Vallisnerius acerrimus ovorum defensor quodammodo fateri videtur, dum testatur, nec suis in folliculis, neque in papillis, neque in aliis ovariorum partibus ova invenisse, negat insuper ea a quoquam videri posse, & Malpighii autopsiam, paucorumque aliorum, qui semel, aut bis ova se deprehendisse ajunt, in dubium vocat, & tantum ut falsam non reicit; quominus *Autor ipse* Præceptoris sui Malpighii parvi pendere videatur.

Admisso tamen ejusmodi ova revera dari, cum ea nonnulli viderint in tubis saltem, aut in utero: quid amabo his in ovis microscopio, aut nudis oculis deprehendere potuerunt viri egregii? *Herveus* nihil prorsus præter quædam mucosa filamenta, quæ primum animantis sætum esse contendit, addit se quandoque in mulierum abortibus ova non minora columbino, aut etiam gallinaceo vidisse, quæ tamen sine sætu erant.

Graaf in oviductis Cuniculæ octavo post coitum die occisæ, & dissectæ ova reperiit, quæ in se nihil aliud continebant, quam purum putumque liquorem clarum admodum, & limpidum: in o-

vo alterius cuniculæ nono a coitu die gladio anatomico suppositæ detexit quamdam perexiguam, & raram nubeculam, & decimo die post ascensum maris alia dissecta in ejus ovo suboscuram quandam, & mucosam embrionis delineationem vix potuit observare, & tantum post duodecimam a conceptu diem aliam mastando embrionem in ovo utcumque in sua membra distributum vidit.

Malpighius, quo constantius nemo, & fortassis melius hæc naturæ opera contemplatus est, in sæcundo gallinæ ovo non efformatum fatum statim vidit, sed per tres hebdomades eum sensim fieri intuitus est, ut egregie describit in epist. quam ad magnam Societatem Regiam Anglicanam *de efformatione pulli in ovo*. Kal. Feb. anni MDCLXXII. dedit, & in appendice *de ovo incubato*, ad eandem Societatem mense octobri ejusdem anni. Ita & alii, neque unus est, qui in ovo animal perfectum, omnibusque suis instructum partibus viderit; licet & in Zootomia, & in microscopii usu peritissimus fuerit.

Utrumque systema, de ovis scilicet, & vermibus seminalibus non tam ratione, quam perfecto animali cassum probat Leevvenohekius, cui (ut ipse testatur epist. 80.) cum scripisset is qui a secretis Academiæ Londinienſis erat: *si unquam adeo fueris felix, ut animalcula seminis masculini in ovo fecundato observare potueris, ejus rei communicatione nos totos tibi devincies, fierique posset; ut ova insectorum essent idonea, in quibus animalcula quærantur, quia sunt minora ovis aliarum creaturarum, ac proinde in his animalcula non tam longe quæri debent*: ita respondit: *Nobilissimi DD.*

sæpe

sepe animalculum in ejusdem ovis quaesivi, sed nunquam illud detegere potui: quanvis enim exiguae sint illa ova, admodum tamen magna sunt comparate ad unum animalculum ex semine masculino. Si vero ovum interius constaret ex liquore claro, & pellucido, magis sperarem me animalculum esse detecturum; sed cum jam ovorum materia magna ex parte constet ex globulis rotundis variae molis, & liquore aliquo pellucido, jam mihi persuadeo, me animalculum nunquam investigaturum. Omnem tamen cum in finem adhibeo industriam. Omnem adhibuisse industriam Leevvenohekium certissimum, invenisse vero non constat. En quomodo in ovo fecundato nec vermis est, nec animal, sed solum ex globulis rotundis variae molis, & liquore pellucido constat.

Hæc historice tantum ex Vallisnerio a nobis compendio narrata tot antilogiis satis evincunt, quam parum firma sint, quæ recentiores de animalium generatione venditant, & quam ruinofum sit systema illud, quod adeo futile fundamentum habet, quin in medium adferamus argumenta, quæ in contrarium habent *Sbaraleas*, *Lamy*, *Vennetus*, &c. Viri & ipsi in Zootomicis observationibus peritissimi.





CAPUT XIII.

Omnes, & singulos homines in mundi exordiis cum Adamo creatos non patitur Virginitatis, & continentiae votum.

DEcem Theologiæ locis Du-Vigerii, Leybnitzi, Wolfii, &c. systema confutavimus, ut Theologo nihil adducendum remaneat, nisi quædam absurda, eaque gravissima, quæ ex eo sponte sua nasci videntur; unde & ea in medium adferre operæ præterit ducimus, quorum unum est virginitatis, & continentiae votum, quod in Ecclesia Catholica a nonnullis sanctissime custoditur, omnino pessundari, atque extinguere.

Adversus Virginitatem, & continentiam non tantum aperte debaccati sunt *Jovinianus, Helvidius, & Vigilantius*, quos Hieronymus singillatim datis libellis perstrinxit, & confutavit, Lutherus, alique Catholicæ Fidei pestes, & puritatis osiores; quantum per cuniculos, incaute saltem, novi moluntur

tur Philosophi. Helvidius post impias, impudentesque in Virginem Dei Matrem blasphemias Virginitatem matrimonio minime præstare dixit, sed utrumque paris esse nobilitatis. Jovinianus Virgines, Viduas, & Maritas, quæ semel in Christo lotæ sunt, ejusdem esse meriti censuit; dum in reliquis non discrepent operibus. Impru- denter magis Vigilantius, qui Virginitatem, & continentiam Hæresim, & libidinis seminarium appellare non erubuit: Episcopis iccirco suadebat, ne in Clericum assumerent eum, qui cælibem vitam vellet ducere, eoque impudentiæ devenit; ut maritos ipsos, qui tumentes sæminarum uteros non viderent, Christi ministerio prorsus indignos judicaret.

Lutherus denique quo nemo in carpendis Catholicæ Fidei dogmatis impudentior, nemoque audacior, adeo in Virgines rabiem suam evomit in serm. de matrim; ut asserere non puduerit, omnes tum monachos, tum nonnas fidei expertes esse, quique de suo celibatu, & ordine gloriantur, indignos esse; ut baptizatum infantem in soporem collocent, aut pulmentum illi conficiant: etiamsi notus sit: religio enim, & vita eorum nullum Dei verbum pro se habet, nec gloriari possunt, quod sua opera Deo grata sint, ut mulier etiamsi notum in utero ferat.

Sed hæ delirantium voces sunt, deblat- terationes, imperitique sermones sine rationis mica prolati, nullaque propterea confutatione digni, & a Catholico sibilis tantum explodendi. At vero novitiam systema de omnium in Adamo creatione Virginitatem Angelicæ puritatis emula-
tri-

tricem, quæ hominem e terreno cælestem facit; ut notat Chrysostomus lib. de Virginit. & cui peculiaris in cælo laurea paratur, ex virtutum albo expungit statim, ipsumque continentia vatum, quod aspirante Deo a nonnullis in Ecclesia emittitur, & divina gratia ope sanctissime custoditur, non nisi summo scelere fieri posse, & pari impietate suaderi, meridie clarius ostendit; quidquid dicat Christus apud Mattheum cap. 19. cum de Eunnuchis, qui se castraverunt propter Regnum Cælorum, sermonem habuit: quidquid Paulus Corinthiis suis in ejus laudem scribat optans, ut omnes, sicut ipse, vitam cælibem ducerent, *volo vos omnes esse sicut me ipsum*. Quidquid Patres, quidquid Concilia, quidquid denique Ecclesia tota in Virginitatis, & continentia commendationem prædicet.

Verum enim vero quo pacto in presenti, quod impugnamus, systemate continentia, cælibatus, ipsa denique Virginitas erit virtus, quæ recta fronte, atque ex diametro rationi, Deique opponitur voluntati? Prohibet Deus, ne homo hominem occidat, ratio, & natura clamat, sanctam rectam alterius vitam non minus ac propriam servandam esse: e contrario Virginitas, Cælibatus, & Continentia tot homines enecant, & suffocant, quot lumbis includuntur. Non hic de abstinentia a venere, & voluptate agitur, sed de servanda hominum, & pene innumerabilium vita, quam nemo sine homicidii crimine eripere potest. Enim vero si Pater Abraham, ut Deo melius inserviret, omni familia cura solutus cælibem vitam duxisset, nonne ejus continentia tot suffocasset

CAPUT XIII. III

set homines, quot postmodum ex eo nati sunt pergrandes videlicet nationes, atque amplissimi populi, qui etiamnum perseverant?

De hoc adeo gravi absurdo sermonem quadam die habui cum viro erudito, qui ut Wolfio patrocinaretur, ita mihi reposuit: *Deus tot creavit homines, quot nasci debuerant; ii propterea, qui continentiam servant, aut castitatem vovent, nullos in lumbis suis homines habent.* Cui e vestigio ego: Undenam, quæso te, Vir erudite, tot solummodo quot nascuntur, Deum creasse homines, didicisti? Christus Dominus, quem certe hoc minime latuisset, in suo Evangelio contrarium asseruit, dum continentiam inter consilia posuit, eamque omnibus promiscue, & sine delectu amplectendam exhibuit: quod neutiquam fecisset; sed exerto quasi digito designasset, qui filiorum procreationi intendere, & qui castitatem amplecti deberent, nec nisi imprudenter, summa imo infinitæ hominum multitudinis injuria dixisset, *sunt Eunuchi, qui se castraverunt propter Regnum Cælorum, qui potest capere capiat.* Imprudentissimus quoque consiliarius Corinthiis fuisset Apostolus suadens unicuique eorum Virginitatem: *Solutus es ab uxore noli quærere uxorem*: quippe qui nescius, quinam sint homines, qui lumbos hominibus turgidos habeant, nihilo tamen minus indiscriminatim omnes cælibes esse optet non sine manifesto suffocationis periculo.

Addidi, si verum est illud, quod tu Vir excellentissime Wolfi causam oraturus adducis, fatendum quoque tanquam certissimum erit, nullam post se sobolem relicturos fuisse tot juvenes

robustissimos, qui in bello mortui sunt, vel peste enecati, aut maris fluctibus absorpti, vel qui impuberes quocumque morbo vitam finierunt: sic Abel ab impio fratre occisus, sic hebræorum infantes barbaro Pharaonis edicto in Nili fluentia demersi, sic centum, & octoginta quinque millia Assyriorum, quos Angelus Dei una nocte in castris Sennecherib delevit, sic septuaginta milla virorum, quos Deus ob David superbiam immissa trium dierum peste perdidit, sic denique, ne longius accersiamus exempla, tot illi homines, quos nostris diebus pestis massiliensis in Provincia interemit, tot fortissimi juvenes, quos nudius tertius in agro Parmensi, & Guastallensi ex Gallis, Sardis, & Germanis bellum consumsit, tot Turcæ a Persis, & Moschis, tot Persæ, & Moschi a Turcis occisi, si superstites fuissent, si cladem evasisent, diuque vixissent & generationi incubissent, nullum neque unum claudum, aut mancum suscepissent filium, cum nullum antequam morerentur, susceperint. Itane Vir excellentissime? Cum hæc audisset Vir ille eruditus, quem potius ex amore adversus Wolsium, quam ex animo loqui deprehendi, obmutuit, & subridens discessit.

Admisso igitur incertum omnino esse, quinam hominum homines in lumbis habeant, quinam vero vacui sint, quo jure, inquit, Ecclesia Catholica Monachos omnes castitatis votum solemniter emittere, & Sacerdotes seculares Latinos castitatem jurare cogit? Nonne hoc est in perniciem, vel saltem in evidentissimum periculum tot hominum, quos Monachi, & Sacerdotes suis claudunt lum-

lumbis, qui certe nisi foras mittantur, vitam misere perdant, necesse est. Habebunt saltem qui castitatis voto adstricti a Fide Catholica ad hæreticorum castra divertunt, ibique uxores ducunt, filiosque suscipiunt, unde voti sui fractionem excusare possint, utpote contra Jus naturale emissi, atque in hominum perniciem.

Scio Leybnitzium & Wolsium, utpote Lutheranos hoc argumentum a castitatis, & continentiae voto depromptum parvi pendere; at quod Du-Vigierius Catholicus ejus pondus non senserit, vix intelligo. Reponere, quod corpora lumbis continentiam voventium inclusa sine Anima sint, ridiculum est: Lutherus, alique, qui post castitatis votum filios sulceperunt, Du-Vigierium mendacem, aut nimis credulum efficiunt: quapropter & ipse, si suis stare velit principiis, fateri debet, nil esse castitatem Deo vovere, quam mille millenorum millium hominum vitas Deo offerre, quibus hostis an placetur, dicat Du-Vigierius. Concludendum itaque, in hoc systemate legibus tum divinis, tum humanis districte sub gravissimis pænis cavendum esse; ne quis castitatem voveat, vitam cælibem ducat, atque ab uxoriis amplexibus absteineat, jubendum imo homini cuilibet; ut cum primum ad pubertatem pervenerit, uxorem ducat, totoque vitæ suæ tempore filiorum procreationi operam navet; ut quoad fieri potest, hominum in hominibus clauforum, qui præstolantur foras a parentibus suis emissi, vitæ consulatur. At quis est, qui tam horrenda iugibus non defleat lacrimis non ignorans Virginitatis, & Castitatis votum ex his esse, quæ Deo appri-



C A P U T XIV.

Matrimonii insolubilitas , &
 Monogamiæ lex, *qua in Ec-
 clesia Catholica sanctissime
 custodiri mandantur ,
 novos quotidie fieri
 homines suadent.*

Alterum absurdum æque gravissimum est
 conjugalæ vinculi solutio , & uxorū
 numerus, quod ex hoc systemate dimanare
 certissimum est . Matrimonium ob alterius con-
 jugis adulterium Græcos quandoque solvisse au-
 ctor est Guido Carmelita seculi xiv. scriptor
 in lib., quem de erroribus Græcorum scripsit, &
 Latini Græcos in Concilio Florentino de hac pra-
 xi interrogasse leguntur, qui mos ad tempora us-
 que Tridentini Concilii apud Græcos præsertim,
 qui sub Reip. Venetæ Dominio Cretam, Cyprium,
 Coreyram Zacynthum, Cephaloniam, aliasque
 insulas tunc incolebant, viguisse refert Cardina-
 lis Pallavicinus lib. 22. hist. Trid. cap. 4. Hoc

P 2

idem

idem docuit Calvinus lib. 4. instit. cap. 19. Philipus Melancton in locis Theologicis non solum ob alterius conjugis adulterium matrimonium solvi posse dixit, verum si forte conjux conjugem iniuste deserat. Indulgentissimus omnium fuit Lutherus, qui non solum in causa adulterii, sed etiam si forte conjux fideus, & larvatus Christianus Christianam conjugem deserat, aut si frequentes rixæ domi inter conjuges oriantur, aut etiam si conjux conjugem ad furtum, alterumve induxerit peccatum, vel si absens conjux a conjugē diu fuerit, sanctum matrimonii vinculum frangi, & solvi posse, e tripode pronunciat in cap. 3. primæ epist. ad Corinth.

At in Ecclesia Catholica stricta lege cautum est ne quis ullis de causis, nec etiam ob alterius conjugis adulterium matrimonium rite contractum dirimat; ita Christus Marci 16., & Lucæ 10. sanxit: *Quicumque dimiserit uxorem suam, & aliam duxerit, adulterium committit super eam; & si uxor dimiserit Virum suum, & alii nupserit, mæchatur*. Ita Apostolus primæ ad Corinth. 7. prædicat. *Iis autem, qui matrimonio juncti sunt præcipio non ego, sed Dominus, uxorem a Viro non discedere, sed si discesserit, manere innuptam, aut viro suo reconciliari..... Mulier alligata est legi, quanto tempore Vir eius vivit*. Ita Eugenius IV. in decreto pro instructione Armenorum, cuius hæc sunt verba: *Quamvis autem ex causa fornicationis liceat ibori separationem facere, non tamen aliud matrimonium contrahere fas est, cum matrimonii vinculum legitime contracti, perpetuum sit*. Lutheranos propterea, & Calvinianes, quod hanc ejus san-

sanctissimam doctrinam, & praxim tanquam tyrannicam, atque erroneam traducere imprudenter ausi sunt, anathemate perculit in Concilio Trident. sess. 24. can. 7. *Si quis dixerit Ecclesiam errare, cum docuit, & docet juxta Evangelicam, & Apostolicam doctrinam propter adulterium alterius conjugum matrimonii vinculum non posse solvi, & utrumque, vel etiam innocentem, qui causam adultero non dedit, non posse altero conjuge vivente aliud matrimonium contrahere, maccharique eam, quæ dimisso adultero alii nupsit, anathema sit. Quam praxim a primis usque seculis semper in Ecclesia viguisse nostros Theologi invictis argumentis demonstrant.*

Sanctissime æque, ac justissime. Quid amabo sanctius, quid justius, quam Christi doctrinam in scripturis manifestam, & a Patribus commendatam sartam tectam tueri, & defendere? Ita quilibet Catholicus, atque orthodoxæ fidei sectator, qui Du-Vigierium, aut Leybnitzium super hominum ortu philosophantem necdum audierit: at ubi primum, quid hi philosophi de hominum origine sentiunt, vel obiter acceperit; alterutrum statim damnandum judicabit, aut doctrinam de insolubili matrimonii nexu, ceu tyrannicam, cujus assertores barbari, atque inhumani sint, aut novam Philosophorum opinionem purum, putumque commentum esse: impossibile quippe est, utrumque verum esse, & ut tale posse admitti.

Ponamus id, quod nedum fieri potest, sed fere quotidie solet contingere, virum aliquem videlicet ad Ecclesiæ leges, & normam insolubili

ma-

matrimonii vinculo sibi jungere fœminam, quæ alias sterilis sit, & ad concipiendum minus idonea, ipsum vero habere lumbos hominum plenos, ac turgidos: nemo hercle erit, nisi mente cæcus, qui non videat, hominem hunc immanem & plusquam scythicam exercere tyranidem in eos omnes, quos suis in lumbis claudit, quique ob uxoris valetudinem, aut incassum fundantur, aut intus marcescant oportet matrimonii vinculo ut carnificis laqueo enecati. E contrario si sterili dimissa alia eis obtingeret in matrem, quæ ad eos concipiendos esset idonea; absdubie nascerentur, & viverent, atque ita in hominum vitam, non vero in necem matrimonium fieret.

Nec mihi reponant: qui *sterili jungitur, lumbos hominibus vacuos habere*, nullamque propterea suscepturum fore sobolem; etiam si fœcundæ uxori jungatur, ita eo disponente in cujus ditione, & potestate cuncta sunt posita: attenim præterquam quod hoc nonnisi temere, atque ad arbitrium dici potest, quotidiana experientia contrarium docet. Quot enim in diem videmus mori, qui ob uxoris sterilitatem nullam post se relinquunt legitimam prolem, nothos autem quamplurimos, quos æstuante libidine ex incestu, aut adulterio suscepserunt; numquid ii steriles uxores habentes lumbos hominibus vacuos habuerunt? Supervacaneum puto exempla adducere, cum res per se patentissima sit. Satiùs, me hercle, fuisset hujusmodi Viris uxores suas, ut primum ad sobolem ineptas agnoverunt, dimittere, aliasque in earum locum ducere, atque ita nec se criminibus, nec filios suos infamiæ commississent.

At

At demus semel ductam uxorem nulla ex causa dimitti posse, ne contra Christi præceptum quod *Deus conjunxit, homo separet*; polygamia tamen, quam simultaneam vocant, saltem ut necessaria admitti debet in subsidium tot tantorumque, qui alioquin disperirent, eo maxime quod uxorum numerum naturæ adversari non admodum certum est, & aliquando licitum fuisse divina perhibet historia in Abrahamo, Jacobo, Davide, centumque aliis Viris Sanctissimis, quidquid blasphemus Calvinus in oppositum garriat.

Non video cur morem hunc damnet Ecclesia in humani generis perniciem. *Si quis dixerit licere Christianis plures simul habere uxores, & hoc nulla lege divina esse prohibitum, anathema sit*; ita detonat in eum, qui plures simul habere uxores moliretur.

Enim vero si lege divina cautum est, ne quis plures habeat uxores, crudelis admodum Deus audit, quod eam legem tulerit, cuius observantia infinitorum hominum perditio est. Porro quæ ratio adversus ejusmodi Polygamiam militat? num ea, quam adfert Paulus primæ ad Corinth. 7. *Mulier sui corporis potestatem non habet, sed Vir, & Vir sui corporis potestatem non habet, sed mulier*; hoc est, ut argutantur Theologi: quandoquidem Vir corpus suum tradidit uxori, & vicissim uxor corpus suum Viro tradidit, cum æqua sit utriusque obligatio, neutri licet corporis sui copiam alteri facere. At hæc ratio in novo systemate adeo inutilis est, ut nil futilius, falsa imo & falsissima: Attenim quamvis uni uxori plures Viri tradendi non sint, & hoc rationi, & naturæ sit consen-

taneum; plures tamen uxores tradi posse uni Vi-
ro, imo & tradendas esse, natura, & ratio jux-
ta recens systema suadent ex eo, quod una tan-
tum uxor satis non est ad omnes eos excipien-
dos filios, quos ejus Vir gignere potest; at vero
commode potest unus Vir tot filios generare, quot
valent plures uxores concipere.

Hierobaal filius Joas, alio nomine Gedeon di-
ctus, septuaginta filios habuisse Jud. 8. perhibe-
tur præter Abimelech, quem Sichemita Concu-
bina ei pepererat. Omnes hi filii egressi dicuntur
de Gedeonis femore, *eoquod plures haberet uxores*.
Mulierem adeo fortem, quæ totidem pariat, quis
inveniet? Nec Du-Vigierii uxorem, nec uxorem
Wolfii, quas Deus diu sospitet, si adhuc in Vi-
vis sunt, tantæ fecunditatis puto; etiam si singu-
lis annis gemellos enitantur.

Nec juvat, quod Vir totum se se uni uxori de-
voverit & firmo juramento ad aliam vivente prio-
re promiserit non accedere: juramentum quippe
& votum, quantumvis solemnissimum, atque in
facie Ecclesie emissum, si in aliorum damnum
emergat, non tenet, & in male promissis fidem
rescindendam esse, legis adagium est.

Hoc totum clarum fiet exemplis. Patriarcha
Abrahamus Gen. 16. duas habuit uxores, Saram
videlicet hæram, atque Agarem ancillam: ex
illa Jsaacum, ex hac suscepit Ismaelem: si uni
Saræ adhæsisset Abrahamus insuperhabita Agare,
Ismael natus non fuisset, nec ex Ismaele duodecim
Principes, quorum nomina recensentur in Scrip-
tura, nec ex his Principibus amplissimæ natio-
nes, Populique non exigui, Nabathæi, Cedaræ-
ni,

ni, Ituræi, &c. Hi enim omnes in Abrahami lumbis præfocati fuissent. Similiter si Jacobus Abrahami Nepos una Lia contentus fuisset, nec alias sibi junxisset, uxores Rachelem, Balam, aut Zelfam, sex tantum Tribus in populo Iſraelitico numerarentur, reliquis septem, quorum census in deserto 311350. hominum ad ferenda arma, & ad bella gerenda idoneorum, præter fæminas imbelles, pueros, & devexæ ætatis senes inventus est, extinctis, & antequam nascerentur, mortuis: quibus si addas, qui antea in Ægypto obierant, & postmodum in deserto, atque in terra Canaam, in captivitate tum Assyriorum, tum Caldæorum, & inter gentes dispersione nati sunt hætenus, nascenturque deinceps, adeo magna erit hominum multitudo, quod unius viri extinxisset monogamia; ut nec mente queat intelligi. Hæc adeo perspicua sunt, ut nullo indigeant glossate.

Non video itaque cur damnanda non sit hæc de pluribus non ducendis simul uxoribus Ecclesiæ doctrina, & cur impii non sint, qui eam more servant, & animo? Contra cur Lamechus septimus ex Cajno Adami nepos, qui omnium primus polygamiam invexit, summis non effertur laudibus, & post Lamechum cæteri polygami Turcæ, Persæ, Indi, & Seres, qui ampla ginicæa habent, pluribusque utuntur uxoribus, dum eas non ad voluptatem capiendam, libidinemque explendam, sed ad fundendos, quos in suis lumbis gerunt, homines, ducant, atque accipiant.

Non denique video, cur adeo pudeat Lutæ-
Q ranos,

ranos, quod Pseudo-Magister suus Lutherus cum aliis pseudo-reformatoribus indulserit Philippo Hassiæ Lantgravio; ut retenta priore uxore Christina Saxonum Principe, aliam duceret, Margaritam nimirum de Saal, ut refert Varißas hist. Hæref. lib. 12. ad annum MDXXXIX. Jacobus Benignus Bossuetus tomo primo variat. lib. 6. aliique Theologi atque historici, apud quos Lutheri ejusque sociorum votum, atque authentica instrumenta visuntur.

Nonne hæc omnia quantumvis absurdissima & in Ecclesiam Catholicam, Christi que legem injuriusissima evidentissima novi systematis confectaria sunt, quæ si Philosophis Christianis non placent, gradum retrahant, & quæ ineante commentum sunt, mutant, & ad Sanctuarii pondus, sanæque Theologiæ criterium corrigant: si vis evitare consequentia, muta antecedentia, tritum adagium est: quandiu enim docebant, Deum cunctos homines initio mundi creasse, hæc & similia absurda, & paradoxa diglutiant, oportet.





CAPUT XV.

Enormitas novi systematis
adnotatur.

TAntus est hac ætate novitatis amor, & nova addiscendi libido; ut singulis fere annis, ne dicam mensibus, aut etiam diebus, nova prodeant in Philosophia systemata: ut pudeat aliorum sequi opiniones, aut tritas amplecti sententias, nemoque se Philosophum putet; nisi quid novi excogitaverit. Oritur cacœthes istud ex quodam principio æque impio ac stulto: Nil esse in rerum natura, quod humane mentis intelligentia assequi non possit: quasi Deus id duntaxat effecerit, quod humana mens possit assequi, suamque divinam omnipotentiam humanam cognitionis limitibus incluserit: fuerunt id genus homines etiam ætate Doctoris Angelici: sunt quidam, ita lib. 3. cont. Gent. cap. 5., tantum de suo ingenio præsumentes; ut totam naturam Divinam putent suo intellectu posse metiri, existimantes scilicet totum esse verum, quod eis videtur, & falsum, quod eis non videtur. Hoc pseudo-principio decepti recentiores mirum quantum in novis cudendis

Q 2

fy.

systematis detinentur, ratus unusquisque talem esse rerum ordinem, qualem ipse somniatur; & si forte fortuna contingat, ut unam vel alteram difficultatem utcumque solvat, statim systema suum uti verissimum prædicat, nec Deum aliter egisse putat; ut parum desit, quin dicat: *quando preparabat (Deus) Cælos aderam, quando certa lege, & gyro vallabat abissos, quando æthera firmabat sursum, & librabat fontes aquarum, quando circumdabat mari terminum suum, & legem ponebat aquis; ne transirent fines suos, quando appendebat fundamenta terre, cum eo erant cuncta componens, & delectabar per singulos dies ludens coram eo omni tempore: ut de Sapientia Divina dicitur Proverb. 8.*

Hujus farinæ sunt Philosophi illi, qui cunctos homines in mundi exordiis creatos fingunt, rati post septimam diem nil Deum amplius fecisse; aut deinceps facturum esse: quorum systema nedum sine ullo fundamento contra communem omnium sensum elaboratum esse, sed & prorsus incomprehensibile in hoc capite ostendemus, quod ut fiat paulo fusius explicetur necesse est.

Quum arbitrantur, Deum in Adamo creasse omnes homines, ejusque lumbis inclusisse, non tumultuarie, & confuse una positos imaginantur: alioquin nulla esset ordinata series generationum, casuque duntaxat, & fortuito contigisset; ut Adami primogenitus fuerit Cainus, non vero Abel, aut Sethus, aut etiam Noemus, vel quisquis ex Adami Nepotibus fuerit, sive ego, qui hæc scribo, sive tu qui legis, sed miro quodam ordine; ut filius in patre, pater in avo avus in atavo, &c.

&c. Sic tres Noemi filii in Noemo, Noemus in Lamecho, Lamechus in Mathusalem, Mathusalem in Enocho, Enochus in Jaredo, Jaredus in Malaleele, Malaleel in Cainane, Cainan in Enoso, Enosus in Setho, Sethus denique in Adamo. Adamus itaque eos omnes ordinatim, & seriatim in se habuit, fuitque veluti extrema caparum tunica, quæ interiores complectitur, & claudit; evenit propterea, ut cum ad uxorem suam Hevam Sethum generaturus Adamus accesserit, nil egerit aliud, quam universam hominum multitudinem Setho inclusam in Hevæ uterum exonerare; ita pariter Sethus gignendo Enosum in Enoso cunctos homines effudit, Enosus itidem gignendo Cainanem, Cainan gignendo Malalelem, Malaleel Jaredum, Jaredus Enochum, Enochus Mathusalem, Mathusalem gignendo Lamechum, Lamechus Noemum, denique, ut finiam, Noemus gignendo Semum, Camum, & Japhetum totum genus humanum horum trium filiorum lumbis inclusum sparsit, atque effudit, & ita de reliquis Adami, Noemique nepotibus ad eos usque nimirum, qui lumbos vacuos habent, quorum mors mundi finis erit. Suppari modo dicendum juxta eos, qui in Heva cunctos homines creatos dicunt, nisi quod generationum series secundum feminas texi debeat.

Porro alius ordo attendendus est, ut scilicet unus homo non quacumque in sui parte alium hominem claudat, sed in lumbis: sic Adam suis in lumbis habebat Sethum, Sethus Enosum, Enosus Cainanem, &c. Similiter in systemate ovarum semina, quæ in primo ovo fuit, alias feminas

minas suis in ovariis habuit, et hæ alias pariter in suis ovariis, sic deinceps usque ad ultimam. His positis, quæ lubentissime novi Philosophi nobis concedunt apparet statim enormitas & incomprehensibilitas eorum systematis.

Enim vero si omnes, & singuli homines suis instructi membris capite, brachiis, pedibus cruribus oculis, dentibus, pillis usque, atque unguibus & fæminæ suis ovariis, tubis fallopiæ, utero &c. in Adamo fuerunt; haud facile comprehendere potest, quo pacto eos omnes suis in lumbis caperet Adamus; quin in immensum crederet.

Pater Ricciolus insignis S. I. Mathematicus lib. 12. suæ Geographiæ reducens ad calculum cunctos homines, qui terrarum plagas incolunt deprehendit, eorum numerum esse unius billionis, hoc est mille millenorum millium, seu mille millionum. Porro cum ab orbe condito ad hæc usque nostra tempora effluxerint juxta supputationem Hebræorum quinquaginta septem secula fere cum dimidio (quater mille anni ante Christi Servatoris ortum, & mille septingenti triginta octo secundum Vulgi æram, revera autem mille septingenti quadraginta duo a Christo nato ad præsentem annum) totque seculis tercentum fuerint generationes, in quarum singulis unus billionum, exurget statim numerus tercentum billionum, 300000000000.

Nec excedere putandus est tantus numerus; etenim quamvis pauci fuerint principio homines, & Patres Antediluviani per annos MDCVI. prolixiorem, & diuturniorem vitam ducentes paucas viderent generationes, pensatis tamen, & recen-

recensitis omnibus illis, qui in utero materno, aut vix nati, vel in infantili ætate moriuntur, necnon qui in morientium lumbis suffocantur, longe major exurget numerus. Quot vero deinceps nascituri sint ad finem usque mundi, cum de illa die nemo sciat, neque Angeli Dei, nostrum non est ariolari. At quis est, qui tot tantosque homines in unius hominis lumbis clausos fuisse imaginetur? Sint quantumvis exiguae, exilisque molis, homines tamen sunt omnibus suis instructi membris, & organis, ut nihil prorsus illis desit: Vereor, ne cum hæc audiant recutiti Hebræi Philosophis nostris summas habeant gratias, quod ex eorum assertis Talmudis sui deliria se posse defendere arbitrentur. In tractatu ברכות cap. ג. uarrant Talmudistæ Deum creasse proto-parentem Adamum ingentis adeo molis, atque altitudinis; ut capite Cælum ad usque pertingeret, quem postea ad preces Angelorum Adami proceritate exteritorum manu compresserit ad altitudinem cubitorum duntaxat mille: nec mirum si totum genus humanum suis in lumbis habebat.

At demus adeo exiguos fuisse homines in Adamo positos; ut ipse ultra consuetam magnitudinem non excederet, nihilo tamen minus alterum longe incomprehensibilius est, nempe ratio inæqualitatis, quam inter se habent corpora in Adamo contenta; nam tanta esse debet, ut ratio corporis contenti subcentupla ad minus sit ad corpus continens. Manifestum est quippe humanum corpus suo semine, quo alterum corpus includitur, centies majus esse, ne dicam millies. Hoc itaque posito tanta erit ratio inæqualitatis

ho-

ſœcula adhuc mundo ſuperſunt in immenſum diminuetur noviffimus homo.

Sed præſto ſunt novi ſyſtematis Patroni, & veluti tot Macedones nodum hunc Gordiano implicationem ſolvere non valentes quaſi gladio detruncant, aſſerentes id poſſibile eſſe ob diviſibilitatem materiei uſque in infinitum, atque ita quemadmodum ille oraculum, hi munus Philoſophi vel illudunt, vel adimplent.

Attenim licet hæc materiei diviſibilitas mathematicæ admitti poſſit, neutiquam tamen phyſicæ. Mathematicus cum quantitatem, ſeu corpus ſejunctum a qualitatibus ſenſibilibus conſideret, data qualibet corporis diviſione, ulterius mente dividere poteſt, unde fit, quod aliqua ponit Mathematicus, quæ Phyſicus non admittit, ut punctum ſine partibus, lineam ſine latitudine, & profunditate, ſuperficiem in longum, & latum ſolum extenſam, quæ tamen in re minime eſſe poſſunt. E contrario Phyſicus cum corpus ſenſibilibus qualitatibus veſtitum ſpectet, illud in infinitum diviſibile actu non agnoſcit, ad tantam quippe, talemque partium exiguitatem deveniet; ut ſub minore corporis ſubſtantia phyſicæ non remaneat. Ulterea nil in infinitum phyſicæ dividi actu poteſt, niſi re & phyſicæ infinitum ſit: porro materiam nedum humanorum corporum, ſed & totius mundi finitam eſſe, ſuoſque phyſicæ habere limites certiffimum eſt; cum phyſica diviſio non ſit, niſi partium phyſicæ præexiſtentium ſecretio, præſertim cum novi Philoſophi non admittant cum Peripateticis generationem, ſed ſolum cumcretionem, vel diſtractionem in corruptione. Abſeant igitur

R

novi

novi Philosophi cum hac sua in infinitum divisibili materia. Demonstrationes mathematicæ, quas jactitant, probant quidem, si tamen demonstrationes sunt, materiam divisibilem esse in infinitum tantum mathematice, idest extensionem esse divisibilem in infinitum, at non rem extensam, ut alii Philosophi egregie ostendunt eos deridentes; qui in rebus physicis ejusmodi mathematicis demonstrationibus utuntur non animadvertentes fieri transitum a genere ad genus, quod turpis fallacia est serula castiganda.





CAPUT XVI.

Nec ratio hypothesis novas
Philosophos juvare potest.

QUorsum systematis incomprehensibilitas, atque enormitas (inquit non-nemo) obtenditur novis Philosophis, qui rem ita contigisse non *bitur*, sed *videtur* tantum dicunt; ut multa explicentur, quorum intellectus hactenus latuerat, quem in finem etiam ea, de quibus non satis constat, an vera sint, commodè conducere possunt: non est propterea novis Philosophis, quasi impossibilia venditent exprobandum, summæ imò laudi vertendum; quemadmodum eruditi omnes summis effierunt laudibus Copernicum, & Gallilæum, quod ex hypothesis motus telluris omnia cælorum phenomena, quæ ad sua usque tempora sub densa caligine fuerant, feliciter sub dio posuerint. *In hypothesis Philosophicis sumimus quedam*, inquit Wolfius cap. 4. Philosophiæ rationalis de methodo philosophica §. 127. *de quibus non constat, num sint, ac si ea essent; propterea quod rationem inde reddere licet eorum, quæ fieri observamus.* Quot enim fidei nostræ arcana ex hac hypothesis deteguntur,

R 2

aut

aut saltem explicantur, quæ quia non percipiuntur, incredulorum irrisioni exponuntur.

Sat verborum. Facile est commonstrare, non propterea hypothesim aliquam statim amplectendam esse, quod phenomena explicet, exponatque eleganter; ut laterem lavent, qui ex hoc capite novum systema de hominum origine suadere conantur: habeo quippe asme sæpe laudatum Vallisnerium, qui, quanti faciendum sit systema aliquod ex eo, quod phenomena explicet, clarissimis argumentis ostendit: impugnans enim systema Leevvenohekianum de *vermiculis spermaticis* eo nomine ab Auctoribus suis propugnatum, quod omnia generationis phenomena explicet, ita ad rem nostram perquam belle philosophatur. lib. 1. diversorum operum p. 1. de Verm. sperm. cap. 13.

Nè punto mi move, il poterfi spiegare tutti quanti i fenomeni della generazione, posso il sistema degli Spermatici vermi, imperocchè veggiamo che tutte quante le sette de' Medici, e de' Filosofi, poste le loro dottrine, e i loro principj, o veri, o falsi che sieno, spiegano con un poco d'ingegno tutti gli stessi fenomeni, e pare ad ognuno la sua spiegazione chiarissima, e che gl'interroganti soddisfatti ne restino, o restar debbano, e niun' altra cagione trovar si possa della lor migliore. S'ascoltino quelli che donano tutta la gloria della generazione alla donna, quelli che la danno tutta all' uomo, anche senza le immaginette de' vermi feti, quelli che vogliono l' uno, e l' altra concorrere per metà alla grand' opera, e un gran numero di sistemi, non solo fra se diversi; ma contrarj, si rischiamino alla di'a.

disamina, tutti quanti apparentemente bene i fenomeni della generazione vanno spiegando, e giurerebbe ognuno di loro che in niun'altro modo possa la natura operare. L'è versatile, per dir così, l'umano ingegno, ed in mille parti pieghevole, e in un certo modo, quasi dissi, anche creatore, onde può fingere così belle, così plausibili idee, anzi sovente ne finge di così verisimili che paiono vere. Nella stessa maniera diciamo ora di chi sostiene la sentenza de' vermicelli; può con ingegno spiegare anch'esso quanto veggiamo, e non veggiamo nell'opera della generazione; ma non per questo segue, che infallibilmente sia la vera. Si può al più dire, che sia verisimile: ma questo verisimile, con tutto che molli in lui si quietino, e di lui si risidino, e si contentino, io lo giudico una larva ingannatrice, un veleno occulto, e dolce, e il maggior nemico, che abbia la verità, perchè appunto a lei si assomiglia, e a chi non è ben cauto, par dessa. Da questo più, a me creda, si resta ingannato, che dal falso, conciossiachè questo quasi da ognuno, anche a prima vista, ciò ch'egli è, si raffigura, e distingue; ma non già con tanta felicità quello che porta in fronte la simiglianza del vero, abbagliando facilmente i meno dotti, o i meno accorti. E' vanto de' Poeti il servirsi ne' loro componimenti, e de' Pittori nelle loro Pitture del verisimile, a' quali dal comune acconsentimento è stata donata la libertà, e l'privilegio di fingere; ma non deve essere de' Filosofi, che parlar debbono colla sola bocca della natura, ch'è tutta inalterabile verità, e che non adopra, per così dire, altro linguaggio che quello datogli da Dio. Anche al Rettorico, o all'Oratore si concede nelle di-

disfesse, far comparire il piccolo per grande; il grande per piccolo, anzi il vero sovente per falso, il falso per vero, per sostentar la sua causa, e persuadere; di manierachè il grave Catone, amatissimo del vero, e di una giustizia incorrotta severissimo protettore, avendo udito Carneade Aeniese, ita pro iustitia dicentem, ut nemo non assentiretur, eandemque rursus ita, quæ dixerat, impugnantem, ut omnes sententiam mutarent: eicite, inquit, hunc hominem, cui nihil persuadere difficile est. Ma veggiamo adesso appresso alcuni confuse le leggi del Poeta, del Pittore, dell' Oratore, e del Filosofo, e per questo sovente da Poeta, da Dipintore, e da Oratore, dimentico di parlar sempre con la nuda natura, della sua sola, e bella nudità contenta, ch'è tutta vera, non verisimile, tutta semplice, non d'artifizj composta, cioè da nulla bugia frodata, nè miniata da alcun belletto.

Non basta dunque che questo nuovo sistema sia verisimile, e che posti tutti i fenomeni della generazione si spieghino, mentre la spiegazione sarà apparente; ma non reale, se si disaminerà nel suo fondo, come fatto abbiamo. Quæ, si Latio vertantur, hinc sensum reddent.

Nec leviter moveor, quod omn'a generationis phenomena posito vermiculorum systemate explicari possint: videmus enim omnes, & singulas Medicorum, & Philosophorum sectas, doctrinis suis, atque ex iis, quæ semel posuerunt, principiis, sive veris sive falsis, modico mentis acumine ead. in phenomena explicare, atque unicuique propriam explicationem clarissimam apparere, sibi que valeri, quod his omnes in-

interrogantes aut revera aquiescant, aut aquiescere debeant, nec alia inveniri possit ratio, quæ propria melior sit. Sive hi audiantur, qui fœminæ omnia tribuunt in generatione, sive qui omnia viro, etiam sine vermi-fœtum figuris, sive qui utrunque in magno opere suas æque habere partes dicunt, cunctaque systemata, quorum non modicus est numerus, nedum inter se diversa, verum & opposita vocentur ad examen, omnia in speciem atque apparenter generationis phænomena explicant, ut eorum quilibet sanctissimo juraret aliter naturam operari nequaquam posse.

Versatilis est humana mens, atque in nulle partes flexibilis, & quodammodo, ut ita dicam, creatrix: adeo ut tam speciosas ideas fingere valeat, fingatque imo quandoque ita verisimiles, ut proveris, & certis accipiantur. Ita in præsentia de eo dicimus, qui opinionem de vermibus defendit, potest & ipse quidquid in generationis opere apparet, abstrusumque est, ingenii sui vi explicare. At non inde sequitur, eam opinionem absdubie veram esse: ad summum verisimilis dici potest. At hanc verisimilitudinem, quamvis plurimi sint, qui in ea quiescant, fallacem speciem ipse judico, & oculum quoddam, & suave virus, eo veritati insensius, quo similis, sicut & cuilibet, qui non satis animadvertit: ab hac enim (credite) plusquam ab ipsa falsitate decipiuntur: hæc enim facillime, ipsoque primo aspectu pro ea, quæ revera est ab unoquoque deprehenditur, non itidem illa, quæ veritatem præferens minus doctos, & minus cautos decipit, & fallit.

Poetarum est, & pictorum, de quibus Oratius ait: Pictoribus, atque Poetis quidlibet audendi semper

per fuit æqua potestas, verissimilitudinibus uti, non vero philosophorum, quorum es, & lingua ipsamet natura esse debet, quæ pura putaque immobilis veritas est, nec alio, ut ita dicam, loquitur idiomaticè, quam eo, quod a Deo habuit. Rhetoribus etiam, atque Oratoribus permissum est, ut cum aliquid defendunt, parva augeant, & magna minuant, imo & quandoque verum pro falso falsumque pro vero; si res sua ita exigit, suadeant: adeo ut Cato, ille veritatis tenacissimus amator, atque incorruptæ justitiæ protector acerrimus, cum audisset Corneadem Atheniensem ita pro justitiâ dicentem, ut nemo non assentiretur, eundemque rursus ita, quæ dixerat, impugnantem, ut omnes sententiam mutarent, ejcrite, inquit, hunc hominem, cui nihil persuadere difficile est. Nonne hac ætate videmus leges Pictoris, Poetæ, Rectoris, & Philosophi promiscue confusas, & Philosophos non raro Poetæ, Pictoris, & Rhetoris partes agere, non animadvertentes se semper cum ruda natura loqui, quæ de sua gaudet nuditate, tota vera, & non verisimilis, tota simplex, & non ficta, aut fucata? Non satis igitur est, hoc novum systema verisimilitudinis esse, eoque omnia generationis phenomena explicari, nam ejusmodi explicatio si funditus discutitur, ut jam factum est, ficta tantum, & in speciem erit. Hactenus Vallisnerius, an vero æque bene pro re sua, ac pro mea oraverit, ipse viderit; nam quum suum de ovis fæminarum vivipararum systema suadere nititur, totus est, ut demonstrat, eo systemate omnia generationis phenomena clarissime intelligi, non animadvertens non tam Leevvenohékip, quam sibi negotium facessere. Quod

Quod pro meo negotio ex Vallisnerio inconcussum est, illud puto, quod non ideo systema aliquod magni faciendum est, quod phenomena explicet. Laudibus efferant, qui velint, Copernicum, & Gallilæum, qui ut orbium cælestium revolutiones, planetarumque gyros exponerent, tellurem suis e cardinibus, quibus immota hætenus steterat, deturbarunt. Anne tantæ molis erat hos stellarum motus nosse, ut tota mundi machina susque deque inverti debuerit, invitis Scripturis, & contra communem hominum sensum?

Quamvis igitur facile sit ex positione alicuius systematis rationem, & causam reddere, cur aliquid ita sit, aut ita fiat; nisi aliunde certo constet systema illud verum esse, ratio, & causa semper erit dubia, imo & falsa, si falsum sit systema. Porro cum istud de omnium hominum in Adamo creatione, aut etiam in Hæva, falsum sit; nemo est, qui non videat, neque etiam ut hypothesim admittendum esse.





CAPUT XVII.

Dogma peccati originalis obscuratur potius in hoc systemate, quam dilucidetur.

UT omni ex parte corruat philosophicum commentum, reliquum est, ut ostendamus nil commodi aut utilitatis inde haberi, imo culpæ originalis intellectum, quem plenis, & follicantibus buccis se affectuos fuisse novi Philosophi jactitant, fieri prorsus impossibilem in hoc systemate, nedum facilem non reddi. Du-Vigierius in suo *Traité de l'Esprit de l'Homme* chap. 14. ita inquit: *Pour bien comprendre comment les hommes ont pu pecher dans Adam, il ne faut que se remettre ici devant les yeux ce que nous venons de dire; sçavoir, que tous les corps des hommes étoient contenus dans Adam, que tous ces corps avoient une relation avec le sien pour en tirer leur substance, qu'ils devoient participer à ses mêmes impressions comme le fœtus participe à celles de la mère, & qu'enfin tous ces corps étoient déjà unis à leur ame, parce que tout cela posé on explique tout ce qui regarde le peché*
ori-

Original ; car suivant ce système , on verra que lorsque Dieu défendit à Adam , de manger du fruit de l' Arbre de science du bien & du mal , les impressions de son cerveau se communiquèrent au cerveau de ses enfans , qui eurent par conséquent les mêmes idées , puisque les idées sont une suite nécessaire des mouvemens des organes , comme nous l'avons dit , ainsi ils reçurent tous le même commandement , & lors qu' Adam fut tenté de manger du fruit par l'esperance de la grandeur que promettoit l' Ange rebelle (car je ne saurois me résoudre à l'accuser de gourmandise) les mêmes impressions se firent sur le cerveau de ses enfans , qui eurent ainsi la même idée , & lors qu' Adam consentait à manger du fruit défendu , ses enfans y consentirent d' autant plus aisément que la mollesse de leurs fibres ne conservant presque point de traces , ils conservoient moins le souvenir du précepte , & que d' ailleurs le cours de leurs esprits animaux qui devoit suivre leur consentement étoit encore favorisé par le cours des esprits animaux d' Adam , qui coulerent en consentant à manger ce fruit .

Il est bien vrai que les enfans d' Adam n'agirent pas dans cette occasion , à cause de la foiblesse de leurs organes , avec une liberté aussi parfaite qu' Adam lui-même , & pour nous représenter en quelque sorte de qu' elle maniere ils purent dans leur état consentir à la désobéissance , nous comparerons leur péché à ceux qu' on commet journellement sans une liberté parfaite , & nous dirons qu' ils offensèrent alors le Seigneur en quelque sorte comme une personne qui s' éveille en sursaut , que leur action fut a peu près pareille aux mouvemens que les Casuistes

appellent premièrement seconds, & qu' enfin ils peccerent en quelque manière comme les enfans qui sont à la nourrice, qui peccent véritablement comme Saint Augustin le dit de lui même.

Hoc est : ut quis percipiat, quo pacto homines in Adamo peccaverint, satis est, si animadvertat omnium hominum corpora Adamo inclusa fuisse, quæ respicerent Adami corpus, ut id a quo & substantiam receptura fiat, & impressiones : quemadmodum fœtus substantiam matris, ejusque impressiones participat : denique ejusmodi corpora suis unita fuisse animabus ; hoc enim posito, fiunt statim manifesta quæcumque spectant peccatum originale : apparet namque præceptum illud, quo Deus vetuit Adamo fructum arboris scientiæ boni, & mali, primo impressum fuisse Adami cerebro, deinde filiorum, easdemque propterea habuisse ideas, cum hæc organorum motibus naturaliter consequantur, atque ita eandem Dei legem acceperint omnes. Porro cum Adamus fallaci divinitatis spe Cacodemonis fraude captus tentaretur, ut fructum comederet, ejusdem tentationis impressio ex Adami cerebro ad filiorum cerebrum transiit, unde illo tentationi succumbente succubuerunt & ipsi, eoque facilius, quo molliores, & ad conservandam memoriam præcepti ineptiores cerebri fibras habuerunt, opem præsertim ferentibus spiritibus animalibus Adami ad fructus esum conducentibus.

Verum ob organorum mollitudinem minus ipsi, quam Adamus peccarunt ; fuitque eorum peccatum ex his motibus, quos Theologi secundo primos vocant ; quapropter licet omnes de repen-

te cum Adamo filii iræ evaserint, non eodem tamen modo, nec eandem Dei indignationem meruerunt: Adami crimen utpote plena perfectaque libertate patratum mortale fuerit, æternisque pænis dignum: peccatum vero filiorum utpote minore libertate ob organorum teneritudinem commissum minus grave fuit, dignumque solum, quod Divina gloria privaretur. Thraſoniam hanc Du-Vigierii fidentiam mirantur omnes, qui cum Theologorum scholas ne e limine quidem salutarit, ut ipsemet candide ingenueque fatetur: *je ne crains pas que personne me condamne, si je n'en rends pas bien sensible ce Mystère, moi qui n'ay jamais étudié en Théologie, & qui fais un métier tout à fait opposé*; nihilo tamen secius id explicare tentavit, quo, teste S. Augustino, *nihil est ad prædicandum certius, nihil ad intelligendum secretius*.

At ridet Theologi videntes irritos fieri De-Vigierii conatus, & mysterium illud, quod ita referare putat; ut omnibus pateat, magis claudii magisque obserari.

Et sane, si ea, quæ hujus novi systematis assertores, & Patroni dicunt, paullulum expendamus, extemplo apparet fieri omnino impossibilem hujus mysterii intellectum.

Leybnitzius in p. parte *Theodiceæ* num. 91. aperte ait: animas in statu præexistentiæ rationis omnino expertes esse, & tantum vitam sensitivam, atque animale vivere, fieri vero rationis participes eo duntaxat tempore, quo generantur homines, peculiari quadam nimirum Dei operatione, quam ipse *transcreationem* appellat.

Ma-

Mais il me paroit encore convenable pour plusieurs raisons qu'elles n'existoient alors qu'en ames sensitives ou animales, douées de perception, & de sentiment, & destinées de raison & qu'elles sont demeurées dans cet état jusqu'au tems de la generation de l'homme à qui elles devoient appartenir; mais qu' alors elles ont reçu la raison ; soit qu' il y ait un moyen naturel d'elever une ame sensitive au degré de ame raisonnable (ce, que j' ai de la peine à concevoir) soit que Dieu ait donné la raison a cette ame par une operation particuliere où (si vous voulez) par une espeece de transcreation.

Wolffius vero eas esse in statu idearum confusarum: dum anima, inquit sec. 4. Psychol. rat. de Animæ ortu §. 70. in corpusculo organico præexistente quod fetus rudimenta continet, si ita videtur, in animalculo spermatrico præexistit, in statu perceptionum confusarum est, idest etsi ideas ab initio habet, eas nonnisi obscuras habet, & si quid claritatis immixtum perceptionibus obscuris est, adeo exiguum illud est; ut in numerum clararum idearum minime referri mereatur, ubi nec sibi conscia est, caret operationibus intellectus & rationis, prætorumque memoria: hæc enim omnia nonnisi per ideas claras peragi possunt.

Dicat nunc Du-Vigierius, qui fieri potuit, ut homines peccaverint, qui operationibus intellectus, & voluntatis, ut ait Wolffius, carebant, quive, ut Leybnitzius autumat, erant rationis expertes, & vitam tantum sensitivam, animalemqve vivebant; quomodo porro ideæ Adami excurrere potuerunt ad filios usque? atenim vel hæc idearum derivatio tanta, talisque fuit, ut ej filii
 rest.

resistere non valuerint, & tunc quomodo peccarunt in eo, quod vitare non potuerunt, vel libera resistendi facultas in eis remansit, & tunc unde habent, quod non resisterint? Quod corpus Patris quid valeat in corpora filiorum, dum ea in se claudit, utcumque intelligi potest ex genitivis illis notis, quas vehemens matris appetitus filiorum corporibus imprimit. Verum quod anima in animam ita operetur; ut eam ad agendum impellat, saniores Philosophi una cum Theologis, qui potestatem hanc agendi in voluntates hominum soli Deo voluntatis auctori adscribunt, falsum omnino putant, quapropter ad exemplum Adami allicientis, vel præcipientis, aut minantis peccarunt homines, nec aliter peccatum primi parentis in hac hypothese filios, nepotisque affecit, quam imitatione, quod purus, putusque Pelagianismus est.

Ulterea homines Adamo inclusi in quo naturæ statu erant? innocentis, puræ, aut lapsæ? si innocentis, non video, quo pacto eorum peccatum leve fuerit, & venia dignum. D. Thomas 1. 2. q. 89. a. 3. communiter cum Patribus, & melioris notæ Theologis aperte negat, hominem in statu innocentie potuisse venialiter peccare, quia, inquit hoc [peccare venialiter] contingit propter quemdam defectum ordinis ex eo, quod inferius non continetur firmiter sub superiori in statu autem innocentie erat infallibilis ordinis firmitas; ut semper inferius contineretur sub superiori, quandiu summum hominis contineretur sub Deo, & ideo oportebat, quod inordinatio in homine non esset, nisi inciperet ab hoc, quod summum hominis non subderetur Deo, quod

quod sit per peccatum mortale. Si in statu naturæ puræ: quomodo adversari sibi Theologos cunctos non vident, qui non parum laborant; ut contra Jansenium ejusmodi statum naturæ puræ saltem ceu possibilem probent? Homo namque non minus ac Angelus in gratia a Deo creatus est; unde Augustinus ait, quod *simul erat in eis condens naturam, & largiens gratiam.* Si denique in statu naturæ lapsæ fuerunt, dicant quæso per quodnam peccatum a gratia exciderunt? non puto novos Philosophos dicturos, homines peccasse antequam suis includerentur corporibus, ut senserat Origenes.

At demus hæc omnia, nempe Adami ideas hominum cerebro, ut cum ipso peccante & ipsi peccarent, fuisse impressas: dicant sodes ubi est peccatum originale? Peccatum quod propria voluntate patrat, sive morte, sive venia dignum illud sit, non est nisi peccatum actuale juxta communem omnium sensum; peccatum namque originale illud intelligitur ab omnibus, quod a Patre in filios, nepotisque continua generationum serie transfunditur.

Demus etiam peccatum istud propria licet voluntate patratum posse utcumque originale appellari. Quid inde? nonne in hoc systemate eadem facilitate, qua explicatur, de medio tollitur?

Si homines peccarunt, quia peccanti Adamo ob idearum communicationem assensum suum præbuerunt; quidni etiam Adamo dolenti, & pœnitenti ob eandem idearum communicationem, & participationem assensum suum præbuerunt?

runt, & quemadmodum ille gratiam, & misericordiam coram Deo, & ipsi invenerint: nunquid hæc idearum communicatio statim post peccatum ablata est, ut qui minus peccarunt gravius punirentur; quia impotentes effecti rescipiscere non potuerunt? en quam eleganter peccati originalis mysterium in novo hoc systemate explicatur, seu totius densioribus nebulis obtegatur, atque obscuratur.

Dicam ego, quid commodi, atque utilitatis ex hoc systemate erui possit: habent fæminæ, unde impune, & absque turpitudinis, aut vitii labe supra, incestus, aut adulteria committere possint, & licet Phryne, aut Laide salaciores sint, Penelope modestiores, ac castiores audire. Enim vero si ad plures menses & annos vermes spermatici in utero mulieris vivere possunt, ut in hoc systemate probabilissimum est; mulier, cuius vir diu absens fuerit, aliis viris commisceri poterit, atque ex illis toto tempore, quo vir abest, filios suscipere: quin vir, cum venerit, de violata fide possit conqueri: præsto enim, & in promptu erit responsio, suo in utero spermaticos vermes a marito relictos fuisse, qui postquam diu latitaverint, nacta occasione maturum ovum ingressi juxta geneleos leges se se expedierint, extricaverint, atque exsolverint in hominem: narrat Bertolinus in *epistola medic.* nobilem quandam mulierem Parisiensem, cuius maritus quatuor integros annos domo absens fuerat, peperisse, quæ adulterio accusata sanctissime juravit cum nullo viro commixtam fuisse, sed tantum in somnio cum absente viro fuisse congressam. Super qua re con-

sulti Medici Montispefulani, inter quos Hieronymus de Revesin, & Eleonorus de Belleval, Senatui Gratianopolitano responderunt, id possibile esse: eo in somnio fortassis contigit, ut vermis ovum ingrederetur. Ita quoque in ovorum systemate poterit puella quælibet Amasiis suis indulgere, quin infamiam amissæ Virginitatis incurrat, etiam si centies pariat. Dn. namque Vercheyn experientia convictus fieri posse affirmat, ut ova suis ex ovariis solo coeundi desiderio sine maris ope separentur, & in Tubas Fallopianas, moxque in uterum descendant: ita namque deprehenderat in juvenca, quam taurus necdum ascenderat; unde persuasum illi est, non opus esse, ut semen maris sæminæ uterum ingrediat, nec semper revera ingredi. Quid quæso amplius requiritur, ut ex Virgine, cuius ex ovariis ovum per Tubas in uterum lapsum sit, nascatur homo, si semen viri necessarium non est, ut modo laudatus Verbeyn docet: nonne ita impura Puella stuprum suum commode tueri poterit; & licet millies vitiata, & pluries mater sit, tanquam virgo castissima agnosci? Hæc sunt, quæ ex novo systemate consequuntur, quæ si ultra Garamantas, & Indos plumbeis, stupeisque hominibus dicerentur, vix inveniretur, qui auscultare dignaretur. Facessat ergo novum systema, quod omni ex parte futile est, ac ruinosum, seu fabulosum, & commentitium.



ANACEPHALEOSIS.

HÆc est ea opinio , quam nonnulli huius tempestatis Philosophi adeo jactitant, extollantque ; ut toti retro antiquitati^{ne}pe- ne insultent, quod nemo eorum hactenus fuerit, qui sui originem detexerit : quasi thesaurum hunc e reconditioribus naturæ fodinis educere, veritatemque hanc e Democriti puteo extrahere eis dumtaxat reservatum fuerit . E contrario Theologus eam indignam prorsus judicat, quæ Christianis, Catholicisque invehatur scholis. Jure & merito . Quid enim, inquit Theologus, a Catholicis scholis arcendum magis, quam id, quod cum Christiana fide stare nec potest, nec debet, ut est ejusmodi opinio, quæ cunctos homines tum quoad corpus, tum quoad Animam una cum clementis in mundi exordiis creatos asserit? Apertissima sunt, quæ in Scripturis de formatione unius tantum viri, ejusque conjugis narrantur a Mose, cæterisque Prophætis, qui verbum Dei locuti sunt. Res plane Philosopho Christiano indigna, qui nil sanctius antiquiusque habere debet, quam placita sua divinis Scripturis accomodare, nec in oppositam sententiam ire.

Historia Synesii Ptolemaidis Episcopi, & Rufini Aquilejensis Præbiteri, qua fertur inter

Christianos connumerandos non esse, qui Animas post corpora materno in utero formata a Deo factas non agnoscerent, meridie clarius significat, Christi fideles a majoribus suis accepisse, Animas quotidie a Deo fieri. Adeo firmam traditionem opus erat adducere, ut quam turpiter a veritate aberrant novi Philosophi, ostenderemus.

Ecclesia Catholica toto orbe diffusa, qua fide credit Beatam Virginem officio usam fuisse materno, sexusque sui naturam in conceptu, & partu Christi executam fuisse, ut scilicet præter concipiendi, gestandi, & pariendi ministerium, carnem quoque suam, ex qua fieret Christi corpus, Spiritui Sancto tribuerit; alioqui vera mater non fuisset: & qua fide credit Christi Humanitatem, Corpus scilicet, & Animam, seu totum id quo Christus Homo erat, non cum cæteris elementis in mundi exordiis creatam fuisse, sed post quatuor annorum millia, credit quoque Deum statim ab orbe condito a novis producendis rebus non cessasse. Quid igitur absurdius, quam olim omnia facta fuisse, nihilque modo fieri, cum hoc gemino huic fidei nostræ capiti e regione opponatur?

Concilium V. Lateranense insulsa Pomponatii, aliorumque illius ætatis Philosophorum (si tamen Philosophorum nomine appellari mereantur, qui turpiter errant) opinamenta, seu potius deliramenta damnando sanxit & definivit, Animam humanam quotidie multiplicari, & ad usque mundi finem fore multiplicandam. Romani Pontifices, Leo primus, Gelasius, & Gregorius itidem primus tantitate, & sapientia vere Maximi exerto veluti digito locum designant, ubi homines quo-

quotidie fiant: damnantque propterea non eos solum, qui cum Origenianis, & Priscillianistis Animas extra corpora aliquando extitisse effuriunt, verum & eos, qui materna inter viscera corpora primum animari non credunt. Patres omnes idem prædicant, quibus adeo persuasum semper fuit, novos in diem creari homines; ut in controversia de Animarum origine id loco principii habuerint, & tantum utrum ex traduce, an ex creatione propagarentur Animæ, inquirerent præ cæteris Sanctus Augustinus. Quid clarius, quid robustius pro adferenda quotidiana, & diurna hominum creatione his Concilii Oecumenici, Summorum Pontificum, Patrum, & Augustini testimoniis? His omnibus opus erat, ut nulla Philosophis nostris aliter opinantibus fides adhiberetur.

Theologi, & cum Theologis Juris Pontificii periti, qui, quoties de abortu dubium emergit, num homicidium fiat, sine mora animadvertunt primo, num fetus animatus sit, aut inanimis (inquisitio plane ridicula, si fetus ab orbe condito suam habuit Animam) non aliud docent, quam id, quod ex Scripturis, Patrum traditione, Conciliorum decretis, & Romanorum Pontificum definitionibus hauserunt: ut turpe sit summæque impudentiæ omni animadversione dignissimæ tot tantisque Viris obniti.

Ad hæc: si Philosophi omnes tum veteres, tum recentiores, hique etiam consulantur, qui corpora omnia principio rerum jam creata fuisse autumant, unanimi voce facientur, novas quotidie Animas in generatione suis infundi corporibus.

C A P U T XVII.

*utero homo , & Anima constans & corpore , & e-
grediatur vivus ex utero plenus humana substantia.*

GENNADIUS Ecclesiastic. dogmat. cap. 14.

F I N I S.



INDEX

CAPITULUM.

CAPUT I.

Expōitur Wolfii systema. pag. 11

CAPUT II.

*Recentiorum Philosophorum de hominum ortu opinio
scripturis opponi demonstratur.* pag. 16

CAPUT III.

Traditione; quæ est alterum Theologiæ argumen-
tum, recens Philosophorum sententia refellitur
pa. 27

CAPUT IV.

Ecclesiæ Universæ consensus systema Du-
gierii, Leybnitzi, & Wolfii reicit, & damnat.
pag. 34
CA.

I N D E X

153

C A P U T. V.

Novitia Philosophorum de hominum ortu opinio cum
Concilii Oecumenici auctoritate stare nentiquam
potest. pag. 43

C A P U T VI.

Romani Pontifices Recentiorum Philosophorum opi-
nationem averfantur, atque abhorrent. pag. 48

C A P U T VII.

Unanimi Patrum sensui recens systema e diame-
tro opponi demonstratur. pag. 53

C A P U T VIII.

Ex silentio S. Augustini baud leve contra unam
omnium hominum in Adamo creationem coficitur
Argumentum. pag. 61

C A P U T IX.

Reprobatur amplius recens systema auctoritate Do-
ctorum Scholasticorum, & Juris Pontificii pe-
ritorum. pag. 68

C A P U T X.

Nulla ratio naturalis novo systemati suffragatur.
pag. 75

V

CA.

CAPUT XL

*Philosophi tum veteres, tum novi sunt ex adverso
Du-Vigierio Leibnizio, & Wolfio. pag. 89.*

CAPUT XLII.

*Ex Antilogiis humanæ Historiæ novi systematis
falsitas evincitur. pag. 92.*

CAPUT XLIII.

*Omnes, & singulos homines in mundi exordiis cum
Adamo creatos non patitur Virginitatis, & Con-
tinentiæ votum. pag. 108.*

CAPUT XIV.

*Matrimonii insolubilitas, & Monogamiæ lex,
quæ in Ecclesia sanctissime custodiri mandantur,
novos quotidie fieri homines suadent. pag. 115.*

CAPUT XV.

Enormitas novi systematis adnotatur. pag. 103.

CAPUT XVI.

*Nec ratio hypothesis novos Philosophos juvare po-
test. pag. 131.*

I N D E X

155

C A P U T XVII.

Dogma peccati originalis *obscuratur potius in hoc
systemate, quam dilucidetur.* pag. 138

F I N I S.

V 2

Fa-

Facultas Ordinis
NOS F. THOMAS RIPOLL

*Sacrae Theologiae Professor, ac totius Ord. Praed.
 humilis Mag. Generalis, & Servus.*

HArum serie, nostrique autoritate Officii licentiam concedimus Rev. P. Lectori F. Thomæ Gundisalvo Carattini Provinciae nostrae utriusque Lombardiae imprimendi opusculum ab ipso compositum cui titulus, *Philosophica Christiani Wolfii Mathematicum ac Philosophiae in Academia Marburgensi Professoris P. aliorumque recentiorum Du-Vigierii praesertim, & Leybnitzi de origine, & praesistentia animarum Theologicae Discussionis atque Excussae Sententia*, dummodo prius sit revisum & approbatum a R. R. P. P. M. Fr. Carolo Hyacintho Cagnoli, & L. Prim. Hieronymo Taffelli praefatae Provinciae & servatis aliis de jure servandis. In nomine Patris, Filii, & Spiritus Sancti Amen. In quorum fidem &c. Datum Romae in Conventu nostro Sanctae Mariae super Minervam die 5. Martii 1738.

Lec. ✱ Sig. (Fr. Thomas Ripoll
 (Mag. Ordinis.

Reg. fol. 119.

*F. Dominicus Ponsi
 Mag. Exprovincialis, & Socins.*

AP

A P P R O B A T I O

Jubente Reverendissimo totius Ordinis nostri Generali Magistro F. Thoma Ripoli summa animi voluptate perlegimus, ac diligenti examine ponderavimus Dissertationem ab Adm. Rev. P. F. Thoma Gundisalvo Carattini Ordinis Prædicatorum Scripturæ Sacræ Lectore editam, studioseque elaboratam; cui titulus: *Philosophica Christiani Wolfii Mathematicum ac Philosophiæ in Academia Marburgensi Professoris P. aliorumque recentiorum Du Vigierii præsertim, & Leybnitzi de origine, & præexistentia animarum Theologice Discussa atque Excussa Sententia*, atque in ea nihil inter legendum novimus, quod fidei adversetur, & a probis moribus abhorreat; sed omnia ex purissimis Scripturæ Sacræ, Sanctorum Patrum, Conciliorum fontibus, potissimum ex D. Augustino Ecclesiæ luminè, & Angelico Præceptore omni ex parte ferme hausta, ac defuncta invenimus: Quo circa in rem Ecclesiæ esse censuimus, ut hæc Dissertatio in uberiores Sacræ Theologiæ defensionem, edatur.

Datum Veronæ in Conventu S. Anastasiæ die quarta Augusti 1738.

Fr. Carolus Hyacinthus Cagnoli Ord. Præd.
S. T. Mag.

F. Hieronymus Antonias Tafelli ejusd. Ord.
& in Conventu S. Anastasiæ S. Th. Lect.
Primarius

NOI RIFORMATORI

Dello Studio di Padova.

A Vendo veduto per la Fede di Revisione, ed Approbazione del P. *Lauro Maria Piccinelli Inquisitor di Verona* nel Libro intitolato *Philosophica Christiani Wolfii Mathematicum, ac Philosophia in Academia Marburgensi Professoris P. aliorumque recentiorum Du-Vigierii praesentim, & Leibnitzii de origine, & praesistentia animarum Theologicae Discussa atque Excussa sententia*; non v'esser cos'alcuna contro la Santa Fede Cattolica, e particolarmente per Attestato del Segretario Nostro niente contro Principi, e buoni costumi, concedemo Licenza a *Dominico Pajella Stampator in Verona*, che possi esser stampato, osservando gli ordini di Stampa, e presentando le solite Coppie alle Pubbliche Librerie di Venezia, e di Padova.

Dat. 4. Ottobre 1738.

(*Gio: Francesco Morosini Cav. Rif.*
(*Z. Piero Pasqualigo Rif.*
(*Daniel Bragadin Cav. Pror. Rif.*

Agostino Gadaldini Segr.

Errata.

Corrige.

Pag. lin.

5	12	arequi	arequi
6	26	sanctissime	sanctissime
41	7	cum Maternitate	cum Maria
47	10	eodemmore	eodemmore
54	33	admisisset	admisisset
55	23	n n	non
64	19	luisse	latuisse
85	15	diurna	jugis
92	10	Mafilus	Mafilus
95	12	ostei	ostrei
101	15	&	ex
105	9	qui mos	quem morem
	27	gynicæ	gynicæ
113	20	quibus hostis	quibus hostis.
135	29	preferens	pro se ferens
140	12	fuisse	fuisse
145	8	tojus	potius

Cætera, quæ orthographiæ sunt Tu. B. L. condonabis

2

43





CB



